

新州志卷之二十七

知新州事嶺西封蒞纂修

藝文志

古文

國朝

各體文
十一首

序 二十二首

修新州儒學廟序

顧景星

黃公

順治十一年詔天下郡縣學廟兵火廢者有司能捐俸
修建皆得疏聞命吏部紀錄十六年己亥刑部丹陽湯

公以按察司副使駐劄石文轄武爲

天子使越明年軍府城郭絲役利病罔弗釐舉德道禮齊率
先有司計所部郡縣之有學廟凡四十有四而斷則所
駐邑故首修之州守遼陽王公仔厥任官茲土者咸出
廩祿鄉大夫士游於是庠者醵貨力勸事而楊公以文
屬景星按學與廟本二古有學無廟釋菜奠幣卽於學
漢太學闕里始立廟六朝仍之北齊令郡學立孔顏廟
此郡有學廟之始唐武德初郡皆有廟未及縣貞觀中
許敬宗奏天下州縣置三獻官他如立社開元三十七

年詔諸州廟立十哲七十二賢位爵公侯伯有差其後
州縣莫不有學學皆有廟然邊徼下邑多無之晚代衰
亂庠序頽圯或學廢而廟存以故唐宋文士之碑記多
言廟不言學洪武二年冬十月辛巳詔天下郡縣學廟
並建嘉靖十年改大成殿曰孔子廟有殿有廡有堂有
齋有庫有閣有亭殿廡以祀聖賢閣以尊經庫以藏遺
豆琴瑟亭習升降麗牲禮堂以講論齋以居教官及生
徒之來學者歷代禮儀至是墮正猶與盛哉久之郡縣
學仍空名士鮮游習禮教不行而士風大壞吁昆悲矣

兵火以來鞠爲茂草所謂空名者又十不存五斷之學
舊有朱元晦教授廳記洪武初知府左安善摩朱書體
刻於壁錢敏王坦趙應隆莊輒數公先後修之崇正十
六年正月庚辰賊燬順治五年按察副使山東范公鳴
珂始建殿九年齒周王公顯築垣芟雜草萊材甃不固
隨就摧欹無廊廡堂齋物力之難不可歎哉雖然使邦
邑無賢鬻髦之鄉非廢廟而鴻都之門亦有學如其多
賢則杏壇泗水不必宮牆素木瓠葉可當俎豆繇是以
言德教盛衰豈系於是

天子右文楊公用答

天子鄉大夫士宜用答公景星敬書冊端以復

斷州儒學會社序

張士淑 耳聖

古者民間俊秀羣萃學宮每月吉師儒一道考藝及三
年大比鄉里復上其德行以興賢能不先六德六行也
自西漢以文學舉者十七人而士始思以文章進策於
天子者曰賢良方正察於州郡者曰孝廉茂才上人未
始無崇節正誼之意然行之既久上求以實下應以名
故賢良一科應詔者每對輒百人詣公車上書者成復

序

千數而孝廉則萬家之縣無應令或闔郡不薦一人豈非賢良策對文字或可緣飾而孝廉非實節著炳莫可冒稱與方今天下以制藝取士士苟非工於文辭卽有曾史之行由夷之節將無以致身通顯然春華秋實家丞誠其標志平淡聰明人物誌其先後柳宗元劉禹錫一代才子以行節虧損卒被擯落呂願浩謂凌夏詞勝高宗卒有九成安見工華葉者必得而敦善行不怠者文采不表見於當代也夫方區俗習醇涼固由風土然芹宮藻泮之間黨比相漸其功正復不少昔本初之際

太學生徒至三萬餘人其時士習浮詭至賄蘭臺漆書以合其私文儒術益衰凌不進郭有道身勤剪拂所至輒勸造就學如茅容孟敏諸子卒成名儒王彥方陳太邱束修潔身化行里閭鄉黨耻爲所短東京多獨行自好之士諸賢羽翼匠成其功曷可誣也蘄郡山川秀衍雨湖鳳岑之內水清而土疏其俗可進於爲善我念尼王夫子振鐸三楚進斬士而教育之命集一郡弟子共襄文事考藝之餘益勉行自勵以求進於古賢之列且令郡有司廉其淑隱月一上聞不以淑不肖俾長社事

其嘉惠後學懇懇懇意念何無已時諸同人誠共登
大雅則有夫子社約士鑑諸書在勒之學官等如蔡中
郎太學五經石碑永作條範則書升論秀者將必及焉
又匪獨歌嘯臯澤踴躍獨行君子已也

雲溪雜著

斬父母金公德政錄序

盧 紘 元度

嘗讀漢天子褒美循良詔曰安靜之吏惻愍無華日計
不足歲計有餘吏民同聲謂之不煩竊意吏旣安靜矣
且無華矣其於一切節治之具必多所簡畧而希合上
旨以博能聲矜市驩虞以邀浮譽尤其所不屑者然而

三誠所孚實蹟莫施至於天子亦諒其惻愍吏民亦信
其不煩詎可謂安靜之治初無赫赫動人之聲果終不
得與文飾治具者同以良吏見稱與斬守金公小泉始
由晉洪洞令擢移茲土治幾二年矣甫下車他務俱未
暇舉惟推本至誠求民所疾苦利則興之弊則釐之然
公始終樸畧少文民士相安爲固然而謂猶是平平無
奇者紘初令新泰距斬二千餘里聞風而悅之曰公之
爲治殆漢之所謂安靜者歟遲之又久當必有異未可
以尋常測也甲午冬仲方適粵西因便過里而謁公一

見若故且爲披赤道欵言皆切治要因語及免荒一事於奸蠹積弊洞如燃犀其初有小民所便爲奸蠹所大不便者以是肆爲講張說俾公德意不得遽宣猶令窮谷深山疑信居半惟絃親聆誨命曉暢厥旨知公若是斷斷而言之必若是斷斷而行之將使始之疑者終歸於必信始之信者益得所不疑所謂日計不足歲計有餘者其效固如此也居無何彭毛兩庠博率諸弟子謀之絃曰金公之治吾靳不異治洪洞人至今歌而頌之而祝之胡吾靳詎洪洞之不若矧甘棠雅化南國遺

風吾楚人於歌詠盛德之事原自未殄茲於金公之爲治而可無一言以繼厥美歟吾子儼然薦紳之列宜爲一辭之弁以爲士民倡抑揚矜休風誼適當也絃應之曰唯唯微若言懿德之好已有同心矣因讀洪洞頌德錄題首乃太保覺斯王公所制其所以德公愛公者與絃所見尤不謬以是旣不能已於叙述而並繫之詩歌以附康衢之末但計三年報政之期公當不久受褒美之詔且願致辭仰爲當宁告曰吾靳之得金公不啻襁褓而安之矣無以廟堂須人故亟奪公而去俾靳民瘠

失所天則幸矣

修龍磯寺序

顧景星

江漢合流至大別山有禹功磯南爲黃鵠至赤壁洪流稍北注况波漫二百里至蕪春勢欲衝薄有磯焉曰龍眼水大輒砥柱江中如金山小孤江過是漸南引而東形如半環中流有洲是爲鴻宿洲盡則又有磯曰浮玉與龍磯東西峙所以留馳波而駐淑氣而麟皇鳳麓歸然若冠冕出城內者得此捍衛焉龍磯勢尤壯春水方高秋濤未落西面而望迤迤冲冲顧讓不前近在十步

狀熊歎作潮巖澎泉汨

从日音見涌望擲灣洑嶽砲雷輒聽

殿始若有忌旋若有畏疾趨爭驅然後按轡水之情狀然也上有寺始熙寧中王師南征載軍仗數十艘風急浪惡龍伏舟中所謂江湖小龍是旣克濟詔封順濟王立祠致祭土人亦遂祠於磯嘉靖末增高爲寺雲霓雨椽風鈴露板轟轟波際正德時霸州賊順流下商賈倉卒捨舟匿其中賊畏其險竟不上崇正癸未寇至水暴長賴以活者又千人磯有功德於民不獨風水捍衛而已且夫南宋時王玠爲孔彥舟幕客不從彥舟叛彥舟

怒沈玠並妻子於磯王彥明不降元自沈磯前今岸北
烈士廟是弔浣水之彭咸想胥江之白馬短歌長歎泣
下沾襟烈士廟前年風雷毀鄉人修之寺未有修者水
勢既迅百斛之舟牽挽難上而老僧漁父輕刀俗作片
漿晨暮致少薪米或間放無事之人喜煙波濤瀨逃豎
避暑間一至焉總戎賀公時時來葛衣羽扇與緇袍竟
日以此知公之賢而又倡議修寺謂不肖曰先生曷爲
我序夫公以武功捍衛一邦而有叔子岷山之興可無
述乎於是叙之他日落成卽以爲記

胡蘭亭先生鄉黨義考序

陳詩愚

考證四子書有全經有摘錄全經之盛傳者前明虛齋
蔡氏圖史合考一書予類考所由昉也摘錄之盛傳者
近慎修江氏鄉黨圖考一書蘭亭先生義考所由昉也
鄉黨論語二十篇之一而朝廷之大起居之細飲食衣
服宮室車馬之繁且曠罔不畢具而言人人殊紛如聚
訟其失有二端焉禮惟燕朝爲有堂而或以爲治朝黃
衣狐裘爲息民之服而或以爲蜡祭此則葺古之失也
註禮者以天子外朝在庫門之外創之於諸侯而不知

序

庫門卽天子皋門註爾雅者以天子之屏在雉門之外
側之於諸侯而不知內屏不同於外屏至於孔註以縹
訓緇乃於絳色爲合而必拘考工五人之文魯論讀瓜
爲必始與葵羹不觸而必執玉藻上環之訓此又泥古
之失也二者之失蓋雖江氏亦未能免蘭亭先生去短
集長折中求是視江本爲優而先之以本義次之以考
證章解句釋按部就班使承學之士見而了然蓋又有
江氏所未及者則是編雖摘錄卽以是通之全經亦何
不可之與有先生舊有四書輯說禮記纂錄諸書皆以
簡帙繁浩未及板行而先出是編以嘉惠學者故爲之
述其梗概如此

陳愚谷四書類考序

張方理

元儒朱允升氏著四書通旨一書於四子所載人物及
古今制度經書名類一一分門別類說者病其大繁而
全書纔得六卷則又病其太畧 薛方山氏有四書人
物考四十卷明卿陳氏有四書備考二十八卷而坊間
盛行之圖史合考則又嫁名於虛齋蔡氏其紀事也或
闕而不全無以見其終始其纂言也又雜而不貫無以

序

觀其會通予嘗心焉病之嘉慶元年再知荊州延蘄州陳工部愚谷主講其中又爲購十三經註疏與二十一史以資士子之考訂予亦時以公餘詣院與諸生相切劘而思夫書籍浩繁或未得其要領也一日愚谷出其手輯四書類考示予予取而閱之於經書名義及古今制度有綱有目有子目錄分縷析原始要終於註疏之菁華先儒之語錄鉤元提要采擷無遺又別爲人名考二十卷有紀傳有編年有前賢之論斷向之所病於諸書者今皆樞然有當於予心矣喟然歎曰觀於類考可

以窮經矣觀於人名考可以讀史矣然則是二書者豈非學者之津梁與人名考嘗以活字板行世流傳未廣茲類考三十卷學者恨鈔錄爲難予乃出清俸以飲之俾付劂剛氏以廣其傳他日書成將并人名考梓之以成全璧云

黃公說字序

趙 崑

崑讀中庸釋同文之義明乎王者御宇以書爲應圖受錄相符車書混一倫物合軌如此其重也書以言理契以信事官漸繁而治漸紛事漸衆而察漸廣更姓改物

時義爲大五帝有雲龍鳥之書表於紀官唐虞二代各有制字是歷久遠遂就晦眊周禮六藝隸保氏與師氏董教並重又史有專官故郁郁之盛尼父歎焉迨王迹熄於春秋六國紛紜文史各異下迨嬴秦斯邈古文變爲小篆八分隸楷迄乎東京雖學童有教受官有差石經有勒仍多所謬妄劉歆蔡邕駁正未就是以終漢之世不能追古魏以後崇尚隸草書法盛而字學愈晦六朝南北罹於車書之判而唐宋秘閣亦止筆法相高有明洪武道統混一命宋濂等定爲正韻亦可謂整齊

簡雅炳烺昭著者矣然而取裁未廣明於俗書背小篆之譌而不知以小篆正俗書之義後有訂正正韻洪武通韻廣收古文雖經頒分未甚流傳世不得而論之矣永樂中命解學士姚少師等編輯永樂大典其書浩繁至二萬二千九百卷目錄六十卷藏於御府文樓大約以分韻爲建首每一字輒數百紙惟在廣徵事文六書義闕疑舊承家學字學有編迄三十年未敢卒業己丑秋吾桐城方密之以智於枝林辛卯冬又晤於蒼梧於時倉皇戎馬遠密之托跡黃冠寄命圓頂始爲疑言所

撰通雅大旨後二十年乃見其書雜論音義釋詁小學
諺原頗稱詳至通古今方語之參差精字母音文之轉
變亦罕有之書也丁酉秋晤張爾公自烈於金陵之道
濟堂出其字彙辨疑謂爾公君著述每用辨字既犯物
議亦數見不鮮爾公遂易名正字通謂其旁通事理以
附於通典通攷之別例云因疑談字有所取證下索存
編謹以所閱字彙數百字報爾公起例中參輯諸家有
方密之趙國子姓字後廖氏得之改序更例姓字泯矣
歲月在苒炯炯在懷方從青原而示寂張托廬阜以終

化壬寅歲觀新州顧黃公先生於愚山施使君清江署
中見其詩文盈笥累卷聲響則鼙鼓龍鏘瑤簧寶瑟色
象則岳雲海樹鑿金洲珠蓋其個儻非常故其學力智
辨相符也疑三歷江漢茲得重觀於武昌有黃公說字
一書疑驚喜踴躍受而讀之一端紬繹不勝引繩探其
蘊奧未易更僕僕嘗竊論字彙盛行七十餘年縉流雲
水亦必束同梵策正字通出有功於前賢黃公說字出
有功於萬世黃公於梅張二氏人未謀面鬼可通神使
說字大行爲前人掩愆彰功剔微闡義此顧氏之心而

亦梅氏張氏之心也自十三經注疏而外則字學之引繩切墨厥惟難哉非若他書之有可逃於恕也夫文以顯道字以顯文學以證字字學之家必融會羣書始求至當先生經神學海淹貫百家著曰黃公說字蓋自命之矣於戲車書混一今此其時先生曾赴徵車卽懇辭還山力疾著書以傳後世視諸作者較何如哉

蘄州志序

盧紘

國有史盛衰之迹寓焉柱下是掌而彰信闕疑其職非賢人君子莫任也家有乘高會之矩存焉譜帙雖傳而辨纒正分其事非孝子慈孫莫主也至郡邑之有志義亦與國史家乘同而任之主之爲較難者則其職旣無專官之設其事又無世守之傳其肯而修也遠者或百年近者或數十年見聞旣多曠缺而力憚於旁搜欲任此而勞且歸之取舍易涉偏私而議撓於取奪欲主此而怨並隨之夫欲任之主之矣仍有意乎勞是辭而怨是避求志之能修不可得也若晉斬當荆楚之末服控江漢之南流阨塞要害於是乎憑攷在周時號爲方國其易而爲郡爲府爲路爲縣爲州則後代事也旣名國

矣則君此者亦甯在千八百執玉之列而何竟荒忽不可稽也以此推之則其間名號事蹟所爲沿革變遷不知凡幾遠者誠莫救其荒忽而近者顧可任其闕畧耶地乘煨燬代值鼎新於此而不亟爲興廢舉墜之圖則荒忽者益見其荒忽而闕畧者終成其闕畧矣凡生茲土者孰能無心絃雖不敏間嘗與斷之士大夫咸有意乎任之主之而求遺志於舊家所藏已不可復得乃厯官齊魯燕粵之鄉於凡宦遊於斯者徧求其所藏而亦不可得然則絃之用心亦已苦矣壬寅冬絃宦於吳偶

謀於錢農部三峰因其先亦曾宦楚者三峰告絃曰吾將爲子求之一日以全楚志黃郡志蘄州志見示云是邑之毛氏子所藏夫以十餘年求之不得諸宦族乃一朝於毛氏子而並得之固知志之見也不偶而獲重修也有緣能無幸慶按舊志凡三册卷十二爲例凡二十有二修於明嘉靖三十一年兵憲括蒼公爲之序序載志之修州守崔君爲之經理鄉先生王公賓雲郝公湘東董其政鄉貢士陳君龍坪高君紹崖楊君蘄南庠生田子藍鍾子沂佐其成舊志之因則嘉靖己丑州人甘

君真菴所募輯夫自己丑迄壬子甫歷二十餘年而修之必合衆賢之長時當治平尚不甚煩搜輯其於斟酌損益猶憂憂其難之矧自嘉靖壬子及今計已歷有百十二年舊志之外典故所存長老所記又無可深攷斷人士凡有同志於斯者又散處各方而不獲聚絃且以一人寡聞藐見毅然欲獨取而任之主之其爲難也更倍絃罔無所誘而於其闕畧近而聞見所及者則直錄之遠而莫之或詳者則以一統志三楚全志楚紀黃郡志參補之或見聞所漏又爲諸志所未備者則致書於斲之士大夫博稽而互訂之反覆校正期必成可信之完書良以失此不修終遺廢缺然則絃之用心又甚勞矣舊志分紀事類悉無所改惟建置有時事已更昔宜詳而今宜畧者稍芟之此絃之不得避其怨者也民生所關莫如丁畝今淆混特甚咎有所歸而直書之此絃之不得避其怨者也凡仕於土者治績可稱則公道之存難爲泯沒餘則付之不議此絃之不得避其怨者也鄉賢節義亟宜表彰以光編錄然所聞未確未敢妄書宜闕其文以俟來者此絃之不得避其怨者也斲城之

燬實由內訌萬家慘戮禍首漏誅書無所諱此紘之不得避其怨者也夫於勞既無所辭而於怨又無所避可以質之州人士而共信其無他者惟是存心之公焉耳然則此志之修方諸國史未敢自居爲賢人君子方之家乘尙欲自託於孝子慈孫也歟

重修新州志

錢

新州黃之支郡東漢爲斬春國明爲荆藩重地居荆服下流山川形勢素稱扼塞州志修於嘉靖壬子迄今一百十二年載籍蕪廢州人盧使君澹巖有志補續搜訪

於兵燹殘破之餘久之獲舊志於吾邑故家手自排纂發凡起例拾遺補闕於是斬之掌故燦然臚列斬志始得爲完書矣余惟郡國之有志名曰地志實則史也有唐元和以後地志始盛宋人撰地志者吾所及見則宋敏求之長安東京二志程大昌之雍錄范成人之吳郡志陸務觀之會稽志詳畧得中具有體要有明地志盛稱康德涵之武功王敬夫之鄆縣都元敬之練川顏惟喬之隨州武功鄆縣練川近古而太畧隨志畧於隨而雜舉時政非體也使君有良史之才畱心斬志輶軒所

至廣咨博訪如楊子雲所云把三寸弱翰齎油素四尺以問異語歸卽以鉛摘之如槩厯載構綴以有斯文文直事核有倫有要其事則斷其文則史常與宋程諸公抗行後世豈不偉哉余嘗習乎楚之故矣黎爲高辛氏火正以瀆耀惇大光昭四海故命之曰祝融其子孫實光啟土春秋詩禮樂故志訓典之教則申叔時志之三墳五典八索九邱之書則左史讀之韓起見易象春秋曰周禮在魯楚兼之矣自公羊子斥楚爲南夷而宋儒解一匡天下證明其說余詳攷之詩所謂蠢爾蠻荆者

毛萇曰蠻荆荆州之蠻范曄以爲長沙九溪蠻也孔子稱齊桓一匡天下爲其伐山戎斬孤竹非爲包茅征楚之役也宋儒承公羊之誤合蠻荆而一之使祝融明德之後與盤瓠犬戎之種共襲南夷之號春秋以來翼軫鶉尾之區蒙氣未雪此亦楚人之責也使君今之申叔左史也其亦以蕪爲職志徵文奮筆爲三楚一洗之池日將爲楚語爲楚書而假余言以發其端余請執簡以竢焉

蕪州志序

錢鋈

序

副使盧公澹巖官蘇時於余家得湖廣通志黃州府志
蘄州郝志遂以書詞往復於蘄在署修成盧志前輩勇
於任事如此余先世秀峰仍峰公兩宦於楚視楚直如
一家楚中所得諸文籍如守家珍子孫不敢壞故諸志
悉存余家是盧志成亦余先世意也盧志後九十年間
文獻漸就湮沒而余又適宦於蘄責有所屬余不敢辭
聘請名儒開館纂修復得成今志蘄故多世家顧黃公
博極羣書所著白茅堂考據精詳於蘄事尤密黃公不
仕號召生徒人材畢出各有著述故事文倍於盧志又
盧志人物自甘志郝志歷數百年今志纔九十年人物
亦倍蓋我

朝愛養教誨薰陶涵濡人爭自濯磨義士孝子節婦十室
必有則我

朝功德及人邁於往古者卽今志人物可見矣余宦蘄承
今郡守李公後事治人安不費經理得以其暇興書院
徵文獻是志成又皆李公功也

重修蘄志序

往余守蘄州得盧副使紘所爲州志愛其文博而事賸

公餘未嘗不在復觀之及闌其書成於江南官署又未嘗不嘆其任事之勇雖簿書錢穀應接龐雜之會而粹然能自立言如此其才固不可及也方今距副使時近百年

聖治涵濡人文日盛士夫卓犖可傳之事日益多郡縣舊有志者重修無者創輯次第並舉勸志自副使後無復踵其事者余守勦幾二載愧無副使之才遂亦不能竭蹶以從事其視修志固有志焉而未之逮也乙亥春州守虞山錢君迺始招集文學之士因虛書增而新之審體

例慎去取親為釐定非苟作者余聞君先世與副使以文章交好州志舊本散失得自君家秀峰公副使乃得據其根本成書而錢某公為之序是勦志之至今存固君先世力也及君至勦勦志又成前牧是州者或公冗不暇及或議定而終止數十年因仍闕畧以待夫君之為之淵源相繼豈亦有數存焉於其間耶然勦以繁劇之地中智以下類不克勝任君旣治之裕如而兼能以其餘力著書視副使在江南時何如哉書成問序於余余旣嘉其任事之勇又喜其卒有以成君先世之志以

爲守斲者文其陋故條其顛末歸之蕪子云物莫不始於粗而終於精副使舊本善矣今復監而加精焉而事文皆增於舊是又其勢使然也

風水本義自序

袁培松 康子州人

利欲之溺人心也久矣學者昧於義利之辨營營逐逐謀所以利其身者無所不至至於送死爲事親之大事亦復不揣其本而術士風水之說從而乘之於是固以爲利者駸駸乎日新月盛沈迷而不自知其與佛老之徒以福田利益箠鼓天下者何以異哉夫天理人欲同行異情葬親而求其體魄之安者義也無所爲而爲之者也葬親而冀其子孫之福者利也有所爲而爲之者也義利之辨其端甚微而所係於人心風俗者至大吾夫子喻利喻義之說所爲深切而著明也培松屈首受書粗知義利之別欲一一辨而正之顧千緒萬端難更僕數端居多暇且卽送死之一節稽之於經誡之於律而一證以儒先之說顧爲風水本義一書以明葬親之本原以正術士之妖妄閭里間有索觀者所不惜焉誠得其說而深長恩之則義利之辨當有曉然於人心者

鳴呼豈獨此一事爲然哉

竹隱園存稿

湖北金石存佚考自序

陳詩

自歐陽氏集古有錄而繼是而作者體例益加詳焉有全錄其文者洪景伯之隸釋隸續都元敬之金甌琳琅是也又以地分以類從者若王象之輿地碑目及寶刻類編是也踵事者增華代出者後勝亦理勢之必然者與

本朝鎮洋畢秋帆先生撫關中調河南皆有金石記已而節制湖廣甫下車檄委德安馬通判徧求湖北十一府州已乃以漢碑無一存者遂爾中止而予意則有進焉漢碑之佚當歐趙著錄時斯固未嘗佚也歐陽兩家既已跋而錄之矣洪氏又全而載之矣今以後此之佚而并曩時之存者置而不錄是碑之佚非獨時爲之而又自我而爲之也其所佚不旣多乎歐陽公謂集錄古文可以考証史傳異同予以爲不唯是而已一代之典章一鄉之文獻往往有史傳所未及而藉遺文以傳者輒推此意凡碑之現存與碑之雖不存而文見於他書及本集者咸輯而錄之嘉慶甲子業據所錄載之通志中

矣十餘年來所見所聞又有進於是者爰與同學諸子
真集成編以地分紀以類相從得卷二十有二所有跋
語亦復重加改定夫間於遺訓咨於故實此正學者事
也敢曰嗜奇愛古繼跡洪歐也哉

李東皋詩序

顧景星

東皋旣解組歸里老耽吟咏每手書成帙輒用示余反
覆咀如有味乎其言也夫詩貴有品三百篇作者未嘗
至名而本事成篇因心造語非有緣聲襲體刊短擊長
而七情著焉百度存焉變而爲五七言爲樂府歌行近

體始各有至名鍾磬立論始言品禮少儀問食品曰子
亟食於某乎說者曰人情於品味有偏嗜云爾文植屈
芟武鮑齊鮪不與衆同好故足口實焉高廷禮選唐詩
名曰品彙品而曰彙通人之言也然而其品各列亦鍾
氏之旨焉余讀東皋之詩嘆其有品其爲詩也若奇山
遠島窈窕杳冥珠獻猩啼魚跳蛟舞使人畏而不敢入
入而莫能窮其蘊蓋其嗜古獨深故能本事成篇因心
造語以成其品今夫衆人之所嗜也習而莫易則南稻
北麥也羣然大嚼則屠鑪宰烹也久矣夫詩之鮮品矣

余故讀東皋之詩而曰此東皋之詩之品也

龔百子詩草序

顧景星

錢某序吳梅村詩云詩有不學而能有學而不能有愈學愈不能余嘗不直其說夫滄浪之歌聞諸孺子競病之韻出於武夫偶動於天別無撰著可謂能乎陳伯玉弱冠未知書高達夫五十始工韻可謂不能乎原伯魯不學關子曰學殖也不殖墜落今謂學而不能愈學而愈不能是沮天下之學人而獎其自畫也夫人質秉鈍敏則有之相如腐毫枚舉立就二者誠不可強同而於學則一也故夫詩有才力品格之殊而未有學而不能者其終不能必也不學乎龔百子少以制藝鳴於有司頓挫場屋老得貢大廷飛動佗際無所爲厥乃始爲詩初未嘗學學焉而輒工視伯玉則遲視達夫不爲後百子之先草堂先生有重名于古百子其嫡裔也所居羅州故城之東白雲山下有西河東南流匯爲大湖出石穴山入於江去今城四十里百子野服扁舟徜徉遠俗歲不一二入市當年富時裘馬擊劍任俠解紛閱歷亂離撫境異致有韋左司王右丞之風故其詩亦時時似

之至於薑桂之性頭白益堅若加纓帶不爲榮終邱林不爲悶者疑王韋所未能焉予第四子晨百子館甥故予知百子居家好學狀而其詩未始問世世亦未之知焉因書詩册之右方以告世之志於學詩者

秦餘草自序

張士淑

秋氣入林木葉就脫張子放閒山居感時觸事情任會悲自念生平性耽閒寂懶親應務家有別業二區一臨清流一在萬松深處各聚古文數百卷每清流沉碧長松發濤輒隨意展讀數篇然畧觀大意不求甚解此自

是一生讀書不得力處非故欲效武侯元亮也亂喪以來書籍殘逸張子復不善治生家日落並無相如四壁何從覓古文奇字而當世無蔡中郎卽擁書三十乘誰復傾囊持贈者昔昌黎謫潮州尙能從人借得史記一部今生居中原文物之地遂不及荒徼嶺表處念之浩嘆少時知慕古文詞而賦性疎放所作詩歌序記之文脫稿時旋卽失去近則亂離播越懷抱鬱鬱筆墨之緣如明妃出塞遠絕漢宮嘗思杜少陵值天寶之亂遠客四川其所爲詩文強半出流離轉徙中因嘆古今人非

獨才不相及卽胸次浩落亦正相去甚遠也一日簡敞
篋中故紙退筆瘞而塚之忽於敗卷中得往作一帙半
爲試牘半爲同社會課把玩一過如逢故人如見所夢
因憶曩往與諸同人會業蕭寺振筆搖詞立綴數義剛
適之餘或臨流賦詩或登峰遠眺或剪韭夜話今其人
半登鬼錄如曹子桓追念南皮之遊何可復得至苦臨
臯古渡黃鶴離宮昔時錄士較藝故處頽垣廢址蓬蒿
没人連昌之竹滿宮洛陽之荆蕞道雖鮑明遠賦燕城
恐未盡其涼索也余文向有六六章罰酒篇萬松齋稿

宛在草堂近藝及雲社家社凡數種屢經兵火總什餘
逸莫可搜輯始知漢魏來藝文志中載著述家無下百
千種今其文或不存或存矣而文無全本非盡書不可
傳或亦代經喪亂各山石室之藏半埃滅於兵火灰燼
之劫卽文凡廿七首不論工拙錄而藏之詳同社姓氏
名號之譜紀隔文歲月地所之變如太原發婦情深道
簪若謂五百年必復邁于雲則非余意也

兩湖陰社序

黃利通

詩有以地傳者若宋邕之賦天臺故事劉阮全仙子僕

答是也地有以詩傳者若王摩詰之與裴迪咏瀾川諸蹟是也吾郡蘄陽佳境兩湖爲絕勝而千百年來未聞有以詩傳其地者已亥秋余在蘄陽乃得兩湖吟社詩而卒讀之或曰詩風雅不同體聯吟入人釋鳴菴外七子皆蘄人也是猶列國風各稱其國之謂也或曰若人者皆不得志於時楚之湖孰與洞庭而范文正之記岳陽樓也晴光皓月靈雨陰風墨客騷人望之者悲喜頓易今湖而曰雨取以名社詩人之意亦傷矣而余曰不然由前言之夏蟲不可語冰小之乎視諸子也由後言

之必懽愉之詞難工而愁苦之音易好脫使諸子早爲朝廷達官大人雍容諷咏其遂不得以詩名乎哉蓋寰宇之湖莫艷於西湖而吳越南宋以後懷古卽事之作亦莫艷於題咏西湖迺蘄春李嵩岑先生撫浙時嘗有兩湖不下西湖之語而余爲之廣其說曰饗錢塘彼諸君子者偕方內外合心同道之友際太平之歲月摘胸中之藻采日見夫環城東南一湖激瀾委紆而漁舟夜月蕩漾於兩岸人煙鐘聲斷續之間境之所至意必至之意之所至詩必至之又何必斷橋春早靈隱秋深始

足供人歌咏流連也哉而至於桃花美人之句楊柳竹枝之詞傳與不傳固不足道也家咸祇南晉軍兄弟余既已閱其詩而爲之序矣其爲余言聯陞諸友一皆有古君子風敦行誼尚意氣若秦君永畿著有愚圃諸集張君子駿著有另齋詩集郭君層岩熊君漢南一著有蒼屏詩文一著有玉山詩稿而兩峰集則李君咨友之所著也李君爲瀕湖先生曾孫讀書芝鹿山房卽先生著本草綱目舊處上人鳴菴從廬山來駐錫斷之東山寺悟禪爲詩會詩於禪又不減辨材愚勤一輩人然則諸君子之以兩湖名社者意蓋不在兩湖也烟消水綠西崖如對數峰山青曲終人遠他日詩之以兩湖傳兩湖之以詩傳是非吾之所得而知矣

兩峰詩集序

侯執信

雍正七年

天子命各省大吏選詞臣及其地之老宿耆儒文行重於鄉者纂修通志吾楚齊安郡舉三人以應其一則兩峰李先生也余襄其役朝夕得晤欽其人領其論讀其文心甚偉之通志成兩峰之所輯已呈

序

闕廷傳之無窮後見兩湖七子集稱兩峰擅場顧以不獲
觀其全爲憾乾隆六年令長君用校肄業江漢書院兩
峰已謝世矣余時復監院事用枚出其笈中兩峰詩集
請余序余撫卷太息悼兩峰之不復聚首而喜得其詩
盡發而讀之瀟灑瀟灑咳唾風生若斬陽竹樹兩湖煙
波中有兩峰在焉夫詩與史相爲表裏兩峰之志列於
良史而其詩亦自不可泯滅且其先人瀕湖先生著本
章綱目以壽萬世其曾祖兵憲公以靖難祀忠孝祠禮
教之遺淵源有自蓋又非徒事風雅之所可同日而語
者流風未遠趨庭如昨是有望於用枚兄弟也夫

黃丹崖北遊草序

熊楚荆

漢南州人

大凡論詩者謂文生於情情生於理予則更下一轉語
曰若止此常情常理則文亦平常爾反不若無文也每
見才子爲文如驚雷怒濤有一段浩然奇偉之氣學者
若以常情常理求之未由得其旨趣之所存故善文者
必欲醉盡花柳賞窮江山大塊之內遇有可驚可愕之
處發爲妙論則如有神助矣余友丹崖之詩亦然丹崖
少負氣節足跡幾遍天下今年春偶出北遊草一帙示

予予觀其渡黃河過淇水濁浪排空陰風怒號而柔竹
漪漪衛武之遺風猶有存者故其詩汪洋浩翰而不可
涯際過廣武之墟望楚漢之戰場想見其黑雲蔽野白
骨撐天故其詩悲壯慘淒令人神傷而膽慄謁端木於
宜溝弔平原於碓縣八龍擅美高陽三字沈寃武穆韓
陵石老依然北魏山河銅雀臺荒空對曹瞞疑塚礪州
道望賀蘭山蘇子銘鑪雪浪石一切弔古傷今激昂慷
慨無不意遠情深故其詩如寡婦之夜泣哀猿之晚叫
淒淒楚楚令人感憤而悲傷向使丹崖杜門不出卽所
吟咏不過一邱一壑之間耳若夫天地之奇觀山川之
壯麗與夫烈士忠臣之故居舊里殘碑斷碣於何而見
之於何而咏之哉予旣樂丹崖之詩復多丹崖之遊因
序以志之云

陳葛湖時藝序

程大中

斯爲州當吳楚之交其土地沃衍其山川蜿蜒盤曲其
人重義氣能文章顧頗不好名自宋以來吳龍圖林微
君以後作者代興而文章傳誦當世者絕少其風氣近
古可知也

國初顧徵君白茅堂集上下千古獨當一代徵君數十年
西軒曹公始序而行之他如李人虎之江麓堂李子疇
之澄源錄皆斬地之可傳者今其書之傳雖有後世之
名何益若夫其力可以至行世而卒不傳此豈不好名
之故哉將毋目覩其散軼而不復收而存之者之使人
私恨無窮也陳菖湖先生少以文章名一時其時藝風
力健舉往往直似古人尤爲世所推重弱冠食廩饌著
聞江漢間已而貢成均久留

京師無不知菖湖其人者顧益退抑自下所作皆私之篋
笥不以示人及夫成進士出宰貴池歸老菖湖每一濡
毫輒歷時輩或勸之授之梓者第曰徐徐俟之蓋其不
好名如此先生歿七年其姪良報始裒輯其稿屬余點
次且爲之序余以爲物之有光氣者雖復散軼不出終
當見於後世然及其既出而其物或不完或其物完人
莫能名其器或能名其器而不知誰實爲之者皆可恨
然則不使其散軼而收而存之者此非後死者之責歟
菖湖先生之名久在人口其文亦不待余之稱述然後
傳爲之後者之汲汲於是足多者故樂爲之序嗟呼

使夫斬之不好名者而皆能愛其先世之名其書之傳於世不愈多而其風氣不愈進於古耶

賂商亭務敏齋制藝序

陳詩

道光五年乙酉八月既望賂生翥秋試竣謁予於歸隱草堂出其父商亭遺藁囑予論定而付之剞劂氏蓋商亭以乾隆乙酉舉於鄉相距六十年矣當是時商亭文名噪甚與同里胡蘭亭吳已山相伯仲而又得學師應城程拳時塾師黃岡周吉夫兩先生相與切劘而唱和之宜其獨出冠時而有以異於恒人也商亭四上公車

己丑辛卯會試兩膺房薦已而授武昌學官予以壬子歲相見於齋舍時猶未老也商亭所爲文無慮數百篇而不自愛惜隨手輒散去身歿數十年翥思表前人之美掇拾於朋友間積日累月得前所持百四十許通而委予去取之予既風仰商亭文何容復汰顧嘗讀宋文公學校貢舉之議矣以謂命題必依章句而主司命題於所當連而反斷之於所當斷而反連之附會離合不特家法之不立而已翥所收多改訂生徒課試之作以此別裁使商亭可作常亦以斯言爲至論也故約之又

序

約凡得五十餘首學商亭者於此取則焉既以序其文而并識其說於此云

王敬之先生序畧

陳謨

王族與吾族居址相接故世相婚媾而王公敬之先生則謨之外大父也謨三四歲時見一翁龐眉皓首方面長鬚聲如宏鐘謨見之卽怖畏退走而外大母吳孺人執余手曰汝勿畏此汝外家翁也謨初識之每見翁於庭畔手闕一編進而問曰家翁所讀何書我可讀否公笑曰此司馬資治通鑑也備載古今治蹟汝作文時我

與汝讀庶爲有用文章至今公之手澤存焉謨方八歲公與吳孺人間一月而卒謨亦不知公之生平爲何許人及長侍先祖華重公側間詢及公之行誼先祖爲余言汝外祖敬之公少負不羈才任俠揮金如糞土廣交結座客常滿遇知名士必投轄盡歡不屑舉子業博覽史鑑傳記凡六家七畧輒過目不忘每談論古今成敗輒若列眉其後際亂離田園荒蕪家道中落及

大清定鼎乃招募開墾數年遂致盈富是時族人因喪亂各逃散遠邑所有田畝俱荒棄不治而官家糧餉公以

一身承納斯時君任糧募種可益田數十頃而公不取
招致族人復其故業給以牛種還定安集之其有功於
族衆甚大後又捐所應得之資買產若干爲祀費至今
烝嘗世守焉謨所聞於先大父者如此公生子四其女
一卽先妣王孺人也生謨弟兄四人恐令外大父之行
誼湮沒不傳乎因述其行俾公之曾孫某鐫諸板

引三首

募修鳳山寺引

陳詩

蘄州有古刹在鳳山之麓曰正覺亦曰四祖寺四祖開

禪於黃梅之破額山賜號大醫禪師黃梅故屬蘄州故
州人建寺亦沿稱之卽今鳳山寺是也寺建於前明洪
武初有轉輪藏閣鐘鼓樓爲殿左右翼有僧寮榜曰七
葉

本朝順治間一再修之而規制以備迄於今百有八十年
矣風雨之摧殘蟲蠹之剝蝕赤白之漫漶而不鮮積漸
使然頽爾如委於是任持明修奮然思復其舊觀而與
吾鄉之耆宿文君紹箕商之文君語之曰衆擎易舉盡
心力而廣募之勿懈勿耗何患不迄用有成哉乃以序

引見咨於余余嘗愛趙松雪之記九宮山也以謂士食
蒼德農服先疇而坐賈行商皆不墜其先人之業而各
盡其心各善其事則斯文日以新庠序日以盛家日以
益富室日以益隆安有壞家毀室者哉吾人之心與佛
祖之心其致一也體佛祖之心以爲吾人則吾人可以
安居而粒食推吾人之心以爲佛祖則佛祖亦將安享
而效靈余故本松雪之意以爲斯說庶幾見者欣然聞
者躍然而寺之成也行有日矣於是乎書

西河橋引

李璘

西河在州治東北六十里衆流之所匯也河干卽西河
驛繹絡孔道冬春水淺褰裳病涉夏秋水漲加以大風
望洋思阻往往公私羈程余蒞靳因公頻渡矚有石橋
半亘而圯問瀕河居民云康熙中牧官率紳士所建未
竣厥功後爲木梁修而屢壞今用編桴編桴水小大皆
難行適貢生袁士昌等以繼修請余曰石橋難成木橋
易壞寬砌石以醜水密架木以成梁可以永久夫修治
橋梁王政也守土者所當急舉急公好義者所樂襄也
因捐微俸爲紳士耆老勸擬觀成有日焉

附原募西河橋引

張士駟

州牧

謂夫山靈根道河伯稽天泣歧望洋藉同一轍然而陰
平檀裏猶險總士載而來華陘梯颺仍計取昌黎而下
是則乞天一線還應分猿鳥之路以惠人若夫隔水盈
溝豈易向魚龍之宮而借逕射際蒙泉橫出之候未免
乘旺氣於荻苗卽起伊人寃在之思止可咏間情於苑
葉至若衝當郵遞扼要輪蹶辟水無犀架梁少鵠未容
暴虎何所恃以馮河卽若爲狐窟不妨其濡尾最是烏
知返樹墟煙欲斷之時騎不飛空溪雨驟來之會狂歌

擊楫難追士雅之蹤決策啣刀慮挫阿童之銳始聰懷
於周道行矣無辭旋太息乎阮途窮而有悔曠時也田
單之裘暫煖曷盡被乎臨淄子產之乘徒勞將不繼乎
漆洎所以君子詳稽王政知病涉足以妨民而良士廣
佈福田卽利濟無非善果也維此西河之驛是鈐孔道
之吭然而扶策而來動低徊於問渡望烟而集典慨息
於迷津豈其阻衣帶之盈盈剖分大度聽其扼螭蠅之
攘攘不講成梁斯里民劉楚相所以矢願鳩工抗懷通
道不惜千金盡廢結大願於愚公蠶慮一簣鮮終銜幽

恨於精衛欲終慧業丐我微言念其苦行不比枯禪在
君子當愛人以德若更着脚肯爲實地並我輩不玉彼
於成舌豈徒僥膜期立破行見柳遮春岸紛離緒於麴
塵曙起秋原爽旅人之砥矢豈爲百世之利固已在茲
卽如萬里之行任從此始

按志例不載駢體以西河之有橋自前州牧張公募
修始故附錄之

文一首

瘞枯骨文

蔣尙德
德興州牧

明季流寇充斥張獻逆蹂躪楚蜀戡始於斬夜半襲城
恣行劫掠盡驅其男婦老幼於濠邊坑殺之濠遂就涸
迄今百有餘載余司牧茲土耆老縉紳以濬城濠請迺
詳請興工白骨暴露莫以酒脯告諸靈曰爾生不辰適
於陽九獻賊鴟張荆藩失守維爾諸靈或併吐伍或列
簪纓或士以烈著或婦以貞名骸積成山血流爲谷天
地晝昏風雨夜哭嗚呼哀哉

聖朝受命治逾百年民不識兵革室共樂將飽追維往事涕
泗泫然余蒞茲州恭宣天澤利與眾興弊與眾革復埋

文

城濠通商集蓋爰動舂鍤發爾幽墟爾墟泥淤歷以屋
廬爾骨既暴余用歛歛捐貲以收更諸爽塏鑿石勒銘
千秋不改嗚呼自古有死兮白骨成塵爾獨罹殃兮曠
世酸辛移藏高壤兮庶返其真貞魂毅魄兮窀穸與親
維此生民兮爾戚爾鄰無爲厲於茲土兮將終古而不
泯

論一首

陳卦峰保臺論

檀萃

默齋

余讀三生頌談而爲之論也曰此役也吾卦峯同年陳

君之功幾出張睢陽上其曰三生者卦峯三瀕於死而
究得生天之生卦峯者所以保臺灣也臺地雖隔海漳
泉諸郡之民咸往居之如古青州之岨夷陽谷今江南
之崇明沙廣東之瓊州雖越海實爲內地故諸羅以捍
蔽臺灣臺灣以捍蔽閩浙粵東諸海疆爲東南大保障
無諸羅則臺灣不守失臺灣則海疆諸郡不能安覺起
於械鬪禍兆於天地會隙開於嚴煙楊文麟勢大於林
爽文卦峯已陞去不肯見事機而委卸因復請羅而守
之臺得不失師至賊就擒內郡以安東南之保障復固

其功大矣而曰出睢陽上何也昔張巡以雍邱令與許遠共守睢陽睢陽不能守韓文公論之以爲遮蔽江淮阻遏其勢終歸以功况卦峯之能守乎其請救不至血書不省則其時之爲賀蘭進明者舉相望也貪絕糧盡至於刮地煎硝掘草根煮油糝何異於羅雀掘鼠之危急也猶且旦夕出戰意氣不衰豈非天人卒成大功故曰功出睢陽上也且後人有事笑過前人者當時不之覺也後來宜知之當不以吾言爲不然嗟乎臺灣之禍始於風俗之頹敗政令之廢弛營弁之包庇幕胥之狙獮相習成風牢不可破使唐令早從卦峯查辦之言毋使滋蔓則禍可以不作禍之旣作諸大吏若聽其乘虛直搗大里剋期會剿大捕林之謀首惡亦易於就擒而選輒不前不顧生靈之塗炭卦峯自分必死又以大兵之救而生吏議復欲死之

天恩總爲生之感憤積於胸中著爲此書瑣屑而談以作官憲者之龜鑒也其書質而不俚年月日時紀載之分明地里姓名詳書之具悉其中言曾於鹽水港記湧出大砲二十移巡廳衙門或千斤或三千斤洗出之大得其

用是知善爲政者平日無處不留心也昨者南籠之變亦然賊正急時無砲以禦金君某守城謂曾見總兵署庫有大砲五座總兵不知也查之果得移以禦賊賊退而城全武官專司其事有遺砲而不知文官知之天下事大抵皆如此也至於用砲之法錯子如碗山崩地裂賊成壘粉女裹以壓牲血塗而發之他如進步連環長鎗長刀皆械鬪之用瑣叙不遺俾知所考也於漳州有秦光屏者工械鬪其徒甚衆與林爽文不相能林逆最憚之

大兵至有言光屏者卽招請閩軍裝見盔甲與器仗曰此官兵打仗耳非械鬪所用也另爲造之隨過海林逆聞光屏以衆至卽披靡於是光屏得武官卦峯竟陷於重罪自來軍營之功過原不足憑言之能無慨然卦峯於書爲鄉榜大同年辛巳之春相遇於山東道上因同行時張丈念祖梁君景陽張君宗政及其洲一路權集以至於京後來予累至其家拜其尊老交其兄弟所居任望天坂祖墓爲雪菴和尚所卜世爲富族好行善事以至於今馬朝柱發覺由於陳氏所保全者至衆終不言

功今卦峯之守諸羅平逆匪沿海諸郡數十俱受其福
功德至大子孫之受福更無窮憶臺匪熾時孫補山爲
粵督急往駐湖以控制則其搖動內地之勢亦岌岌矣
得補山往駐而靖予曾爲頌以寄之吾輩豈盡粥粥無
能爲由得地與不得地耳補山得地矣且勇往矣聞之
壹似有所牽制不能盡其心意所爲卒鬱鬱以行陣終
陳勤齋晚乃發攄旋卽殂逝徐雨松亦然官望雖顯而
以述迨至於道殂言之令人酸楚豈盡得地哉予與卦
峯別來久先後俱出予至以竄人羈於澳聞其來收嵩
明庶得合并而卒不果今春予自澳回夏抵鄂清過其
四弟韞山出此著以相示閱其後海內諸鉅公之所爲
詩篇序傳無不備故爲立論以著其功其書指叙無不
盡然其中亦多意不盡言之隱是在讀者善會焉時以
卦峯容貌動作粹然儒生一值事變劫之以衆臨之以
兵見死不更其守雖危起居竟伸其志不忘百姓之憂
百姓戴其仁賊人懾其勇此固儒行也何足訝卽予以
爲功出睢陽上亦何足訝也杜陵許身稷契人或笑之
使得効用安知不建稷契之事功夫稷契尙可許則出

雖陽上亦不以爲驚吾輩諸人補山勤齋畧見之矣吾雖不得所爲而比似卦舉之所爲亦聊以共喜信吾學之不虛云

惜字圖說

陳詩

惜字本讀書人事也幸而垂之竹帛則華裝整軸恭敬而奉持之其或醉墨投稿片楮零章取之朽蠹之餘而投之紅爐轉之清波歸之無何有之鄉亦非有甚高難行之事也而習焉不察者視若噀唾棄若泥滓有以爲固然者矣王母楊太君心竊憐焉教其子以讀書教其

子以惜字而以身先之其拾而取之也如積金其舉而投之也如觀化於是其子蘭渚心奉之且手圖之而屬諸君子題之詠之披是圖者其有不油然而動者與

贊一首

盧氏二烈贊 并序

吳偉業 梅村

蘄州盧大夫以其先公殉難始末來告命余文其隧道之石而及弟姪諸婦之從死者因得率聯書之亦既問見於余文矣顧惟楊袁二婦死狀尤烈不可以莫之計也今按大夫之言楊氏爲諸生盧蒞妻袁氏則諸生盧

贊

震初室綬卽大夫之母弟震初其從昆弟之子也楊氏父曰諸生楊榜母朱都梁宗室女癸未正月廿六日蕪城陷賊執綬暨其子晨初令負擔綬度不得脫涕泣拜辭母羅淑人去竟絕莫知所終楊與母并老婢許氏偕陷賊畧至北門趙州關楊方在娠賊欲負之走楊給曰願少舒比我不能行而後負我賊緣道爇火驅脅行值燄熾處楊牽母腕躍入火中自燒死賊嘆息去老婢守之移日楊頭目猶未盡已隨殞矣審視男也後數日語家人往跡之不復得頭目所在矣袁氏諸生袁嶼第三

女城陷震初父紳與子俱被執袁度不免拜辭祖母姑及姑夏氏抱周歲兒曰天喜赴井死明日賊退家人具棺木瘞之甲申秋棺爲狸貉所捐和門見袁母子面如生散襦飾身訖不甚毀改窆於迎山先墓而震初卒未知死所世稱質柔而易奪者莫婦女若也一旦遇變倉猝犯白刃踏燼炭斷死於前而不反顧有烈丈夫之所不克爲者何歟古者男有教女亦有教功事則閑姆傳之訓行步則協珮環之節所以豫遠燕私而養成其貞一盧氏二婦內外宗雖皆名家見聞薰習通知禮義然

生於閩閩非夙有師氏詔之女史書之也非其芳潔得之天性能引决自奮如此歟昔人題清風嶺詩褒譏至召福譏五代時王凝妻李氏逆旅斷臂歐陽史表而出之以厲世魂俗矧如楊袁駢首捐糜一門爭烈嗚呼可書也已業也不文舊塵詞館以記注爲職敢因大夫之傳信而僭爲載筆若此俾司彤管者尙有攷焉且爲贊詞六章以旌之其文曰

厥初生人取則二儀坤貞應健作配無虧曰惟婦德直信是基豈緊婉嫺迺果實宜孰云纒笄不敵須眉一章

有美楊袁並出華宗來嬪盧室盟饋克從芳徽蘭秘鳳鳴和離宗周俄隕邁此鞠函滔天作孽張燕樊崇二章

蕙帳珠簾一朝委地齊姜朱子化爲鶻額皎哉季芋不汗賊臂投軀鬱攸煥原罔悻祝融回祿扶輪擁篲墮殞得雄燼餘猶視三章 膺沸寒泉甕菴圍塞裳距躍子

母同歸清冷濯身彭咸爰依泥而不滓珠沈澤輝喜避英皇耻從宓妃四章 宋有共姬符火灼爛今也則楊神

耀司燿楚有貞姜漸臺流渙袁踵其武畢命并幹豈無邦媛偷生衍衍焉不顧懷爾顏泚汗五章 凡此義烈壯

夫弗如人網人紀永賴儲胥彤管朱煒近登載書外史作頌徵信匪譽綽楔榮旌停光素闇

六章

題跋

五首

跋蔚州志

顧景星

歷代史成於一人者爲善而曠諸舉手者爲劣史遷而下莫不皆然唐以後不足觀矣唐蓋出多手歐陽氏起而一之於是論定始有義例惟郡國之志亦然志卽史也宋子臧史駢稱引前志狼臆厨人濮引軍志范無字云云申胥曰此志也志通於史自春秋已然故史莫不

有志史之志亦以各出一家爲長唐修晉書以天文付李淳風地理付于志寧誠如江淹所云修史之難無出於志非考於典故莫克操觚豈不信哉常璩之志華陽省鴻之志十六國宋敏求之志河南劉宗諤之志襄陽褚孝錫之志長沙博采舊聞歸諸一致近代郭青螺豫章志李于鱗青州志陳士元灤州志康對山武功志郭造卿平安志柵善彙章聯局抽憑臆臆若築室道謀汲深綆短豈不歎頭白可期汗青無日矣蘄之有志自嘉靖初渠縣令甘公澤始及二十餘年鄉大夫三郝五公

合修之僅十二卷是後未經撰補先君子毅然已任起
春秋傳襄公四十二年止崇禎十七年計二千一百六
十年爲類二十有五爲卷百甫就稿而澹巖盧先生之
書出先生之書綜覈史乘罔羅遺軼放網繹於蟬螭揚
忠孝於汶沒義例既嚴勸懲都婉斷出一手折衷衆言
百世鑑衡卓犖不朽矣先生家學源遠年少通籍益肆
力古文楚自長沙下雒大泌而後惟先生稱傑其登仕
白大尹察將太守今叅政南儲所至必有功德雖簿書
旁午操槩懷鉛未嘗少輟宜其著述精當如此先君子
書本失之繁先生亦時一二取嗚呼來禴方長前芳必
繼後之君子其茲法諸

新州志跋

方舟
州人虎

澹巖盧先生督南儲三年而奏最

天子將以鼓吹迎東涓橋乃先生不自滿假謂邦本民天於
是乎在凡有利於民者不惜爲東南請命可謂勞動獨
賢矣而又以其暇博綜典故遊神翰墨於水利則有志
於松江則有志三吳之利害在水水之匯而入於海三
江居要故志之最後著新志新先生之鄉也大江上游

南北之衝不可無志於是咨諏考證表章揚扈較舊志增十之七卹政權茶天文屯田之數條鞭之額舊志所無而今有餘例皆舊志所畧而今詳班然粲然可興可勸自漢以來二千年事蹟具補自嘉靖修志後百十有二年事蹟具舉猗與盛哉余友顧黃公嘗爲余言先生見一事切於義勇於爲政夜不待旦得一義切於理勇於爲文筆不加點其至性然也歸在新泰則志新泰矣參西粵則紀西粵矣守山東則序岱史矣權長蘆鹽則議鹽法矣而又表師曠之墓攷羊祜三世祖之墓復魯先賢高堂生之隴其他闡幽舉廢不可勝書生平窮四庫五車之富著數百萬言勸志特其一斑焉耳舟受而卒業曰嗟乎先生積學博用意勤是非論斷光明俊偉本於理學出於忠孝所謂至性者非與語云莫爲之前雖軌弗臧莫爲之後雖範不章先生生諸賢之後起而語如同堂後先生者奉先生之臧軌章範可不勗哉可不勗哉

郭去山篆集題辭

李炳然

往家藏綠天精舍石圖章一按製者何氏旁勒數行悉

巧妙細書蓋前代物歷經劫燼獨存之類垣碎瓦中斯已奇矣吾友郭子去山一見驚嘆曰此吾所祖述雪漁何先生鐫也何從得之爲摩挲難釋手髣髴索幼安之坐臥道邊碑矣他如陽元之於射武子之於馬遙集之於履叔夜之於鍛宜僚之於丸兒說弟子之於閉是豈有法而可傳者哉凡此都屬懸解解者以不解之法解之乃爲真解人矣郭子好古多聞士也相其容與墳邱翱翔翰墨克吐棄一切而唯奇是耽至周秦史籀李斯筆意尤所神符冥契螺書龍體旁分區刻似不從人間

來其中鋒運腕殫厥身之全力而縱送之一畫一點如轉圓石於萬仞之山下墜不測之谿焉故酸棗之珠蒸栗之帙溢滿篋笥觀者莫不形神俱肅也郭子之言曰余課業之餘搜獵鑄法聊可作書畫觀耳郭子儻有堂下輪扁之思乎若然將形上形下揚鑿分轡道之與器終齟齬而不合矣古之所爲不可吏則推車至今無蟬匿故曰百工之作皆聖人也况六藝之文列在學宮美並日月有不原本道德而能于禩常新者哉寒陵片石子山以爲可與其語積五十餘年秦焰不能磨磷之彈

子而一旦酬發於今日神物顯晦不可不謂之不相值也夫有古人之風者始贈以古人之物余何吝蒼璣綠天不以貽郭子墨妙堂中其相慶有遺矣乎噫精誠所至金石爲開固亦郭子之志也

書四照堂文集後

錢 鑿

副使盧公以文章經濟名於時其治吾蘇政事卓卓可稱述是有功於吾蘇也斯州兵亂後文獻無存公獨任其事廣搜博採彙成一書使前代不至湮沒後世得所稽攷是又有功於斯也余至斯問其子孫流離奔竄並

無室家其所刻四照集亦僅有存者嗚乎其可哀也已

百花吟跋

張德源 慕棠
梅川

砥南先生百花吟成余向過棲鳳堂讀而心旣之嘗謂昔人繪月繪影繪水繪聲如百花吟者匪直肖其形容併其情而肖之矣宋廣平鑽石心腸不能不爲梅花作賦砥南此吟羣花別開生面增重聲價而陰陽變化四時之景俱收入筆床硯匣中不獨爲東皇主人勸駕催裝而已花而有情得有情入爲之吾烏知其不爭解語耶今砥南墓且宿草而讀其百花吟猶想見當年抱膝

微吟一番淋漓佳興也所著有梧岡詩集數十卷令家孫承堅先梓此編爲大集板行之嚆矢因附此語於卷末

墓誌十首

高母石太恭人墓誌銘

施閏章愚山

湖西領三郡而斬人高君尙孚爲臨江麻平不擾郡賴以盜居三載以母大君憂將去予愕然若奪左右臂已而請代不得命疆以墨衰視事視其睫嘗泫泫有淚痕久之徒跣再拜泣曰培不獲奉母喪以歸死不塞責今

行有日矣願得公一言以誌母幽官死且無恨予請徵其狀嗚咽不能語有間乃起曰母姓石氏年七十有二遯事先府君僅六載稱未亡人時母年二十三生不孝孤一周閱七月耳常是時狼狽零丁內外無所倚高氏不絕如縷母誓以身殉孤從旁睥睨者僉謂不可終日而母卒之死靡他其拮据茶蓼以鞠以教雖百其口弗能狀也培旣官豫章母就養布衣蔬食篋中蕭然子婦或以爲言母嘆曰視昔糟糠不厭時何如吾所耗侈矣培是以無敢漁民也培旦出廳事母倚杖側耳聞脫人

械則悅或箠楚聲盈庭則愀然不食培是以刑不敢濫也襁褓而哺之不有其聲及長大有過庭跪而責之脅諸婦若孫也亦然培是以無敢傲且惰也夫母之蚤年苦節艱瘁百端培幼不及知而粥粥晨昏以庶幾無隕越則母實使然而今已矣雖待罪考績例當受

封勸之士大夫合請之學使者將上其事於

朝用旌其閭而母已不待言及此不覺大慟於戲有是母厥有是子信哉會顧子赤方至自斬於母爲通家子具言石太君爲苦節事藉藉州里間蓋實而可徵也乃次

而爲之誌太君爲處士玉華公女年十七歲歸高贈君諱自現爲諸生才而不永母嘗籲以身代事繼姑鄧氏生死盡力有子培卽尙學官江西臨江府知府孫二長曰克紹州庠生考授州同知次曰克楨州庠生考授縣丞曾孫凡七八歲康熙壬寅十月母終於臨江府之官舍今葬於崇居鄉大林山之陽銘曰

陵谷可移石亦可泐惟母心之匪石更終古其不磨滅
明中順大夫山西按察司副使李公墓誌銘

顧景星

公諱樹初字客天新州人曾祖諱言聞祖諱時珍太醫
院院判封文林郎生考諱建中文林郎四川蓬溪知縣
贈中憲大夫妣某氏封安人本生考建本贈中憲大夫
妣某氏封安人初太醫夢朱衣人曰來報汝陰德覺而
生孫蓬溪弟建本未有子乞爲子蓬溪卒舉家產付兄
弟而自以菽水事嗣母舉萬曆四十六年鄉試明年成
進士授戶部主事天啓二年權河西務資源局銅乏派
權關備解若干斤公不以擾民自捐贖銅又先期入
大司農能之薦於朝召對上但稱聲音洪亮薦者大失
望明年以郎中司宣府餉鹽商輸粟不實按名責補商
齋金乞寢其事叱遣之因中貴人爲之請又不聽無何
出知陽和府魏忠賢遣其黨巡宣大自巡撫下望塵拜
謁公稱足疾不出烈皇帝誅忠賢臺臣以方正薦陞山
西按察副使巡赤城口外立市怨中國不信公至勒石
示不欺順義王遣使厚謝公公亦厚報聞於朝降諭慰
勞覃恩授中憲大夫請移封本生父而自以中順大夫
落職築館湖上扁舟野服號西湖釣叟耽酒工詩有頽
餘慵緒數卷崇正八年寇犯境公捐郭外大池決堤通

湖以衛城十六年寇陷斬遇害年五十七配朱氏宜人先卒繼封氏宜人偕死生於萬曆丁亥四月七日卒於崇禎癸未正月二十八日子三延慶貢生同遇害具慶文學朱氏出全慶文學封氏出具慶子三之增之玳之瑤全慶子一繩祖以某年月日葬公東湖猴耳洞之原公在陽和赤城皆有祠斬則自其祖考皆崇祀景星旣受其子所爲狀爲李氏四賢傳而又爲公誌銘銘曰仁術壽世職公先宜樹贈言報靡魯俎豆三世侯邦賢處豐而約厥德剛毅魂雄魄歌國殤目窮千里歸心傷

鏤石維幽旌日新匪昭羨門授後人爾城爾熾宜子孫
勅贈中大夫盧公神道碑銘

吳偉業

丙子歲偉業被命偕給諫萊陽宋公九青典校湖廣鄉試時中原已憂寇盛彌漫豫楚之交流氛四出羽檄交道謬以一介虔奉簡書揚旂馳驟巖疆轉徙金革幸得畢使以錯黃甲乙多士鎖院三試所弋獲皆爲俊民而斬州盧大夫絃在選徽棘捧雉來講躬躬然君子人也旣而詢知其家世以儒業發聞尊人呂侯公經行學舉爲儒林長德余嘉其學有淵源稱歎者久之迄今兩閱

星終而大夫來爲參藩董儲倚於茲土一再過存具昌
侯公素履及奉諱始末以視泣而請曰先君生平好古
篤行既於時數潛德弗耀重以寇禍滔天毒流方獄闔
門抗節竟殞非命孤每念此日夜悼心今幸蒙恩

聖朝榮旌泉壤告第納書秩登三品於令得樹碣隧道以紀

休昭烈而微辭摩勒尙竢載筆惟夫子辱知最深又前
職記注若不鄙而賜之光闡孤實假寵以報所天微直
成我而已敢因以請余衰爾不仕脂澤之言何足爲公
增重顧念公積學純行法宜備書其死事一節尤奇且

處大夫父子間契分特厚采錄懿嫺傳信悼史固其所
也庸敢以不文辭謹掇大夫自狀與虞山錢先生所爲
傳而繫之左方公姓盧氏諱如鼎昌侯其字其先吳人
遷楚之梅川勝國永樂間始占籍於新四世而爲南槐
公諱楷卽公之考也因孫貴

贈中大夫妣宋氏繼李氏皆贈淑人公生而奇穎承傳家
學卅歲屬文有聲南槐公義方甚嚴營丙舍於濠上引
泉植竹疎窗閒觀以爲公肄業之所延里中少俊讀書
談藝其中公林册吟諷鞠曉究明不問家人生產淵涵

停滯需爲文辭弱冠游博士官類受知督學使者試觀
雄其儕伍數踏名門不售中間危得之而更抑置人皆
爲楹筆公一意修學者書以造進後昆爲已任抗顏蒙
塾說經鏗鏗疏疑釋難教施如雨至者虛徑實歸充然
意得去由是負笈雲集江黃間推爲大師嘗手箋尙書
四子書科別同異丹粉狼藉成就子若從子多列鴻生
駿儒比大夫以丙子名薦書英譽鵲起公遂撞弦息機
不復事榮進爲人厚重質直不苟嘗笑服勤孝弟內行
修飭南槐公治家嚴公應唯伺顏色惟謹少有不懌或

形謹讓彌益蹶躅起敬執內外喪毀瘠踰常分財產能
適長兄田廬取湫萊者僅奴取蕪拙者撫兄子如己子
同仁均愛有鳩鳩之心辛巳凶札橫道多殛公倒困賑
贍視致醫藥宗黨卒倚以全閭閻有爭相率就公平決
片言折衷愧屈過於要質其爲時所信嚮如此異時鄉
里子弟不悅學公用形家言請於當事增壘江中石磯
閣福梓潼神其上俾助文風自此雋兩閣者蟬聯不絕
斷人士至今頌德焉公之卒也劇寇自廣濟乘夜襲斷
公被執賊中有識者曰彼善士縱諸寇退舍公勒習望

中人分布關隘爲死守計自守南城寇盡銳來攻公督
勵守陣殊死鬪賊垂却而他樓堞墜從公後肉薄而人
刃及於背公拒不及遂遇害時癸未春也子姪從孫及
諸婦楊氏袁氏同時死者八九人嗟乎自盜起中原生
靈塗地大城名藩相繼陷沒其間義夫淑媛就煨塵而
不稱者何限而堂堂身都將相擁強兵牧伯正長覆師
失守委而去之色甚安者多矣公進趨退怯眇然儒者
又老困咕嗶未登仕版無預封畧人民之任而能臨難
賈勇授兵登陣力屈則鉞交胸腹橫屍原野而不惜可
不謂識取舍烈丈夫乎况於雞斯弱質聲不出柵赴陷
如歸者成羣乎公生萬曆戊寅四月下距癸未壽六十
有六娶淑人羅氏生男子二長卽大夫絃次絳公卒後
三日羅淑人屍於江滸焚而殮之五月大夫歸自公
車以殉節狀鳴於所司將拜章請旌未及上會政物而
止丙戌冬大夫卜新阡葬公上門珠樹林己丑第進士
由邑令累官濬廉辨肅給善政流聞比三報最推恩得
贈公自文林郎三命至中大夫壬寅歲今

皇上紀元之載奉

命督糧蘇松而俾余書其隧道之石公可謂有子矣雖不
獲光顯其身而存受良榮於後天之報忠義不爲無意
也在禮死寇之士旌之曰兵戰於郟童汪躋死魯人欲
勿殤子曰能執干戈以衛社稷雖欲勿殤也不亦可乎
如公精忠大節有光册書無疑也昔魯共姬待火而殤
春秋賢之書曰宋災伯姬卒盧氏貞姬競烈玉碎不汚
曾何愧焉余不揣固陋採摭遺芳牽聯書之比於春秋
禮傳之義以詔來者狀又稱公邑子暴卒攝至冥途其
王命屬盧某保任而後釋歸正直之人鬼神所欽有是
哉事涉恍惚故從附見然世所喜傳者在此則亦莫得
而畧也銘曰

卓哉盧公儒宗文師幼閑庭訓悅禮悼詩法律繩已各
教夙資嘯嘒道真克昌厥嗣進思經世有物臨之退淑
諸徒南面阜比敷陳聖謨牛毛繭絲疏理滯碍如結得
觴蹊蹊娟學陶鑄靡遺方領矩步好仁樂施閭里質成
彥方愧知運鍾百六天狼失維巨寇狂獮帕首朱眉羣
飛海水潰隄莫楛若火燎原撲滅詎期視融郊甸魚爛
則悲我公屏者武奮熊羆部勒壯士率用鉅鉦丁靈振

鐸擐甲登陣戈衝賊喉日舍欲移環城百礮三板突擊
戰鼓不揚渠門火旗身膏草野刳腹折頤志均馬革義
逐死綬婉婉彼姝頰爾自持清泉虐燭視甘如飴號無
茅絰哀動出禧一門忠烈前行後隨似川珂浦啓祐木
支巍科滄陟

熙朝羽儀位崇岳牧絳節金輪禮備哀榮鸞書紫綬旌幟
戟邦委來尸停驂訪舊南史是咨徵文篆刻巖壑昭垂
佳城鬱鬱曩願豐碑松楸馬鬣傳信在斯於千萬世式
瞻慕思

勅贈盧母羅淑人墓誌銘

吳偉業

淑人姓羅氏楚之蘄州人

贈中大夫鹽運使盧公首由諱如鼎之妻進士管江南漕
務左叅政縉之母也首由於癸未二月賊張獻逆攻蘄
誓死設守得正而斃叅政時計偕在都次子縉又先期
遇害淑人號哭行求收公屍於骸骨撐拒之中以待叅
政之還憂勞成瘁不半載而卒得年六十有七蓋公之
死則殉城也淑人之死則殉夫也可謂酷矣人猶爲淑
人厚幸口未歿於兵又六年叅政成進士

聖朝推恩其母初以新秦令贈孺人再以桂林府同知贈宜人三以長蘆鹽運使贈淑人

國家十數年間凡有覃慶大典叅政母子未嘗不在褒寵中可謂榮矣人猶爲淑人惋惜曰不及於祿偉業讀其家傳而歎曰天地慘黷生民糜爛閨門婦孺以一身播在於室家骨肉九鼎一絲之際豈不難哉當斬之初被兵也首山之次子綏綏子晨初從子紳紳子震初皆死而綏妻楊氏震初妻袁氏死尤烈又一月而首山及叅政之長子且初同罹於難斬黃旣全楚之望盧氏尤稱

忠孝義門惟厥木源成出公與淑人之教至於今曹江之水空流宋廟之火久熄有過中郎之閭而弔其禮宗者幾與共姬孝娥同其節概淑人生嘗荼苦歿被寵榮烏頭雙闕且與豐碑冢木照耀天壤此史氏所必載而私紀可以弗之詳乎按狀淑人之父繡軒公官藩府書記從荆邸自建昌遷於靳因家焉盧氏叅政之大父曰贈大中大夫南槐公兩家共里閭爲世好繡軒任俠能文南槐之弟曰南林好基酒尤相善南槐嘗遠遊而不與南林共奕從者劍首山立於側南林撫之曰兒子也

請君女以爲婚羅公笑而應曰諾南槐至而弗收也南槐娶於宋有二子而母見背公生已五年矣繼室以李氏無子視之如所生羅氏則爲愛婿蚤失恃其周恤甚有恩紀叅政言之輒出涕曰吾外王父之德猶吾王父也淑人年十九歸于公生長高門裝送爲盛淑人綦縞自甘絜穀弗御箴管盤袞紉治必工爲人儉而莊柔而正通詩書能識其大義事高堂具有禮法南槐天性剛嚴寢門之內慙氣屏息李淑人雖賢乎後姑也舅氏之佐適者又擬於女君勃稽語言易生嫌間伯兄長姒爲

之析產異居淑人則下氣怡色就養無方二十餘年能奉之以終始斯其孝可知已羅氏之喪人膳羞脯醢餼玉家食官之制南槐食而甘之舍是卽投箸命徹淑人知之中厨躬自割烹約水火之齊醬物珍物必致其美命媵者奉以饋曰此羅氏羹也淑人性不飲自奉麤飯無兼味有潔癖簞簋匕箸必手滌而几席振拂無纖塵身親井臼生殖漸充僮指百餘計口賦食嘗御之以寬終歲不聞疾言遽色而內外奉其規程莫敢陝輸嬉笑者其家法如此首山屢蹟於鎖院淑人婉語相勞達叅

政兄弟就外傅所以教督之有方嘗篝燈聽夢夜讀至東漢宋宏傳舉宏糟糠貧賤之語以爲訓又至寇準傳曰天下好用寇老兒爲人當如此矣得叅政丙子賢書信曰若他日所就詎止此旁人晚之殊無驚喜容退而皆服寇禍之作也首山自郊徙於城淑人方盥洗聞鬼哭愴然知不保城陷公被縛矣已而釋手執叅政之子旦初昭初扶其母張淑人以免弟緘則與妻子偕歿淑人倉皇散有外戚熊姓者導之使歸踰月寇復至公與於難二孫別而繫昭初乘間逸旦初遂不知存亡淑人

僵立壞牆之旁同里顧氏妾者左右之還之以其衣遂與張淑人偕脫嗚呼此二者孰非天爲之哉首山以二月二十二日歿又十日於江滸而得淑人哭而收之焚以殮亂故不成喪也叅政問道西還遇其孥於湖溪之舟相扶歸辰山鄉莊而淑人亦已病八月之二十二日遂卒其訣也猶以歿身於手爲幸飯含之夕非淑人避兵時所攜帛中金則不能爲梓叅政言之輒嗷然哭墓在蝦蟆湖之秀山原以視土門珠樹林首山藏骨處爲別葬孔子曰衛人之祔也離之魯人之祔也合之季武

子曰合葬非古也周公蓋祔君子之重其親有其禮無其時不能行也同穴之詩平世之所爲作詎所論於流離板蕩哉夫升陞之復以矢狐貍之弔以鬣若首山公者所謂埋而置揭得土而已此窮於禮者之禮也淑人則猶得歛以時服懸棺而封故其於公也有祀梁同絕之心而援蒼梧不從之義別誌者蓋變文以起例所以著其孝而申其哀焉余嘗汎覽史傳每歎天下大亂女子之死節者其姓名最易爲抑沒傳者蓋千不獲一惟子奉其母婦奉其姑幸而得免者其後門第光顯後人爲之稱述或側見於孝義獨行世家列傳之中而貞姬節母遂以累禩不朽今觀淑人得全而楊氏袁氏因之並著於後蓋造物若留之俾生者絕而復續死者隱而得章必如此始可報首山於九原而啓參政於身後豈偶然耶余史官也又嘗使楚於楚事宜詳參政今官於吳爲廉吏爲孝子傳曰非此母不生此子然則淑人之必傳於百世無疑也是何可不銘銘曰

鉛鉗原泉兮其流發發爰采香草兮我心則悅石穴洲高兮銅零江小翠篠霜筠兮停雲縹緲若堂若斧兮

於湖墳二湘之哲兮八采之門釋奴龍子兮一日千里
伊誰貽之兮母之懷矣斬春大澤兮狐鳴篝火黃巾城
下兮白骨道左父求死子兮婦求死夫無使併沒兮天
乎何辜崩城隕霜兮匍匐喪亂歛魄山邱兮夫復奚憾
我刻斯銘兮用昭

愍綸誰曰不見兮後千百世其長存

明諱封明威將軍王公墓誌

金德嘉 會全
梅川

公諱啟姓王氏世爲鳳陽五河人高祖忠元末起義徐
州歸命明太祖爲總戎克先鋒官首克采石拔南臺一

時戰功與無比太祖錄其績授錦衣揮使至父勝永樂
中復屢征有功調淮安金吾衛揮使進征江西義安府
陣亡是時公生方六歲母夫人丁負公御營告功得給
原品俸比年十五宣德朝襲父職卽統兵克先鋒征雲
南開通道路應接大軍首榆苗王葬同都君俯烈寄戈
等餘黨悉平叙功陞授世襲蘄州衛揮使公五河人以
世官蘄州遂家焉歿葬州之諸家湖啟公長子瓊並杆
忠公葬此山嶺左而前後左右諸塋皆子若孫所扞葬
者故至今稱王氏祖墓云公以將家子生而英武絕倫

墓誌

長多謀畧宿將重帥自顧無能出公有以故未弱冠驟以功自拔於儕偶其生平茂伐懿行可紀而傳者不勝書而鼎革兵燹家乘遂劫燬無復存可慨也今公之八世孫綬猷等念厯世既久將愈湮而無聞王氏之後恐不復知墓之爲公而公之所以墓於斯也方卜勒石墓側表其畧以垂遠將事有日矣而綬猷之長公開泰適以曲臺舉賢書子姓昌熾益於茲始雖公之行事不復盡見於世然得其梗概生平皆可想矧觀發祥尤可以卜世德也則我公之武功文德所以承先裕後者夫豈其微哉

王文學爾錫先生墓誌銘

盧 綬

王氏於斯爲望族數百年間甲第隆起蟬聯不絕也其在明隆萬時水部郎正齋公特以治績聞晉滇南廣南郡守是生陪京虎賁衛幕秉吾公秉吾公生文學文學諱允隆字爾錫生癸巳年甫成童補蘄庠博士弟子以能文有聲屢試輒高等鄉闈凡七試幾售復擲者再自食餼廩一時曹偶多見推終以落落不遇爲憾大啓木以例貢應得補郡邑丞佐員不屑就仍赴省試者三至

庚辰冬以疾卒時年四十有八大志未竟惜也方秉吾公之生文學也得頗艱然性嚴峻不事姑息居恒訓導自進退威儀以至應對賓客秩秩有紀朝夕習於庭不申度譴訶輒隨以故文學雖生長貴介恂恂若處子選言而出擇地而蹈自師淑外無妄交中年始聯郡知名士爲社相砥礪學大進王氏之先世以尙書名家自侍御長石公以麟經售文學亦治麟經著有鷓枝館歷試草蓼堂詠及淡社初編制舉書外又著有金剛經解及梓感應篇以行生平凜凜惟先訓是程無愆尺寸居兩

喪尤有禮母馮孺人大司寇午山公從女元配李孺人憲副鑑池公次女生子四長志溥次十年又次宗亢又次士濟皆諸生生女三許聘皆名族孫三晉凱咸亨乃志溥生履泰乃士濟生蘄郡之罹寇難也文學先四年而卒殯於堂遂及燬李孺人暨志溥士濟獲免十年宗亢歿於寇時家僅某暨僧克凡者於殘礫中收遺骸殮而藏之李孺人暨二子脫難後易以棺移殯鄉莊閱九年歲在辛卯始葬於西鄉圓峯山之麓蔡家橋先人墓左之數武又十七年志溥以終於文學爲世交悉其素

履命弟士濟持書來告云先府君葬雖有年而藏地片石尙鮮一字之識無以示來茲乞爲之銘垂諸永久二子方不憚千里數言是徵可謂不替孝思矣爰爲作誌並系以銘曰

有峯固兮鬱其崔嵬有流長兮如帶潞洞藏貞宅兮屹起崇陔本太原兮世德之培惟文學兮生挺楨材旣全歸兮令譽無隕安斯寢兮蕭然墓臺華表高兮靈鶴翔來松與楸兮孝子顧哀累千禩兮榮葉斯脤

王雲峯先生墓碑銘

王濟遷居高祖康熙戊寅年撰

顧

昌

培山人

謹按王氏誌曰吾高祖雲峯公初居珠峯山下有田數百畝桑麻掩映世守耕讀公生而穎異剛果有識斷詩書寓目成誦應童子試刺史蕭公拔爲冠軍後棄制舉潛心詩史以山水自娛嘗遊圓峯峻巖嶺見山勢迴曲曰此可卜居距山二里許有窩曰吾家澥澥者四面山環形若仰盂中有腴田數千畝春水時漲則隴畔成河故以澥名世傳此宅背已向亥前列虎峯居者多不獲吉吾祖曰吾何畏乎遂與妣陳孺人遷居焉未十年而生吾曾祖父輩見季五人曾祖父輩生吾王父輩兄弟

十四人入贊宮者五人至先父輩兄弟三十人貢監入泮一十四人至鳳輩兄弟七十人或補博士員或登成均或食廩餼而習制藝者三十餘人至余子姪輩入膠庠者亦五人此莫非祖澤之遺也妣陳孺人治家嚴肅有法年逮期頤孫男百餘人莫不凜凜遵爲矩範居側有小山另出自峯頭蜿蜒而下狀若虺蛇吾祖自卜生基囑吾曾祖西溪公等曰吾歿後葬此必獲吉厥後陳孺人歿吾高祖繼歿遂遵遺命合葬於茲兵燹之餘未丐一言誌其墓明末立短碑歲久剝落今始議修短垣

圍護重豎碑以表其墓云顧生曰嗟乎孝德之於人大矣哉匪特其親必及其祖匪特其祖又推其祖之所自出以言孝也况近在五世之內云乎哉王氏斬之望族人以地稱皆曰王濟吾不察其所自來及覽九來家乘乃知雲峯遺澤匪惟未墜迨將卜世滋大焉僉謀修墓爰爲之銘銘曰

太原巨姓復有瑯琊遙遙華胄未及其他乃有吾斬鷹嶺之下厥字雲峯厥居以化負性剛果秉姿穎奇日之所卜曰必在茲生則胥宇沒而合墓子孫繩繩永瞻永

顧

陳太宜人墓誌銘

張方理

余始來楚中卽聞新州陳虞部以方壯之年棄官歸養而家本寒素不能不藉館穀奉節母旨甘心竊避之其後遂延虞部主荆南講席虞部雖勉來然不時輒歸省嘉慶辛酉虞部來會食間有家報至五色無主倉皇登輿買輕舟卽日東下余不及知也已而虞部來以母病全愈告余爲之躍然以喜而節母竟以是冬卽世哀哉越明年夏節母將卜葬虞部以余數年來相知爲最深

持所爲行狀再拜稽顙以銘幽之文屬余自惟服官三十年遇孝義節烈所以表章而揚旌之者惟恐不至矧余於虞部尤相識於風塵之外者其敢以不文辭按狀節母爲女者二十有一年事贈公者一年事姑龔宜人者十有六年爲母者五十有四年封太宜人者二十有二年姓袁歲貢生孔士君女孫舉鄉飲介賓歲貢生開甫君女爲新州望族祖母龔李兩太儒人皆賢淑夏日冬夜嘗舉古烈女及戚里淑媛逸事相告語節母耳熟而心儀之婉婉聽從不更煩母訓也其歸我贈公也姪

虞部方五月而贈公遽以疾夭當是時節母痛不欲生
姑龔宜人拭淚曉譬之曰陳門世忠厚此區區遺腹者
幸而得男卽陳氏不絕若綫若之何出此節母乃稍稍
進飲食已而生虞部闔族人皆贊賀然歲時伏臘輒淚
下如梗糜不自知其眼枯見骨也事孀姑以孝龔宜人
中年失子意惘惘不自得家又中落凡百無可代贖者
往往小不如意輒急繕其怒節母委曲順承多方開解
之俟色霽乃卽安夕膳晨羞均出十指餘喪葬一如禮
不以貧故少闕虞部少羸多疾病節母與孀姑形影相
弔上下共抱持依之以爲命及稍長有知識必以正教
之旣就外傳不懈益嚴每夜歸篝燈課讀紡績與書聲
相間每以小故塾師予夏楚歸必痛責之曰吾所恃賴
者寧有二人耶已而虞部年三十一成進士授官主事
捧

覃恩封誥以歸湖北大吏又上其行義請

旌表如例建坊於祖祠之左偏里中人榮之曰贈公有子嗟
乃母之教澤也節母性方執聞外戶有爭鬻聲輒烈怒
然發昏中外諸子姪不衣冠不敢見語偶近戲恒義形

於色虞部族居倚兩山間中分小溪舊宅在溪東頗狹
隘虞部既假歸請移於溪西節母勉從之然意中殊戀
戀曰是先人之敝廬也虞部因是仰窺意旨終其身不
敢萌仕進意節母自少壯時悲憂酸辛大恐小恐中坐
時驚蓋所謂精已銷亡者晚得心悸疾其始十餘歲一
發既數歲發其後頻歲發虞部百方調之病良已卒之
前四日飲食安健如故常至其日午膳後就寢如熟寐
竟不省舉體皆溫軟一如平時十一月十八日也距生
於雍正四年十月初四日年七十有六矣予一人卽虞
部孫一人守仕州庠生孫女一人適士族曾孫一人道
生尙幼以嘉慶七年月日葬於大同鄉長峪里某山之

原銘曰

惟婦於夫義在代終區區身殉其道乃窮春暉未報代
夫以孝遺育未成代夫以教慈孝既全大節彌堅幽光
所賁乃徹於天薺告之甘荼告之苦甘苦備嘗

帝則錫汝象翟在躬服之以庸棹楔在道樹之以風舊宅難
忘肯從祿善愛日之誠籲天莫相斲水潺湲墓門是存
埋辭幽壤用妥貞魂

胡蘭亭先生墓誌銘

陳詩

嘉慶四年六月十七日蘭亭先生以疾終於里門余時在荊州聞之哭失聲曰先生歿吾邑中治經之士無所問業矣又數月歸造其廬撫棺一慟於是其孤子愿稽顙以請曰卜葬有時請所以誌其墓者予泣而應之念鄉黨姻好中知余者莫若先生知先生者亦莫若余然則銘幽之文非余其孰能爲之先生姓胡氏諱薰字與載蘭亭其號也世爲蕪州人先世皆有陰德自先生考東山府君出後其從父孝友如故時本生諸子姓雍雍

穆穆不肅而自嚴余嘗誌其從子鳳池墓具載於篇其家教然也先生性坦易不言而飲人以和雖悍且詐者每就見輒獻其誠而勃窣窮經自少至老未嘗一日廢於先儒經說一一味其義根手自抄纂彙成卷軸執經問難之侶無不各得其意以去弱冠補諸生又數年以副榜貢太學又數年登賢書旋以臨場改經見黜於功令而攻苦下帷不以挫折故少懈如是者垂三十年先生之學可謂安且篤者矣先生生於雍正十年十二月二十二日得年六十有六配繆氏子一卽愿邑優廩生與

余爲姻家孫二人榮本昆庠生榮紳曾孫七人以卒之明年十一月二十日葬於中林書屋之左偏從治命也著有四書輯說三十九卷鄉黨義考七卷周易晰言十卷尙書集義五十九卷詩經詳詁二十九卷特牲饋食禮集訓一卷禮記纂錄四十九卷春秋通解二十卷藏於家余既述先生學行大畧而具以兩人情好系之於銘其詞曰

余見先生始由號舍瀟洒風簷笑言啞啞越十四年爰始造門印證經義猶針芥然自時厥後以心相友一出一要動則必偶每歲發春往輒踰旬冬暮還里來止逸巡粵戊申歲授經同地月數過從語合符契斷義賞文排難解紛以通以介經緯則均人亦有言奚其爲政先生道行與物無競自我遠遊君亦歸休胡甯忍予乃赴九幽往與君語資以待老今失先生七十猶天人生奇樂莫如相知我雖有懷今當訢誰吁嗟已矣歲行在巳遺書具存以貽孫子胡敬衡之馬鬣是封九原不作吾將焉從

以上番志

新增

碑銘

唐

龍興寺故法現大禪師碑銘

李適之

古之聖人乘時迭用贊神道立人倫所以爲理者也理之爲極故受之以無爲昔之真人歸根去羨探有物入無窮所以爲久者也久幾乎息故受之以實際於是大雄有作大覺無邊常樂常住不生不滅鑒阿僧而示開闢傳法印而逾繩契映明月而小元珠位輪王而卑五帝去聖日遠多門互出名數芬絲言說滋蔓粵有紹興

法寶超詣頂宗出密意而到清涼域秉圓照而入空寂舍無聞無示非穿非鑿斷諸委曲有見本源其事業有如此者我大師其人也禪師諱法現弋陽人本名法顯繼中宗廟諱於是改焉卽雙峰忍禪師門人也俗姓宣氏出自周宣王盛於元魏代禪師儀表端嚴眉宇森秀小相具足梵音清暢乘運而應數隨方而立表以濟南浮之人以嗣東山之業初母在孕不喜葷辛及誕之後每以沙上戲爲佛塔志學之歲遠方訪道年十有九爰

志

卷之二十一

碑銘

七

持盃上堂逢一神僧顏赤如醉語師曰汝可名法顯因
忽不見年滿受具遂以此名年二十五次因寺事差往
鄉陽所憩之家皆同舊識或云宿昔夢師之來儀服宛
如斯覓設供養者皆蒙誘掖闔門盡里同發菩提心爾
時郡陽大旱師爲授戒二千餘人事畢天晶 夜
雨雪盈尺隨緣利物殊類齊感在舟則異鱗呈質使漁
者收綸登陸則困鹿求哀而繼者東矢所過古寺廢塔
雖獨而止猛獸惡龍山精木魅毒氣生烟火眾魔成軍
陣坦若虛舟莫能惱害至永涸歲有三婆羅門寄金銀
珠寶於師復置牀簀而歸西域其後有賊劫房惟此珠
寶獨在出入三載主乃東來各以還之封緘如故母氏
遣師預修己墓寺前南嶺地爲吉祥樹皆巨石不可開
動已經數日師意彌專忽有一人來詣搦所作禮既畢
出一編書與師遂云爲師穿墓觀其用牀迫非人功信
宿掘成不知所在開其留書乃菩提達磨之論也及築
墳傳土每夕有猛獸踟跡如杵條然墓成經一十八年
母何氏壽八十有六旣耆而艾無疾而終師廬於墳所
遂經三載形體臞瘠僅能識者每有人潛獻牛乳其味

凝厚眾疑有異後加驗問莫知所從嘗置窳佛前乃成
舍利旬日之後椀中有聲沃而滌之金光浮出連珠成
貫色有似榴者其後漸多至百餘粒他州造塔者皆來
請之分與而去夫其異應不可思議乃菩提之示現者
矣大易云神道設教然則至人無迹至化無名萬緣益
空一切不動此皆善靈扶護示相云爲因感而來無幽
不兆咸莫知其所以豈我師之意乎徒觀羣衆響臻羣
疑景附惟分請益波回山積有迷有達或飢或渴禪師
發以希聲之音現以隨緣之相如振風之過眾竅似膏

雨而成百穀至有求明義學談說人天三論飲其辯才
九部矜其理窟及乎對誦真蹟不覺神醉大巫捨檝靡
旗廢講焚疏因而退密專至攝心有初地弟子左相兼
兵部尙書李適之往以先君佐斬瞻言歸省因得禮尊
儀於密座委弱質於專門持心苦體不捨晝夜尋遺私
艱軍集於蓼無怙何恃創鉅疊窮負土墳傍泣血盧次
大師哀其劬頓假以梯航引於煨燼之區拔於冤毒之
海其後皇圖復禹重構維城神龍之中璽書再降授朝
請大夫旋追赴京輦禪師遂敷宰官之義強弟子以行

雖間闕積年而誨誘無遠屬有東信至自蘄春方承八年諱問具說最後功德恨不親聞付囑是用觸緒悲涼復次使者言師以開元八年六月初於本寺精舍結跏趺坐積十三日不更飲食無復煩惱因禪不解便入無餘春秋七十有八是日人物變異香氣晦合池水自照林鳥皆悲座前白蓮枯卷堂後列柏凋瘁四部雷動三界雲泣或絕於地或訴於天嗚呼慈父忍棄窮子一定已來全軀不壞髮長膚軟紅爪丹脣經今二十年竟不敢遷閉近日薄加香漆四眾供養如生故知不盡之明與劫代而相弊應見之相豈堅林之可焚徒徵夢幻之言莫見去來之迹然則建之於常空有立之於不昧難可以智知孰能以識識住持強固永爲宗極以適之心存遺偈力荷慈緣髮髯鑷鑷依稀大傅擒其勿照之曜著以忘言之竺敢申頌元德以昭播人天其詞曰皇矣能仁宏宣妙覺彼上人者是爲禪族繼體前聖傳燈後學舟梁爰河拘拔情嶽肇允光相翻飛度門傷傳心極神授名尊霰容嚴戒盜入重昏窮魚脫泉困獸還魂縹緲人代蒸在林野魔屬不神善緣來假乳似麋獻編

同地下度無量人實無度者諸行圓滿庶類知歸往虛
來實遇病爲醫六雲澍雨惠日揚輝事復無事機反於
機我於往昔天方爲瘳徜徉推極茶毒謂何孰承最上
密受爲多未究深海徒驚尺波變異潛感悲憂斷絕皆
發大怖徧身見血深入靜思義開形閉當知恆往敢告
非滅

今按唐書李適之太宗廢太子承乾之孫懷州別駕
象之子也神龍初起家拜左衛郎將開元二十七年
以祖得罪見廢父又遭則天所黜疏請歸葬昭陵闕

內詔追贈承乾爲恒山愍王象爲越州都督郇國公
天寶元年爲左相五載罷知政事坐貶宜春太守碑
中有先君佐斬之言於史傳無所見

金石存佚考

資福院逢禪師碑銘

釋惠洪

自達磨入中國授二祖心要而以衣爲信故六世爲之
單傳至曹谿藏其衣故諸方得者輩出其魁絕絕類碩
大光明有若衡山觀音廬陵清原者特爲學者之所宗
仰天下號二甘露門今逢禪師者清原九世之嫡孫黃
龍機公之高弟也此先蓋福州閩縣人生於陳氏自其

少時英特開爽不愛處俗耆年敬愛之唐乾元初落髮於隱真寺明年受具足戒卽策杖游方聞黃龍參出巖頭門峰孤峻自荆楚舟漢江抵鄂落而機公杜門卻掃棧絕世路學者皆望崖而退師獨叩其戶俄聞疾呼曰擊門者爲誰答曰令逢曰未來此間亦不失答曰若失爭辭與麼來曰來底事作麼生答曰昨日親自渡江黃龍於是開扉笑而器許之師從容遊詠日聞智證雖不事接納而戶外之屢常滿痛自韜晦而人間之譽益著以順義癸未之秋辭黃龍北遊戾止蘄陽月峰之下初爲茅茨一飯奉身跣趺終日學者追隨而至川輪雲委前刺史奇章公拜謁受法要而請升座道俗懽呼謂一佛出世遂成叢林號南禪男子張宏甫施宅爲寺莊嚴之妙疑絳闕清都從空而墮也歲在戊子夏淨髮夏衣而坐謂門弟子曰吾委息後衣麻饌客號踊哭泣肯不可爲苟違吾言則非吾法侶於是書徧辭檀信六月八日示微疾泊然而化闍世五十有一坐三十四夏塔於郡城之北太和中忽見夢於父老曰吾欲出塔大作佛事於是啟塔而顏貌如生萬眾作禮龕而供事之自

是則能指揮造化縱奪禍福使雨暘時若百穀茂遂民
建寺其旁世以父子傳器夜燈午梵自唐迄今不替政
和之間禪林易之更兩代荒殘如逃亡人家宣和太守
林公以嘉祐寺彌勒院僧擇文主之從檀之請也文疎
通解事材智有餘道行信於邦人初至之夕適大雨九
徙其牀一年而施者填門冠蓋無虛日二年而修廡密
室綠疎青鎖三年而崇殿傑閣間見層出遊僧過客摩
肩仍袂已至者忘去方來者如歸余嘗與林敏功子仁
過焉子仁曰寺以律名而禪規不減諸方廩無餘粟食
堂日集千指非有大過人何以臻此余曰昔臨濟北
歸仰山歎曰此人它日道行吳越但遇風則止爲山間
有續之者乎對曰將此深心奉塵刹是則名爲報佛恩
故世稱念法華爲仰山後身庸詎知文非逢公邪子仁
曰彼以荷擔大法此方從事有爲仰山逢公若是班乎
余曰昔普淨禪師不務說法庵於王城之東日浴萬眾
曰時機淺昧難提正令姑使善法流行足矣又安知逢
公之意不出於此乎明年冬遣其徒來乞文又系之以
辭曰我懷巖頭僧中之龍本無實法但識綱宗乾笑德

山怒呵雪峰如獅子吼香象尖蹤又如麒麟不可繫羈
羅山控勒明招追隨逢則晚出天骨權奇振鬣長鳴萬
馬不嘶清溪之上駐我巾瓶笑示死生洞開戶庭意行
出入不施鎖扃至今城北白塔亭亭寶鈴和鳴上千層
霄下有全身百神來朝劫火洞然大千焚燒而此堅固
無有動搖咨爾邦民常加敬虔蓋此大士是汝福田如
黃琳公如和寶禪刻此銘詩以壽山川

金石存佚考

碑記

唐

資福法堂記

釋惠洪

資福禪院在金沙斗方之北奇峰峻岡環繞以掩映風
林雲壑秘邃以曠平自非逃世絕俗亡軀爲法者無因
而至崇甯間蜀僧文慧嗣百丈九肅禪師說法此山求
心之所決擇發趣之所歸投凡葺林之所服用寺宇之
所宜有者十八九矣建炎元年十月住持沙門九琛以
書抵印曰寺僧紹恂者無諸人惠公之高弟有行業淮
山道俗愛敬之惠公以政和五年遠化諸大檀越重修
潮音堂一所俾知法上首踰眾演法以上祝天子之萬

碑記

壽恂欣然從之於是遠近聞之富者輸財貧者輸力藝者輸巧勸者輸語越明年七月而堂克成凡用緡百萬有餘乃設無遮大會飯凡聖僧而落成之未有文以記其事公爲我記之印曰自後漢摩騰竺法蘭來自五天館於洛陽鴻臚寺有經而未有精舍至吳赤烏中康僧曾入建康架茅茨與其徒以行道有精舍而未有僧三日男子朱士行最初落髮有僧而未分禪律迨唐之朝禪律並行曹谿獨號禪宗而律學乃不敢與之抗行元和中百丈大智禪師方建菴林巖蜂房蝻穴之眾爲九州四海而建大法堂以總眾至於天下禪席宗之知比邱因法相逢以法爲親主者升座而坐學徒雁序而聽示尊法也恂能化檀眾以成斯堂其知本者與資福院爲此邦之福田道俗男女貴賤老幼者較受之者得長老升堂布法雨以滋灌之合善種福芽菴生而並茁其爲惠利豈有既乎不可以無書

金石存佚考

國朝

重修蘄州廟學碑記

黃式度

大江自岷巫來亘數千里而經鄂會又東向迤北入蘄

州境若瀟而蓄焉若激而淀焉旁掩岡巒袤匝城市山川人物之秀靈實一鍾於是州設儒學在治東肇於宋廢於元明天順宏治間復舊制而益加廣越百年以兵燹燬

國朝定鼎戢干戈興禮樂文治彪炳遐邇同風雍雍乎四海聞雅頌聲也順治四年既建學至雍正十一年

詔修天下

文廟斬之人士畫界分修一再閱寒暑規制大備嘉慶二十一年紳士張廷贊出白金一萬有奇鳩工庀材獨覽其寧士林咸義之於是上丁大祀俎豆莘莘秋實春華輝映庠序州人故能文至是更噪於時矣咸豐三年寇自粵湘下蕪城陷所在皆焦土同治初元前牧崔芬堂觀察令闔州按賦均輸謀所以興其替舉其廢者營試館甫成卒以亂後資弗集乃止武度權州事纔七閱月移任江夏去而賊氛內侵防禦無虛日故王君子泉福君心齋先後相繼司州牧均未及議此夫三楚居天下中黃州一郡又三楚關隘斬於黃爲屬正江流北折而南之漸築城以據勝建廟以興學背麒麟拱鳳皇溪流

縈繞櫟之帶之固宜文教日昌睥睨僭伍爲楚東一大都會莫能或之先奈何使瓦礫荆榛荒湮歲月不復度宏規而大起耶乙卯秋式度擢是州捧檄重來士庶忻然有還我使君之頌式度良不敏願敢不以荒而不治者兢兢焉自惕下車後摘前此所輸之未納者悉如數令補斯時也鄰烽旣靖豐年屢書下令不數月得萬九千緡亟循舊址建棟宇垣池如制學分東西廡稍南徙並移明倫堂於東廡前以堂之故處立尊經閣當大成殿後暨茨丹腹務戒華靡經始於戊辰之冬歷六月計錢萬五千緡可尅期蕙事先是奉文罷餉捐民願以其餘葺書院資未充也又派修郡城河東書院費未籌也又州試卷價以發典之資程產數未敷也胥取給於所餘四千緡中而事罔弗集則又因重建

文廟而波及者已異日者經術文章儲爲時瑞琴瑟鐘鼓奏乎承平所以光聖賢之業蔚邦國之華者夫豈僅勦堊一新焜煌膠頰也哉式度以保薦將北上都人士謂是役也權輿式不可不爲之記雖慚謏陋未能以不文辭謹識頤末以示來茲於時同官學正劉進昌訓導王

詔灣州判徐樹樑代理州判李希曾吏目楊榮塾工
督修紳士則舉人王師訓導梁鵬附生劉儵黃美玠監
生張元順李峻極龔琴陳灼衛千總路毅斌貢生陳錦
林也

重修奎星樓記

呂憲瑞

易曰觀乎天文以察時變觀乎人文以化成天下自古
文教之設固所以轉移風化磨礪人材之具也州城東
南隅舊有奎星樓建自江防道徐其後一再改修迄今
百有餘年矣辛未夏余奉檄權篆蕪陽下車之始州人
士方修

聖廟學宮重斯文也逾月工竣其時董事者復請於余曰形
家言奎星樓關繫州屬文峯宜重建復舊觀且利科名
余素不信堪輿說而獨異諸君子殷殷以斯文爲念與
吾生平振興文教之心默有契合也豈偶然哉夫自粵
匪倡亂以後海內競尚武功其一二有材技之士率皆
効力疆場爭首功取富貴以焜耀一時卽下至鄉曲子
弟亦皆持挺握拳日相尋於強悍而家塾黨庠之遺制
澤宮頽壁之流風蕩焉無復存者而況於此樓與方今

聖天子在上削平大亂偃武修文凡有關於文教者皆次第
舉行而斯樓卽因之而成數十年頽垣破礫忽易爲壯
麗瑰奇以是爲樓之幸不第樓之幸也他日者民風丕
變文學昌明凡我士庶莫不爭自濯磨以仰副
作人之雅化其秀而文者蔚爲華國之選其樸而野者
亦識觴豆之義郁郁乎彬彬乎將舉一州稱爲文人之
數斯樓亦與之不朽焉是則余之所厚望也夫

關聖帝君廟堂碑記

封蔚初

關聖帝君祠宇徧天下自昔爲隆逮我

聖朝封號懋加自京畿以訖封疆州郡之吏歲以春秋致祭
著爲令甲咸豐間軍事方興蔚初侍直中秘見督師大
臣飛章報捷屢以神靈顯應入告其後遂奉

宸翰曰萬世人極秩以中祀之典於歲至矣斬爲州介吳楚
之交兵燹後壇廟衙舍蕩焉無存前刺史善化黃君集
州人而謀之創爲隨漕樂輸之議次第規復工未及半
黃君解任去繼署州事爲山左呂君思竟其功於時復
奉大府檄行文武衙署并令營造如制州人請仿前章
分次捐納於民情尤便呂君從之始建奎樓並吏目署

旋議復州治聽事之堂前門鼓樓科房監獄方庀材未
集而余捧檄蒞斯時同治十一年壬申夏五月也越明
年州署告成或語余工費繁興重煩民力盍已諸余曰
唯唯否否吾州人敦尚名義比有成效今茲時和年豐
憲檄疊下若郡城工郡衙署若會垣書院經費概未可
緩圖也棄成議而弗庸隳前勞而中輟猥以避事敗謀
尤不可之大者於是出示勸捐悉仍其舊董事諸君請
余遂營斯廟余躬詣相度基址宏大厥制攸宜乃爲殿
庭飛甍四周巨棟崇墀繚以丹垣翼以廊廡前爲坊表
爲重門爲省牲卽事之所且以備歲時使客之館殿後
舊屋一區葺而新之以祀其先代左右湫隘擴而大之
僧房庖漏咸備內外煥然華而弗侈允稱祀典是役也
經始於癸酉秋八月十六日畢工於是歲之杪凡費緡
錢六千數百貫有奇諸君丐余爲文以紀其事余維昔
者南豐曾氏嘗有言矣禮有必隆不得而殺政有必舉
不得而廢夫以

帝君祠宇所在凡有血氣之倫罔弗欽崇而嚴事之矧吾鄆
人士慕義趨公出於風尚者哉當黃呂二君集議之初

固將引之以歲月徐俟方來而余適承乏其間教令弗更輸將恐後乃至新廟奕奕不日成之於以壯觀瞻崇體制祀事有恪而靈貺畢甄時無旱潦之灾歲有屢豐之慶神之惠也民之福也詎非守斯土者之厚幸歟繼此而有事興作者曰龍神祠曰城隍廟且卽其旁別建一字以棲羣祀之神之未及立廟者卜其地適當斯廟之右今又將落成矣其前後在事董勸者黃君美珩李君嵩年龔君琴陳君錦林悉能廉潔自矢不憚勞瘁庶乎有始終者是役督工夏君爲恒亦與焉余旣美諸君之勤而五鄉人士亦復安余之拙故能相與以有成也乃爲之記以諭來者

重建城隍廟碑記

封蔣祠

聖人在上百神効靈自頃歲直省肅清中外禴福民生是時耕鑿安矣然而旱乾水溢或值天時人事之適然牧民者實受其咎惟神有責焉

城隍尊神一州毗庶之司命也治幽治明職守斯在吾民受治於刺史卽罔弗託命於神刺史百弗治神得而治之是以民之事之也尤嚴而望之也查蘄州治城俯長

碑記

江之潯環州之鄉五瀕江者二常苦水患其三鄉依山以居而耕植其麓又輒以旱爲憂余以壬申仲夏來牧於蕪始至泊舟西城之下水及其垣旣而水落且速乃亦有秋其後二年州人益竭力以禦水東毗廣濟西與蕪水錯民自爲堤或十數里或數十里而比歲江水安流循岸而止未之溢也癸酉夏五月不雨余偕僚友爲壇於

城隍之神座前並奉 龍神之位而禱之卽日得雨歲則大熟明年夏四月又不雨望後八日爲壇祈禱如前儀自朝至於日中辰太空無雲赤日有赫余心惴惴懼弗獲命乃薰香素衣冠步壇中請於時道旁觀者或太息或曰匿笑未已俄而震霆訇然風聲颯颯驟至大雨滂沱午夜乃休明日又雨達於四境州之人莫不歡喜踴躍謂神之澤我民如是其速也如是其旁皇周浹也先是廟居麟山東首偏仄殊甚兵燹後棲神於城北之入官民舍至是謀重建焉遷地於麟山之腹卜之大吉乃屬土紳之有事於工程者鳩工庀材營造如式並建龍神祠於其右別建一宇俾奉羣祀以是年七月十二日

經始迄乙亥十月落成毗之熙熙瞻仰頂禮咸曰美哉
是足以達我崇報之情矣志載廟有馮司寇碑文嘗徵
引李陽冰事明感應之不爽以余攷之陽水嘗爲縉雲
令禱雨於城隍之神與之約五日不雨且焚其廟及期
果雨合境告足夫爲民請命乃至危詞若此然且疑其
近於過激之爲非禱祀之禮今余治行無似曷敢妄希
古人惟神仁愛斯民早輒賜之以雨有禱斯應旋於影
響藉非靈佑丕顯其孰能與於斯乎廟以享之馨香以
薦之宜矣蘇軾受任茲土三見有年近者臘雪應時後

兆屢豐之慶而余適調任唐年將俟得代而後去念無
以慰吾民之思也乃敘述其山川高下形勢及州人耕
作之勤劬且溯靈貺之所自來使知獲此豐年和樂者
運際中興共享承平之福也夫治民事神刺史職也宣
上恩而達下情政之大者也遂爲文以勒貞石是役凡
費緡錢如千數及前後工程之費令董事者別爲簿籍
俾後有考焉

重修龍神祠記

黃雲鶴

龍以能爲雨澤功及生民所在祀之載在令典音斷封

少霞刺史重修龍神祠從堂兄我山質董其役祠成郵書建南命爲記且屬來者曰必得文乃還來者鄔三年七十餘矣在署中累月見予曰皇皇民事無刻暇不忍言濱行乃述我山兄意且曰邑龍神最靈向旱邑侯率耆老禱雨輒應聞君在成都祈雨事蜀人至今津津樂道君一言宜予笑曰神罔弗靈視誠不誠耳禱雨輒應神之靈侯之誠也雲鶴向者出守雅州逾年調成都值大旱自維德薄累民痛自刻責聞灌口伏龍觀及白龍池神最靈卽日匹馬科頭馳烈日中百三十里未夕抵

灌江水暴漲數尺質明負水行雨霏微隨七十里抵郫大雨如注四體沾濡五內清潤茫然若行雲霧中但見道旁老婦有泣者率以誠不至郫令強予與予遂與強予宿予遂宿雨亦遂止越數日旱如故予計窮乃昇神烈日中以身禱二日得甘霖歲大有蜀人以功予不知乃予所自慰之事蓋德薄政疵誠素不積洎事亟徒以勞要天瀆神可醜也傳曰喜雨者閔雨也閔雨者志乎民者也有司牧之責者平時果念念在民可對君父質鬼神爲民請命罔不昭格不然雖用周官太祝春秋繁

露之法禱雨祈晴亦有驗有不驗其他左道又何稱焉
吾故曰吾蕪禱雨輒應神之靈侯之誠也予去蕪幾三
十年祠所在不甚記憶來者述又不詳修祠始末無由
悉愬愬卽訟案書付東行但遙祝神與侯長福吾蕪而
已

重修鳳山禪林碑記

封蔣昉

江漢合流而下經黃州赤壁浩浩蕩蕩抵西塞山勢如
轉環奔濤滄蓄又折而東數十里紆徐容與遙望有山
狀若飛翔橫障江滄喬木森森雜蝶隱見於空濛煙靄
間則蕪州城西之鳳凰山也勝國荆藩分封是邦其時
琳宮梵宇所在多有而禪燈綿續歷久弗墜者曰四祖
寺實在茲山之麓窈然而深過客弗及知也余至蕪之
二年歲晏務閒偕賓友流覽城垣薄遊及此山僧果成
隱林方於兵燹後竭蹶告募營寺一區畢工未久友因
言此地別開生面饒城市山林勝概且古刹未可久湮
也甲戌春迺招集士紳及賢遷近郭者謀恢廓之余捐
廉以倡士民踴躍樂助得緡錢如千數乃鳩士紳等就
寺旁重建祈祠宮三楹右爲客座爲僧寮巽然一新座

碑記

前繞以垣勿礙遺囑又其旁隙地留爲詩花種竹之所循仄徑而上山半得地數弓頗寬拓僧云此前代江山清趣亭遺趾也復建亭其間經始於二月五日再逾月而工成州人遊覽者晨夕紛集余乃置酒邀賓僚落之是時江月初上晚風徐來樹林陰翳中禽聳上下不出庭戶而湖光嵐影襲人襟袂之間登亭而望臨江興國諸山巖崎厯落如拱衛然俯視雨湖荷葉田田特藻綺錯寺鐘一聲鷗鷺驚起江流抱其下帆檣出沒左麟岡而右鴻渚勝概畢露於是飲酒陶然歡譁未已客有避席而言者曰此地當吳頭楚尾號爲要區十餘年前辛苦凋殘不堪回首矣邇者四郊無事陽雨應時歲慶屢豐百廢漸舉吾輩與使君得以從容觴詠於此親睹夫都人士女熙來攘往莫不有歡忻和樂之情豈非幸際中興之盛耶余曰然江漢之詩當爲今日頌矣嘗考茲寺舊有大殿五丈室禪房又數十區余以重煩民力未能頓還舊觀也後之君子有能政通人和鼓舞吾民而與之同樂者亟起而踵成之是余所厚望已客旣退遂援筆而爲之記

重建乾明寺碑記

封蔚初

出聚奎門循城而南約里許曰乾明礎舊傳羅真人飛昇處石上履跡猶存顧黃公常載酒賦詩其間蓋負郭一異境也初有寺供奉觀音大士莫詳所自勝國荆藩修之仍名曰乾明寺厥後迭廢迭興至咸豐間蕩爲墟矣前刺史土君始構一椽僅容瓶鉢覽勝者不足以勝息輒致憾焉余既葺鳳山禪林暇登茲山之巔倚城俯眺喬木參天崖石壁立吐納江濤屹焉雄峙乃携賓從往遊而歸慨然有興復志問以語州人士僉曰修舉惟

宜余亟捐廉以倡久之輸泉布者得數人仍屬紳士董其役就地規畫兩越月告成梵宇三楹祝前序豁外爲湧月樓隱櫺洞陶瞻矚逾遠州人祝釐於茲皆大歡喜繼自今辦香頂禮大士之福我士女滋益侈矣寺臨大江之濱帆檣上下相屬雨雪之辰風月之夕意必有騷人墨客登臨憑眺於斯樓者對景興懷撫今思古憂歎樂賦覽者宜自得之而余獨愴然感念於江湖之遠也

雨亭記

封蔚初

州治後枕麟山上有茅屋或曰古四見亭也攷諸志乘

范忠宣出守是邦築亭於舊治之白雲山名曰四見厥後時地遷移茲山之亭名仍其舊旋易之曰試鑑今則此稱久廢矣予蒞蕪春之三年甲戌夏四月不雨望後八日與同僚爲壇以禱之亭午步壇祈請時宰大夫閔雨殊甚偕友數輩登斯亭以望雲氣小子祝唐侍焉楊君葆卿因言去歲夏五時雨立應仍大有年今茲太空無雲炎威彌赫始不可莫相與瞻眺者久之俄而雷聲訇然西北風大作黑雲如蓋幾壓簷際倉皇下山大雨如注僚友咸舉酒相慶不圖神應之速之至於斯也明日味爽又雨四境霑足適有事於修葺遂拈兩亭二字顏之用志靈肌不敢仍忠宣之名而不嫌與坡老同意昭其實也若夫山川林壑之美登臨覽觀之樂前人嘗有述矣予故弗之及云

蕪州元妙觀修復記

陳詩

余少時就學外家嘗循諸童冠出朝陽門至元妙觀憩焉簷傾瓦墜金碧皆漫漶不鮮意謂不葺且終壞已而自京師歸里間一過之則寥陽通明兩殿皆以次修其後十五年余爲湖北金石考與友人楊君昆山來觀中

訪古碑刻願見殿宇輪奐像設莊嚴巍然稱闕州鉅觀
崑山告余曰始觀之將壞也觀主王復樸憂形于色乃
罄其力僅得復寥陽殿竟資志以終其徒熊教易繼之
漸復通明而亦未有以大葺之也乾隆甲寅始煥然一
還舊觀木石埴埴設色之工糜金錢數千緡蓋今觀主
朱子虛與其友某之力爲多願不謀於眾不募一錢壹
似有神助然者蓋爲文以記之余考前明州人宋叙州
彥實所撰碑記以謂觀之始建在宋大中祥符然其時
州治在西河俗所謂羅州城者是也今州治之有觀斷

自明洪武間始其後天順成化一再興修率皆出藩府
重賞以內臣董其事其不勞而舉也固宜今世之相後
又二百餘年雨驟潦毀不復如曩時之易爲力而子虛
以區區一全真僧不聞有達官富子爲之貢獻乃能出
其獨力以恢大前修鑿之內之俾有基而勿壞可不謂
難與予頌於所居里中與同志創置鄉塾願遲之又久
垂成而幾毀者至於再三聞子虛之事竊有恧然而內
愧者固將記之以風示來世况重之以崑山之請也耶
乾隆六十年歲在乙卯仲夏月端午日記

重修黃陰山綠蘿菴記

陳詩

桐山之陽有黃陰其山多藏葉似酸漿草土人以是名或稱曰皇居音近之譌也舊有綠蘿菴歲久且就曳然山勢拱揖泉甘而土肥形家輒過而目之或以是德石壞邵君襟三及同里陳子煥昭謂是吉壤也遷廟而改建之則此其爲牛眠矣久之約旣成予正告之曰禱無損人以自成也而況神乎且神之窟宅於是久矣驟遷之又因以爲利拂經且惑衆會其友亦有以是爲言者邵君遂中止已又自念曰始余之議遷也固將新之耳

余旣還神以舊棲而輒聽其頽敗人其謂我何於是益與陳子謀鳩工庀材瓦甃磚垣宋桶侏儒之屬取其舊者什之三而更新者什之七爲廟二重奉安神像丹雘金漆視昔有加計費金錢數百千有奇以乾隆五十七年某月日興役以次年某月日訖功而屬予爲文以記之予惟風水之說沒溺於人心而背理傷道以取所求至有毀人之宮夷人之墓而無恤爲之者若夫浮屠老子之宮固儒者所不齒然以其與人無爭也而猶不免爲有力者所驅使又况夫芸芸者耶若邵君者其可謂

聞義則徙而不損人以白成者矣邵君名本江國學生
池州之石埭人也以懋遷往來新之檀林鎮煥昭名某
國學生蘄州大同里人兄某弟某皆庠生邵君勇爲義
又將有進於是者是役也特其一端云

思樂記

張如照

九月九日子與黃子永池登高四望不數里許見有崖
谷委會川流交絡中建一廟指而問之曰此吾父秀峯
大人墓所觀音崖也吾父生於此乎樂沒因葬於此廟
於此也予因與往觀心舒目行四山而內平遠流水收
之襟帶間益無不合形輔勢效伎茲山之下其上有大
石屹然人立永池曰此觀音崖之所由名也其餘或立
或臥或側或面疏數偃仰爭爲奇狀山形若窮復陟其
巔忽又無際而扈襲嶧火者宮小者別若方屋若列屏
若馳若驟若人之旅行奔走僂僂而偕來欣然接之目
應不暇又其上有山長狹橫絕高聳蔽北距東西十餘
里方莫能上恨不得見此山之所自永池曰此山北自
大桴山蜿蜒東折數十里復西走而轉南順逆往來橫
邪曲直攢疊累積尺寸千里固非一日之目可得窮也

然則予之見爲可樂者所得爲已僅而予先子之見爲可樂者固有以大其觀而博其趣也殆所謂合山水之樂以成君子之心者乎因記之以見秀峯先生之能樂乎此又以見其子永池之於此乎葬於此乎廟者誠能思其所樂也

遊仙臺記

田達材

仙人臺新州第一名山也地據大同里之西北隅危峰峻峭壁立數千仞望之空濛蒼翠半隱天際登其上下觀諸山皆都窳矣其遠觀也若涵水之崗溪江吾斯之八里湖相距皆二百餘里當天日清和愔愔焉皆在指顧蓋所處者高故能見遠若斯也而登斯山者已不知有人開事矣其山之得以仙名也自五代晉時劉五劉六學仙于此始至今尙有仙洞焉其後明萬曆時郝中夫守正讀書其上植杉樹二株至今周圍合抱皆二百餘年物中夫成進士官太守樹以人傳故今尙不可磨滅也吾族世居此地距山僅二十餘里常畏其險不可踰歲庚午授經于大桴山開于山差近始造其域竟日然後至至則深林密樹交陰寺前有壁連天崎嶇萬

狀居然別有洞天矣因與寺僧至山巔入祖師殿卽二劉所置祖師也劉像亦在其左右其殿之後行百餘步石壁中有龍洞不可人行因使有胆力者仄身而入仰臥其中見石上有龍形首尾鱗甲皆具相傳前數十年僅數寸許今將尺許歲旱土人禱雨多應此則仙臺中近家之勝概也其殿之前行數十步巨石嵌仄石壁中有仙洞卽二劉學仙處中夫詩云苔蘚厓前留幻迹是也余聞其中有石刻陳愚谷師嘗入取其字心甚貪之雖危於不可行張胆直入得虛無眞經師寶大成至聖文官師一十三字又載有戊申年不詳時代有石工李錦鏞石匠南子印名目其餘隱沒不可識蓋事歷數朝理固不可復識也吾思仙人臺吾桑梓之地也地以人詭地以文記二劉記之以仙者也中夫記之以詩與樹者也余之爲此遊也原其始末訪其遺蹟記之以文合此事不沒于後云爾

序

空空齋藝語隨錄自序

黃兆魁

空空無知之稱非美名也笑以名齋曰居是齋者隱其

姓名號曰空空子復以各其齋志恨也何恨乎爾空空子不安於無知讀書求有知不得因恨焉故隱其姓名號空空子復名其齋以志恨其居是齋也課其子若孫與一二內戚讀書者暇時庀其家事畧皆就緒外人疑其有知可以幹事遭時事之變強之出襄辦公事多所齟齬悻悻者幾不能相容久之無知愚賢不肖皆帖耳服相與語曰空空者鄙夫也是夫也殊不鄙由是名動公卿聘之往與語粥粥若無能試以事輒有功當途欲予以重權而未之決也空空子聞之以老病告退退居是齋每晨起枯坐如木偶逾時下榻飯訖徐步齋中自適其適不甚讀書客至談人間可喜事有聞及詩文者掉首搖手謝以無知性嗜酒量亦甚褊午後必飲飲數甌輒醉醉則鼾聲如雷及覺呼童煮茗暖之以席楷自疾書待童問所作不應再三問乃笑曰夢夢耳因署其稿曰空空齋隱語隨錄

涪瓠集自序

陳準夢生

物之以全而見收殘而見棄者凡物皆然而文章類此物之以美而殘人情恒惜之陋而殘人情恒不足惜凡

物皆然而文章尤類此余束髮以來託業毫素於茲有
年矣每有屬思不論妍醜彙而藏之於篋制之文尤
多以困於場屋者久伊暗牕下之日長也然奔馳南北
故紙飄零行篋所存十不一二羈旅感懷往來贈答五
七字之吟哦亦復不少丁酉歲臘自荆旅鄂遺失舟中
以供榜人誦誦之用零紙賸墨無復成章腹存而筆憶
之者數十百言而已自茲以後所過多虞詩腸愁塞催
租風雨斷句碎思祇任零落間有存者憂思如鸞之音
寓意寫心之作蟋蟀秋吟自鳴悽惻花間睨睨時遇不

復聞矣歐陽子云詩以窮而後工余之詩何久不工乎
唯是萋萋者留以詩質焉古文之作慶祝之祠多華而
辭實略識一斑可也經史字韻亦間留辨論并蠶之機
知所不免將檢此數者合而存之留諸家塾要皆缺而
不全是卽物之殘而棄之不必收者乎且卽物之陋且
殘而棄之無不謂宜者乎因悟惠施子之言曰五石之
瓠落而無所容因而楮之楮之爲者以其無用而無用
之矣天下物之陋而殘者宜知所鑒矣迺余將吾詩文
之缺者彙而存之是猶瓠之以無用而楮之拾其無用

之措者而深藏之不亦惑乎然而天下之大無物不有有用無用又誰一於鑑別而定其去取耶豈於一瓠之措而歛匪所以置之乃以名吾集而為之序

書鄆州志後

漢書地理志江夏郡縣十四蕲春在第十晉灼曰音所沛郡縣三十七蕲縣在十二本注曰垂鄉高祖破黥在傳布與上兵遇蕲西會甄正義曰蕲音機沛郡蕲城也與蕲春之蕲字同音異蕲縣亦有蕲水水經注所謂首受睢水東逕建城縣故城北又東南逕蕲縣又東入夏

邱縣東絕澶水又東流入徐縣東絕歷澗又東逕大徐縣故城南又東注於淮是也後漢書袁術傳術率兵擊陳國曹操乃自征之術走渡淮留張勳橋蕤於蕲陽乃注淮之蕲也章懷太子注指為注江之蕲誤矣

詳見胡三省通

鑑釋文元史世祖紀中統三年二月李壇反詔東平萬

戶嚴忠範留兵戍宿州及蕲縣三月宋夏貴攻蕲縣五

月蕲縣陷權萬戶李義千戶張好古死之

宋史理宗紀景定二年五

月夏貴上而嚴實傳乃云中統三年宋兵攻蕲州勢張甚張晉亨子好古傳亦云移戍蕲州宋人攻蕲好古率

序

兵迎擊力不敵死之此又以縣屬州之誤也音讀一失

而翻車水

太平寰宇記引斬布郡誌云九江至英馬下布子翻車水北築翻車城勇統志亦云

山

府志州西四十里日馬下山漢高祖在九江王英布下馬於此因名焉

九江城

明統志在黃梅

縣西南七十里九

樊噲城

府志在廣濟縣武山湖世傳樊祖命樊噲征九江王諱布

屯兵列于乘志矣州縣字譌而張好古列于名宦矣其

沿譌而入于詩文者又可勝道哉斬縣自至元二年併入宿州人益不知斬之有兩地字之有兩音矣故詳錄之以俟采擇云

屯田議

盧紘

屯田之制卽倣井田遺意而通變行之卽寓兵於農之意然當時民但知有農不知有兵器械自具糧糗自備無調發訓練之煩無輸輓追呼之苦易曰改邑不改井井者聚也亦相聚爲守之義也至阡陌既興古法不可復行 朝廷專立兵制或驅農以爲兵經數十年之役而不得罷或歛農以養兵竭千萬粟之力而不能供於是漢唐以來善爲持久之計者始有屯田之議趙充國行之塞下聚賦行之許下諸葛武侯行之渭南此皆爲軍興而設縱不勞民以養兵然耕於茲土者朝而負耒

幕而荷戈彼莫不曰我兵也而非農也我暫耕此而代兵者也非久駐此而爲農者也以此觀之則兵農之勢形合而清不得不分暫合而終不得不分也明制分立衛所而兼分屯田其寔衛所之軍未必卽屯田之民然民自爲民軍自爲軍是不獨民之與軍分而爲二乃民田與屯田又分而爲二且并食屯之人與養軍之屯又分爲二此所以雖具軍與屯之名而終不獲其用者弊正坐此也 本朝繼變亂之餘戶口虛耗地畝荒蕪憂國者因止供日缺而倡興屯之議招集流移貸之牛

種蠲其額糧督以專曹理以屯長且又告以興屯之意原以開荒非以備餉原以聚民非以供兵始初雖有屯名其後永爲民業此在立法者不啻三五申令爲民家論而戶曉焉然民卒多惶懼不安有司方馳追就始有強而應命者民非有畏其土之荒而力不能開也正慮其兵之擾而害不可支也上則曰屯以聚民非聚兵名與古同而實不與古同也民則曰屯原養兵非養民實旣不爲兵而設則名何不并屯而亦去也矧立法之初乘傳而過者靡然煩費至於牛種之支還籽粒之銷算

田畝之稽查冊籍之呈核乘除於胥吏之手即不必其
養兵而害亦有所必至豈盡出於浮言之播惑哉愚謂
招流民以闢荒地可也立監司以理荒田可也其事但
當責成於有司一歲之中流民之歸復者幾何人荒蕪
之開墾者幾何畝勸民牛種相貸相周者幾何家蠲其
雜稅量輸畝穀一歲儲而積者幾何石春作秋成每一
造報一切胥吏禁勿騷擾專責有司歲終定爲考成其
民之歸地之墾而粟之積分數多者定上考而優異之
否則列下考而懲罰之如此則有司知其關係之重而
務盡心小民無復煩苦之憂而務盡力當事者并省其
經營督責之煩而坐收其成則不數年之間流移漸復
荒蕪漸墾國課漸裕益上益下莫便於斯也且患尤
有最甚而當事未慮及者郡縣人丁之逃亡土地之荒
蕪雖申報已久而蠲免卒未徼恩則逃亡之人已無
而名未去籍也荒蕪之地全虛而課仍入則也彼死者
無論矣如逃者欲歸而數年之逋并責族黨之負并累
如荒者欲闢而前此之荒糧未除後此之屯租重納彼
小民其能支此數困哉此愚議必除荒而後荒可開必

免逃而後逃可復此尤招撫開墾之一大機權至於察其真逃亡無以現在而當招撫察其真荒蕪無以欺隱而當開墾則有司不得辭其責矣

儲餉議

盧 紘

今夫師行而餉隨焉未有師行於前而餉不繼於後能必戰勝而攻取者也聞之戰其野卽食其野之粟蓋因糧於敵我無轉運之勞而敵假齋糧之便如楚失敖倉之守而漢乘之陷失洛口之守而唐藉之此天之所假故令敵人自蹈其瑕而我陰收其利實不可恃以爲常

萬一楚不失敖倉之守隋不失洛口之守漢亦何所乘而唐亦何所藉此裕餉之計甯取必其在我者而無妄意其在人者蕭何輓關中之粟以助沛公百戰之功所謂根本之圖也然而道里險遠日月曠遲夫役疲頓一鍾之粟所費十鍾甚矣輓輸之爲害亦未可更僕數萬一敵出奇兵阻吾餉道則三軍之士嗷嗷而待者何以爲濟乎此古人用兵又謂遠之不可恃而不如近之爲可圖屯田之議所由起也西羌之不服塞下虛耳於是趙充國上金城屯田之略祈山之無功蜀運艱耳於是

孔明定渭南屯田之計效必見於持久而議易奪於阻撓以武帝之英明充國之議十餘上而後定其功亦倖成於垂老之年若孔明者議雖同而功不能竟此屯田之可恃而不可恃又若有天意存乎其間也然則屯田之議則疑於迂且遲矣轉輸之議又疑於遠且阻矣至於因糧於敵乃若貧國恐其人逃而土荒富國又慮其墜壁而清野等之乎不可爲恃欲用兵而餉莫之給將若之何則莫如議積儲於將用兵之地一二年之前或百里二三百里內審擇便利險要可以陸運車而水通舟者置版倉於其地責附近郡邑陸續運積其中計可以支數年之用可以餉百萬之兵然後師動於前而次第輓隨其後隨地支給庶不憂其匱缺而又不慮其煩遠誠可恃爲戰勝攻取之要策也此有事用兵惟以預計積儲爲先若無事而謀經久則屯田之議爲終不可易矣

鹽法議

盧紘

考山左之域乃青齊故墟昔桓公用夷吾鑄山煮海之議富強甲於天下今其遺書具在曰筴者籌畫多寡曰

衡者較量輕重未有不隨時變通而拘於一成之法者其筭與衡一操諸上而密寄於司計者之心必不可使其柄有所旁落而陰竊如使利權之大而使人得以窺伺假借乘隙而舞弄於其間則利之所歸上不在國下不在民而專歸於奸商與積蠹此山於司計者原不從國計與民生起見故奸商積蠹得中以所私夫是以籌畫之筭不難移多以爲寡移寡以爲多較量之衡亦不難變重以爲輕變輕以爲重日陵夷而不可救也山左產鹽之地惟濱海州縣有東有北權其產鹽與行鹽之地而遠近可知矣山左食鹽之數視州縣戶口有寡有益權其殷耗與通塞之宜而增減可知矣此不過一按籍按圖而俱已瞭然在目了然在心且今之人情非真有鬼蜮之不可窮古之治法亦非真有謬巧之不可及卽今讀管子守國之篇不過曰十口之家十人舐鹽百口之家百人舐鹽凡食之數一月丈夫五升少半婦人三升少半嬰兒二升少半鹽之重升如分耗而釜百升加十耗而釜千伐菹薪煮泔水爲鹽正而積之三萬鍾當是時梁趙宋衛濮陽諸國無鹽之地皆仰食於東齊

東齊之國亦藉是以富甲天下如國語所記桓公之時成鹽三萬六千鍾令使糴之成金萬一千餘觔其富強之效章章可考也今時則不然商納鹽課而以粟分之州縣州縣按粟之數償價於商繳粟於官然往往私鹽盛行而官鹽致塞票價不足而國課以虧於是奸商辭其害而告以引歸民發票於州縣而責以輸粟課於運司粟課輸於運司而行鹽之地仍聽商爲主持而撥給是商既辭其害而仍專其利民既無其利而兼受其害大抵濱海富饒之州縣鹽商與官役皆其土人表裏爲

奸那移閃變皆出其手地境本近也戶口本繁也而行鹽與納課之數反得其輕而寡既得其輕而寡是以彼邑往往樂從之而最遠最疲之州縣無力賄賂於要津其行鹽與納課之數反贏數十倍於彼如是而欲責其鹽之行而課之裕胡可得哉至不得已有司代民呼籲控之於上則諉之曰原額已定而數不可改易矣嗟乎財力之貧富存乎地戶口之殷耗因乎時彼儼然持筭操衡之人而不以國計民生爲念但知循一成不變之法以責成於有司亦何貴乎居能變通之地而行轉請

之事即且彼之責於有司者曰鹽課胡以虧也夫使量
治地之大小戶口之多寡以定鹽票額中之數則在民
不憂虧在商亦不憂虧矣又曰私鹽胡以行也夫使量
地境之遠近行鹽之多寡以酌鹽價適中之數則民不
苦官鹽之貴自無取私鹽之賤矣此愚之所以重望於
司計之人欲其秉至公之念審獨斷之權隨時變通參
酌良法自不憂官課之不敷私鹽之不禁也大都課歸
於國利食於民而居中往來令其疏通而不滯者商也
三者偏重俱有所不可然國利民利而商未有不利者

也商專害而國與民固未有能利者也察今之勢又不
然司計者之心殆欲顯居利國之名而兼收利己之實
遂陰假利商之便而罔深恤害民之由卽其害之在民
亦有差等又視其經營之巧拙以爲受害之重輕此偏
枯之中又有偏枯焉愚所令之新泰殆所謂極遠而極
疲數年之間乃身嘗其害者故言之有如是其深切也

墓誌

工部主事陳愚谷先生墓誌銘

萬之傑

嘉慶甲子傑補弟子員晤友人獲讀知不足齋四書文

竊以不得從遊爲恨適督撫有省志之役茹古香學使者力請延至會垣主講江漢書院以志相屬乙丑傑因執贄受學癸酉先生以其孫道喻屬傑爲句讀師案處二載每縱談古今輒至夜分道光壬午八月先生去鄂丙戌傑試春官報罷病中訃音至嗚呼天奪先生將使後來者不得與於斯文耶先生蘄州人姓陳諱詩字愚谷知不足齋其齋號也系出義門見於先生自訂族譜序曾祖諱立元國學生祖諱先榮考諱猷漢俱以先生故馳贈奉直大夫考卒後閏五月先生始生妣袁封太

宜人先生磨性穎異敷賦解屬文當時常摘其尤者以傳乾隆甲午舉鄉試第一戊戌成進士觀政工部庚子以工部主事終養歸不復仕進歷主鹿門荆南書院講席最久者莫如江漢書院先生無他嗜惟嗜書始識畢秋帆制軍以國士許之制軍藏書數十萬卷每部皆有羸餘欲以其半與先生會襄陽教匪滋事制軍卒於軍事遂寢先生富於精神高脊而起漏三四下始就寢博綜羣書貫穿精義手纂日萬餘言不屬草人有未見者必婉轉借觀之撮其精華累數十年不能忘有購古書

於市者舉以問先生先生爲略舉大意率皆毫髮不爽
爲人寡言笑不偶俗以邀時譽亦不輕譽人人有非語
相詬病者往往不之校與人交匡困資無苟相知不易
生死學者有所質每辨一雖析一疑令人驚怖其言恍
然如有所失史傳中斷簡脫字掛眼輒訂其謬詩古文
辭下筆立就古文愛歐陽公論詩不爲風雲月露之詞
每語傑爲文當如朱子所云無一語無關係故所學務
以明道爲要一時知名士多出其門前後獲大魁擢巍
科者蓋往往而有海豐張錫圖制軍常以楚北大儒目
之知言哉所著有四書類考三十卷人名考二十卷六
律正五音考四卷續修湖北通志若干卷湖北金石存
佚考三十二卷江漢書院志畧四卷重修廣濟縣志十
二卷竹書紀年集注二卷知不足齋四書文十一卷俱
已板行陶靖節集輯註十一卷韓詩外傳疏証若干卷
借刻他氏春秋比事六卷春秋世族譜二卷春秋官制
畧一卷春秋謚法考一卷春秋後表四卷古今韻類求
三十二卷新唐書世係表補正十三卷元史帝系宗室
表各一卷元史列傳蒙古色目氏族表各一卷漢人南

人氏族表各一卷清爾雅十八卷諸史地理志彙鈔四十六卷序目一卷附論二卷湖北督聞錄四十六卷湖北詩文載二十卷尚齒會彙編二卷進聽錄二卷宋登科記三卷質疑錄十一卷唐宋十一家文鈔集說五十二卷尚友山房詩文雜錄十卷金石史若干卷未刻正稿付蘄水陳殿撰沈底稿藏於家先生四世單傳配詹封官人先先生十一年卒子一守仕州庠生先先生卒女一適邑庠生胡榮本署荊州府學訓導胡愿之長子孫一道喻業儒曾孫一行成尚幼先生生於乾隆戊辰

十一月初三日辰時壽七十有九卒於道光丙戌六月十八日酉時將以丁亥月日卜葬於祖山之原喻走書五百里以銘幽之事來告嗟乎先生賦性古樸人有過輒面斥尤嚴於論文非根據經傳言之有物者率塗拭加之不少貸夫人情多諛先生犯所最犯者以與世周旋其從焉者寡矣獨與傑朝夕講授娓娓不知倦猶憶歸嶺時舟中寄以詩云萬生雖我友至德實吾師先生此意傑固負之無可言然竊自維知先生者莫如傑而愛傑者亦莫如先生銘幽之事傑敢以不文辭哉因揮

淚銘曰嗚呼先生古訓是式先民是程曰夷曰白履潔
懷清鬢髮勵志皓首不更散骸時趨闔棹縱橫狂瀾獨
挽大厦獨撐隨風咳唾翼傳羽經朝苞晚獻莫之與爭
噓彼無識腐鼠是驚非得其人道奚以明吁嗟乎何以
況之前有安溪後有先生

新州志卷之二十八

知新州事嶺西封蔚祚纂修

藝文志

詩賦

舒黃之間斬爲勝區詞客之所流覽縉紳先生之所
敷陳而詠歌載在前志不勝錄也今願審酌體例別
白眞贗期有當於不朽之義諸不足以攷故實備舊
聞者辭雖工無取焉志詩賦

賦

明賦二首

浮玉磯賦

李若訥

李重
濟北

浮玉磯者蓋蘄江之勝觀黃郡之秀出截然中流欵而
嶽萃斯亦不列於岳志絕紀於山經物有邁美人或探
靈觀銳玉之如削奇石之若零巔趾吳楚源流潛霍
縈波笑獻注名爰託砥柱崢嶸標以磊砢洪濤逸乎四
周遠勝巨守彭薄似月之洲玉塵紛錯若木之華朱曦
磅礴諦登厥勢擅彼一方削峰前晚截壘球瑯局口後
扼溲滄洗洋左挹諸岫唐帽玉屏右拍近麓麒麟鳳凰

收名區之醞釀嶺上遊之徜徉其爲狀也浸百丈於蛟
窟馱一尖於練影彷彿巉巖憑陵菽井巋然天成屹以
日永盪長川其似柔插孤空其欲猛雲根跬武而層層
霜骨凸凹而冷冷紆曲作枕於股肱縹緲爲延於項領
於是地形旣据人巧載施綠紛糾而坡晉削路道而巖
踞壁夷如砥化彼離奇雕石成檻卽峻爲基宛欺摠之
不闕羌窳窳以相宜撫澗澗盈於頰仰因笑兀撐於崎
嶇層累迺上岩帶參差鴻飛朝棟洒灞渚兮星簇夜疏
洩瀆瀑兮藻悅雲素重欄復瓦桀閣修梯文昌題下控

巽地之明昌符升華之福殿引三楚於目中劃九江於
祛把八牕熒熒宇宙咸開疑四戶脩條山川交輳儼列
宿其環材擁紫薇其庇厦太乙巍崇如薦之羊鈞陳森
列似排之復聳羲文於獨尊散殷質於猶野混沌千秋
一旦而寫乃有翹秀之品穎俊之人登高寄思眺遠無
隣扶搖九萬攬結三春呼佳儔而領略商歌業而談論
飛鴻目送流水神親意匠則寥廓悉入手削則瀾洞爲
新陟爾帝座呼吸可因降而龍藏出沒有眞擲綉珠於
泣淚起繡虎於文茵福緣法像瑞叶鴻鈞發江靈之鬱

勃宜文曜之幻神此其符采大義吐納彬彬者也若其
寒食梨雲重九桐雨芳草王孫臨淵漁父溯澗輕舸攜
賓侶玉宮萬頃之旣凌望片石而來撫斤絲竹其勿喧
愛江天其欲譜徒倚登臨月光遙吐薄烟道之上下川
浦笑起僧寮茗汁半茹咀彼清疏揮茲塵塵採燦帆而
未能引螺卮而願舞踏綠苔之鬢髮忘紫蘿之腥醜亦
以點綴玉痕潤色天宇無取於粉黛之絳繚恩瓊之綺
粗驚破天門之夢汰消佛德之祐至於僧田百畝蒲饌
一盂仰庀俎豆俯結精廬隔水鄉而不遠栖山閣而爲

徒捐杭稻以糴越守饗饋以苾芻升斗之水不減衣珠
方寸之名可代神符推其餘粒餐及寒備篝燈之夜可
熄蛟人之歎歎屑玉之子皆揚帝宿之居諸抑又功德
與磯並泐福利將江並滯漸漸不朽何潤何枯

白雲深處亭賦

高鵬南屋州人

有一布衣性耽山塗東走吳西走越老子長之脚跟飽
堯天之風月曉來放嘯於鳳肩展望於驪脊第見非烟
非霧郁郁紛紛瑞幘宏開素屏森列峰迴路轉有亭翼
然榜其上曰白雲深處也少焉天挺一人立於遊亭南

面問其童子曰此白雲洞主也布衣心悸進而言曰主
人物以寄輿亭以寄身翠軟紅柔孰非可樂顧乃淡素
白雲而獨爲之怡情耶童子曰樂涉於僮同者夢蕉襲
石之見事出於特異者馮虛遺世之心吾主以白雲者
陰陽奇氣山岳精英玉質金輝堆崖拂袖脫洗塵俗氣
象萬千疊閣層樓不煩模寫之圖畫舞風弄月不費招
呼之可人如困如輪掃春黛也如蓋如掌點夏峰也巧
飛銀漢白雲秋露也梅雪交魂白雲冬曉也白雲朝兮
穿友猿之蕙帳白雲暮兮挂引鶴之疎楞舒卷隨時鼓

登壇之詩將往來適意縱旋凱之棋兵四達無塵一榻
千金顧彼臨春結綸會不滿乎一晒紙屏石枕嘗夢破
乎三生飄瓦浮名虛舟宦情龍潛必於淵海鳳隱必於
深林閱典謨而尙友呼喬松以定盟契天人於獨坐付
理亂於不聞院落沈沈礧礧百尋雖懸河貝錦者待官
墻之外望雖濫竽鼓瑟者徒執掌於浮生是蓋淡而不
厭簡而益文雖青雲之騰踏不足以爲貴紫雲之輝耀
不足以爲珍浩浩乎與造物相忘堂堂乎與日月爭明
不知天壤之大何樂可以加此也布衣飄然而笑曰噫

吁嘻美哉景乎古有所謂壺中海上者今物色之矣遂
擊節而歌曰雲淡淡兮縹緲無涯亭隱隱兮悃悃無非
通一徑兮委蛇寄一人兮清嘉彼柏梁建章兮烏足爲
家歌竟長揖請辭童子指之曰此荆藩詹王寄樂處也
布衣駭汗掉臂而走回翔再拜嘆噴以歸恍然心曠而
神怡不覺天淵之勢隔

按此多用通韻
轉韻不可學

國朝 賦 三首

獲神龜賦

原序賦異龜於金沙之濱
疑大若鏡云云疑卽新龜

顧景星

夫何一神龜兮秉玉衡之微芒腹圓穹以象天兮體正

包于北方恣經遊以容與兮迺般辟序搆梁覆白雲之
輪茵兮衛紫跗之著莖極五銖之匪匪兮實千歲之靈
長運轉運而報四時兮目左右而嬾陰陽背平隆以熒
熒兮甲屈折而翕張涵北斗與南辰兮羅五星及八風
維王人之上瑞兮胡見憲于痲鄉僕夫行而獲此兮猥
辱處夫摺囊繫靈物之炫幻兮羌儵存而歎亡遐吉人
之宵兆兮感至誠于神明觀元裳之萃止兮嗣恢台以
旁唐招倕侏與洪厓兮棄鮮裳而上翔拂蜺嬰以螭蛻
兮曾不可序相羊屈崇龜而示異兮神與我序何祥爰

啟匱而籒之兮布筵筭而從橫繇告我以好辭兮曰君
子之餘慶肇斯文之權輿兮象刻畫于倉允丞詩書之
姚煜兮奏周道于繇庚苟菁華之旣竭兮蹇八百而襄
裳與綺繡而鉛鑽兮宜曳尾于塗中彼宋君之大夢兮
曾不免乎剗傷元緒困于諸葛兮暨罹厄乎妖桑蠅干
齡而受繫兮終見蛻于陳王曷若茲之神異兮遞詣無
何有之鄉重曰神式至穀降茲祥兮高精承曜文道昌
兮負乾抱坤理中黃兮高山下澤濤歸藏兮明晦變化
終永臧兮操合太和壽無疆兮

白茅堂集

山居賦

陳之京

湖北州人

罹亂離之瘼煨傷北郭之居焚旣所始之不合乃決志
乎山雲仳倘十載倏忽三春索莫雙影伶仃孤身洵違
俗而寡侶兮匪道高之無隣維時羲馭廻轡斗杓東指
和風紛兮以披青陽豔兮以侈玫瑰袖玉兮蓄薇露藥
見天桃之零落兮對垂楊之旖旎雖山花野卉之無窮
兮其羅生于茅舍疎籬者僅若斯而已矣爾乃新燕相
宅舊燕葺巢擬笙簧之並奏恍姑婦之相嘲若乃鶯心
暴客兀坐假寐裏骨蒼山頽情白水霏霏晨露聒聒荒

鷄當夢覺之初兮憎百舌之利嘴先生日晏強起曉
釐茹蔬凭席而隱几誦風雅之篇什探羲周之奧旨兼
以漁獵取芳汎覽百氏懼目力之將疲乃閉關而節制
旣而掩帙抽韻援毫賦詩緒若春蠶色如死灰慘淡經
營位置敲推或終朝而一字不成或須臾而千言立揮
誰測其工力之所底而與會之所之已而罷杼軸歸澗
淪墮肢體斂精魂旣何思而何慮兮復無構而無營猶
祥堵除徙倚警楹曳杖阡陌緩步跛屐付陰晴於蒼穹
忘理亂於寸心清歌放濁酒斟俯仰堪興往來古今庶

立青期不朽令應浩劫而永貞

天衢逸集

二水亭賦

李為湖山陳家別業刊水張生授經於此

金德嘉 會公

天一生水地中湧亭吐吞沆瀣呼吸滄溟卓爾張幃錦
然挂鈴祖衡瀾泰而織塵絕沐日浴月而百寶生象曰
習坎居之元亨工垂成也喜雨客乍至焉占星躡躡川
花琢崑谷刻楸丹楹凌宵冥臨嶺解之洞酌仿君山于
洞庭方春巢燕徂夏蒺螿雁影秋羃虹藏冬攬非魚而
知魚之樂好鶴而使鶴若丁暇可洗耳清斯濯纓充庖
祇用垂釣果腹無勞挈瓶掛謝稚穢坐爾妙婢遲披鏡

之逸叟邀鼓瑟序湘靈爾乃拭素几對中冷鬚眉說爽
襟帶餘馨傳福玉川諸椀注完桑苧一經琴韻雅操劍
試新硯似得漳河之瓦疑浮泗上之磐叶濤浩浩而无
息木忻忻以向榮松檀檜柏楸桂蓼蒹杏榆杜蘅辛月
在隴芙蓉稱城桃葉梅根並價姚黃魏紫齊名迭茁迭
秀或從或橫鸞嶼鷗嶼蒲汀柳汀沱無馬人蟹戶汜有
鹿柴駢耕闢鴨疊檻飲牛均泓寶朋灑翰童冠揚船鼓
柁青林才三舍牽纜赤壁可二程榻敞仲舉北牖詞指
茂先西京若上已流觴晻盞似江心古寺砒碎虎臥龍

跳聯卷軸官袍畫舫及郊垌斯斬春之壯觀而藝圃之
鴻聲也亂曰長壽遠眺何濛濛叶今來何迅邁去何終
叶今張融郭璞一海一江兮混茫大手疇匹雙兮電戰
雷奔滙此亭叶兮鯨魂龍魄將毋升叶今踏瑤階酌桂
漿兮若有人奉予觴兮含宮吐角激徵清叶今碧鷄黃
鵠俱翺翔兮居業齋集

詩

唐古今體詩

十三首
五言古一首

州刺史座右詩諸州同

元宗

眷言思共理鑑古想維良猶與此推擇聲績著周行賢
能既俟進黎庶實許康視人當如子愛人亦如傷講學
試諦論阡陌勸耕桑虛譽不可飾清知不可忘永民迹
易見安貞德自彰訟獄必以情教民實有常恤澤且存
老撫弱復綴強勉哉各祗命體予眷萬方

七言古一首

謝鄭公惠簞

韓愈退之

新州箇竹天下知鄭君所寶尤環奇攜來賞畫不得臥

一府爭看黃琉璃體堅色淨又藏節備眼凝情無暇疵
法曹貧賤眾所易腰腹空大何能爲自從五月暑溽
如坐深甌遭蒸炊手摩袖拂心語日漫膚多汗眞相宜
日暮歸來獨惆悵有買直欲傾家資誰謂故人知我意
卷送八尺含風漸呼奴掃地展未了光彩照羅綺童兒
青蠅倒翅蚤虱避肅肅疑有清飈吹側身耐寢百疾愈
却願天日常炎曦明珠清玉不足報贈余相好無休時

昌黎集

七言律

五首

寄勸春李使君播

白居易

樂天

下車書奏龔黃績動筆詩傳鮑謝風江郡謳吟誇杜母
洛城歡飲會車公留愁春盡梅花裏筆冷秋生薤葉中
不道新州歌酒少使君雅興與誰同

白氏長慶集

送新春李使君赴郡

白居易

可憐官職好文詞五十專城未是遲曉日鏡前無白髮
春風門外有紅旗郡中無處堪攜酒席上誰人解和詩
惟共交情開口笑知君不及洛陽時

送新州李郎中赴任

劉禹錫

楚關蕪水路非賒東望雲山日夕嘉蕪葉照人星夏節
松花滿椀試新茶樓中飲興因明月江上詩情爲曉霞
此地交情長引領早將元鬢到京華

齊得集

送蕪州裴員外

李山甫

正作南宮第一人暫隨霓旆愴離羣曉從闕下辭天子
春向江頭待使君五馬尙迷青瑣路雙魚猶惹翠蘭芬
明朝無路尋歸處禁樹參差隔紫雲

前題

羅隱

一枝仙桂最先春瀟灑高辭九陌塵兩晉家聲須有至

六朝文雅別無人榮驅豹尾拋同輩貴上螭頭見近臣

蕪水蒼生莫相羨早看歸去掌絲綸

義山集

五言排律 三首

九江口南濟北接蕪春南與潯陽岸 蘇味道

江路一悠哉滔滔九派來遠潭潭似霧前浦沸成雷鱗
介多潛有漁商幾泝洄風搖蜀柿下日照楚萍開近漱
溢城曲斜吹蠶澤隈錫龜猶入貢浮獸罷爲災津吏揮
橈疾郵童整傳催歸心詎可問爲是落潮迴

寄單與元九

白居易

笛竹出新春霜刀劈翠筠織成雙文篔簹寄與獨眠人捲
作筒中信舒爲席上珍滑如鋪蕪葉冷似臥龍鱗清潤
宜成露鮮華不似塵通州炎熱地此物最關身

自氏長
廣集

酬白樂天寄新州篔

元微之

新篔未經春君先拭翠筠知爲熱時物預與瘴中人碾
玉連心潤編牙小片珍霜凝背汗簡水透碧遊鱗水魄
輕涵黛琉璃薄帶塵夢成傷冷滑驚臥老龍身

元氏長
廣集

七言絕句 三首

洛中春末送杜錄事赴新州

劉禹錫

樽前花下長相見明日忽爲千里人君過午橋回首望
洛陽猶自有殘春

了頭山

施 逵

何不梳粧嫁去休常教人喚作了頭只因不信良媒說
航閣千秋與萬秋

蘄州行營作

戴叔倫

蘄水城西向北看桃花落盡柳花殘朱旗半捲山川小
白馬連嘶草樹寒

切公集

宋

古今體詩
二十二首

五言古

咏張牧之竹溪

林敏修

子來州人

幽閒古城陰結屋清溪曲溪流堪回映上有青青竹澗
即欣得之綠髮蘇空谷高風及前修勝趣隨遠矚惡客
徒擾人立談非我欲麾去盜汝眼眞意聊自足或言不
當耳往往相誇譏蒼云豈吾私恐作林泉辱源流別涇
涓臭味同草木肯當百事勝容此一物俗獨餘稻阮輩
蕩藥戒臣僕濁醪灑占胸日沒還秉燭僕忝瓜葛後意
氣頗相屬平生幾兩屐共老三徑菊行年事無定此計

諾已宿徑須買牛衣問亦荷書麓從子竹間遊溪魚剝

寒玉 無思集

龍眼磯

陳造

唐卿

誰謂石一拳不作江流磯朝來揚帆西瞥若躡屣塊龍
眼風水磯培塿視華岱似開黃潦時亦復鼓滿匯盤去
本不難奇巧禹所愛其上嘉樹密其側魚網曬居惟羨
漁鄉復欲老犢背西歸倘得此庸敵七里灘 江州長翁集

泊蘄州城下晚思

董嗣杲

日落烏雀下笛聲起譙樓舟泊倦歌枕枕此秋江頭寸

心積萬慮浪寄非久留
新新雉堞壯環塹柳影稠
城中酒旗飛窈窕吳姬謳
風濤何凄然抑揚逸難傳
往時聞黃茅今此委青油
香凝燕寢晚喜見鴻葉秋
鏡月照容衣苦觸聽砧愁
夜深不敢語我吟月解不
月落不旋踵雲過江聲浮
逗晚入城步將詩叩郡侯

廬山集

七言古

寄靳簞與蒲傳正

蘇軾子瞻

蘭溪美箭不成笛離離玉節排霜春
千絲萬縷自生風
入手未開先慘慄公家列屋閒蛾眉
珠簾不動花陰移

霧帳銀牀初破睡牙籤玉局坐談棋
東坡病叟長羈旅
凍餓饑吟似饑鼠倚賴春風洗破衾
一夜雪寒披故絮
火冷燈青誰復知孤舟兒女自嗷嗷
黃天何時及災異
媿此八尺黃琉璃願公淨掃清香閣
臥聽風濤聲滿榻
習習還從兩腋生請公乘此朝閭闔

東坡集

寄吳德仁兼簡陳季常

蘇軾

東坡先生無一錢十年家火燒丹鉛
黃金可成河可塞
只有霜鬢無由元龍邱居士亦可憐
談空說有夜不眠
忽聞河東獅子吼拄杖落手心茫然
誰似濮陽公子賢

飲酒食肉自得仙平生寓物不留物在家學得忘家禪
門前罷亞十頃田清溪繞屋花連天溪堂醉臥呼不醒
落花如雪春風顛我遊蘭溪訪清泉已辨布鞋行青蹊
嵇山不是無賀老我自典盡回酒船恨我不識元魯山
恨君不識顏平原銅陀陌上會相見握手一笑三千年

牧牛謠

謝童子

童子謝姓新州人少撰慨十歲不能
言父母條之令牧牛一日忽歌云

可若何遠遠騎牛下淺坡長笛一聲鳴也清歌一曲無
多楚風補

五言律

送俞尚寺丞知蘄春縣

梅聖俞

應見言風物於今有貢虵潛踪遠雷頭飲露上蒹葭清
潔一如此傷殘都莫嗟君惟修職業男未女織車

蘄州厲使君七夕祈雨

戴石屏

樽酒忘佳節衣冠肅黃庭爲民祈一雨何暇賞雙星五
馬無慙德三龍合傲靈前山好雲氣早已動雷霆

泊蘄口泛月湖中

陸游放翁

炎天倦長路月夕泛平湖晃漾披銀闕清寒住玉壺釣

絲繁藻荇蓬艇入菰蒲自別蜻蜓浦斯遊十載無

劍南集

舟泊蘄城下

董嗣杲

秋蕪埋戍雨暮菽捲隳風禦海弓刀利湯威鼓角雄雲
連淮樹暗月透漢宮空振柁資遐眺興衰自古同

廬山集

過鴻宿洲作

劉子澄

洲名號鴻宿流徙合來居淮郡侵江密人煙罩水疎無

山供筍竹有港便鱸魚壯士休營業擒胡返故廬

玉淵吟稿

和秦壽之蘄春驛漫月軒詩

王之道

千山初過雨萬嶺不鳴風寶鑑沈寒水冰臺上太空竹

梢低蘸碧楓葉冷浮紅終欲金沙去經營一畝官

相山集

七言律

謝劉本玉先生惠簟

王學

南朝箇竹蘄爲良織成文簟琉璃黃舊時正爾冷如鐵

此君無奈寒如霜山齋溽暑正六月野人清夢迷三湘

卷舒隨分且藏節作詩爲報劉中央

和秀野蘄簟之句

朱嘉
元晦

使君兩鬢尙青青學道仍拋後院笙溽暑快眠知簟好
晚涼徐覺喜詩成人從蘄水當年寄句比韓公此日清

坐對更深誰是伴惟應闕月共長庚

陽春集

蕪州早起

楊時一作魏

城頭雷動角聲哀似共行人怨落梅欲報長城梁未熟
喚回殘夢眼慵開霜清暗覺貂裘冷月淡空令犬吠催
倚杖起肩風正烈不堪嘶馬重徘徊

送彌仲性赴蕪州

李洪

中興岳牧任詞人分虎初斑楚澤春四紀才名文價重
一麾江海璽書新眷深丹旆虛前席祖憶黃梅試問津
政事寧須外庸訖遙歸清禁掌絲綸

芸菴類編

聞何立可大李茂欽誠計

劉克莊潛夫

初聞邊報暗吞聲想見登譙與激爭世俗今猶疑許遠
君王原未識眞卿傷心百口同臨穴擊日孤城絕救兵
多少虎臣提將印誰知戰死是書生

後村集

和吳仲庶寄吳瑛比部道安之子壯年致仕歸隱蕪

春

司馬光君實

負母承親願已賒遺母憂服恥隨雞鶩啄泥沙一朝投
綬良高士萬卷藏書舊世家齒髮未衰非藥物山林不
返爲雪覆雁眉尚有郎潛者狗祿憂生直可嗟

傅家集

七言絕句 四首

寄夏倪

林敏功 子仁州人

嘗憶他年接緒餘，饒三落拓我迂疎。
溪橋幾換風前柳，僧壁猶留醉後書。
見呂紫微詩話

贈斬篋與潞公

范純仁 堯夫

雙文封卷如筒小，六月鋪張滿榻寒。
曾是吐茵狂醉客，敢塵齋閣助清歡。
范忠宣集

涵輝閣

郭祥正

天垂星斗數尋近，地捲雲山千里來。
冰壺倒影露華淨

玉質浴雪蟾光類

白巖寺石刻

無名氏

金駮重重錦動風，六龍飛入碧雲中。
晚來落盡山前雨，人惜僧房鶴借松

元 古今體

五首

五言古

望蕪州

楊基 孟載蜀人

未見蕪州城，已見蕪州山。
諸山初不高，蒼石彌且頑。
想當至正時，民物庶以繁。
大江從西來，萬里不閉關。
茲山

獨儲英羣雄出其間遂爲禍亂階滋蔓莫可芟憶我聞
亂初我方總兩鬢侍立父祖傍聽說國步艱焉知三十
年見此董與管骨肉亦已零安得髮不斑披榛欲弔古
豺虎愴我顏蒼茫望茅宇日落孤舟還

五言律

宿蘄陽驛

幹克莊

夜宿蘄陽驛漏聲已慣聽擁衾裁短句屈指數殘更世
慮如山重身謀似葉輕不堪天外雁急作兩三聲
蘄州城下晚泊與土人語及四方事平有喜而作

范梈

野濶秋無際天空夕始涼漁舟下浦急畚火入雲長洲
遠懷鸚鵡山危指鳳凰戍人新歛甲垂手幸時康

德機集

七言律

四見亭

幹克莊

前朝亭廢野蕪侵夏日躋攀試眺吟楚地寒煙青嶂遠
漢江秋水碧流深連城阡陌桑麻藹負郭人家竹葉森
千載麒麟山下路不知遊客幾登臨

前題

觀音奴

臥麟山前江水平臥麟山下草如茵山雲山樹幾時好
江水江花顏色新長江西來流不盡東到滄海無回津
我欲登臨問興廢今時不見古時人

明古今體詩

五十二首

五言古

樊山王東園宴集

吳國倫

明興國

涉江采秋蘭江路阻且遙豈情行路苦恐雜艾與蕭美
入眷同臭解佩行相招歡言展高宴綺閣開層霄奇卉
榮以繁修篁夾飛橋潛魚躍華池翔禽屬神鷗明盤進

嘉惜瓊卮瀉甘醪吳歎變初節楚舞何妖嬈泉賓起爲
壽賤子申久要絃以大雅音結以青霞標庶幾永終譽
千齡無松喬

鮑暉洞稿

題人壁柬友夏

譚元春

袁素亮

騎馬擁歡眠遂有專儂意粗知好浮名向儂求姓字姓
字却不言但與譚郎好遣人問譚郎悟儂非草草

七言古

環翠亭

高

啟

季道長州

環翠亭開紫霞裏更掖麟峰拜雉水千崖秀色傍窗浮

萬壑濤聲從座起，煙消日出天溶溶。
玉壺倒插金芙蓉，鉤簾相對坐長夏。
灑然冰雪生心胸。

新州竹簟歌

郭鳳儀 舜符祥符

齊安上瘠百不宜，斬春竹箭生獨奇。
疎節洞幹真煙霧，色參碧玉多華滋。
尤物自合神理惜，良工競采含苞枝。
欲矜意匠誇能手，苦灌江漢曝朝曦。
幾經折縷等薤葉，一加織組同縑絲。
就中巧思誰更識，藏倪績斷渾不知。
綢繆但見雙文密，摩挲驚嘆眼還迷。
蛟人夜村翦綉綺，游魚吹浪搖文漪。
已聞滑溜能什雞，更笑苦滯啼痴兒。

稀有價重錦繡段，展舒光映黃琉璃。
三疊九折柔耐卷，八尺半握行堪隨。
五月毒熱氣如炊，嗚呼舍爾吾何支。
匡牀石枕夢亦爽，翛然似過清秋時。
覺來涼意侵人肌，只疑流汗翻成澌。
簟乎篔乎願爾化爲太平之衽席，使吾民寧一安寢常如斯。

瀨湖李先生見訪之夕，卽仙師上昇時也。尋出所校

定本草求叙戲贈之

王世貞 身洲太倉

李叟維稍直塘樹，便視仙良跨鶴去。
却出古藤州後書，似求元宴先生序。
華陽真逸臨欲仙，說註本草遲十年。

何如但付賢郎馬羊角橫搏上九天

君有子爲馬中名
命故名 余測稿

悲高山詩

楊晉

高山郵舍也距廣濟三十里崇正丙子冬設險高山廣濟尉魏時光以鄉兵守之賊初不敢度相持旬日尉夜襲賊有功翌朝賊大至尉馬斃斷彼執不屈死

殺氣障天天不雨中原自盡驅豺虎無賴少年將莫武
擁尉登壇建旗鼓尉也膽氣本粗豪百金市馬如人高
馬上結束青絲縹左右馳擊雙寶刀舉旗斬將不足數
眇視秦寇同鴻毛軍中昨夜傳飛箭鐵騎西來亂如霞

不聞犄角有何營獨引鄉兵當一面健兒身手等閑強
矢石未交先怯戰取寡相持大不如支吾日久情形見
尉也膽氣真絕人夜叩學門惟一身歸來笑擲人頭臥
不知禍福如轉輪亂流馬嘶侵曉渡高山遙望寧知數
竹筒一吹已會圍塞斷孤軍歸去路此時拔劍怒衝冠
翻身上馬笑圍看黃巾赤眉有羽翼有將無兵勢難測
兜牟脫處戰猶酣鞞帶斷時死不得可憐壯士在垓心
援兵望絕無消息高牙大纛坐城中薄祿微官死山側
朝廷有事須將才豈復下僚多屈抑高山烽火繞忠魂

爲爾悲歌淚沾臆

蘇民謠四首

王廷相

儀封人

有瓦者艾生我土七年之病得者愈五內失調邪作玉
富貴耽慾乃自取艾纒有靈將奚補我欲言之上官怒

右斷艾

龜背生毛絳的的大如錢貴如壁養來盆中水凝碧細
人之玩有何益

右斷龜

白花蛇誰教爾能辟風邪上司索爾急如火州中大夫
只逼我一時不得皮肉破積谷如巴陵殺爾種類絕白

花生不生福胎滅

右斬蛇

龍鬚作席光電電暑眠不及蘇陽尊涼如冰滑如藤一

簞幾工能織成官府取之只一聲有價無價誰致爭王氏

家藏

右斬尊

五言律

曉發蘇州

李東陽

某陵人

城曉遲吹角高雲濕未開驚波風不定危石岸將頽青

人無窮草黃低欲墮梅江湖苦留滯遊宦恥凡材懷麓堂集

坐蘇州西河驛

顧璘

上元人

衰年重作宦入楚問民風豈謂山川異遠嗟杼軸空官
常存國典惠澤自皇躬千里旬宣寄安危仗數公

白雲深處

蔡潮霞山

瑞靄浮仙苑悠悠別一寰春陰琴柱潤風靜鶴聲閑舒
卷心應似登臨興未慳玉窗清夜夢元不到巫山

答富順王

朱厚焜
二首選一

王廷陳

稚欽
黃岡

帝室分封重王孫別館開禮於南嶽敵客比小山才爲
善心知樂通親表自裁雄風雖可抱何日侍蘭臺

寄上富順王

王廷陳

南國諸王館池亭獨有名楚風蘋末動淮月桂叢明中
物醒先析當天暈已生無令爲善樂專美漢東平

題浮玉亭

吳國倫

石扼中流險亭當一柱支河山懸震盪日月莽推移岸
樹微茫出風帆上下馳望中吳楚盡秋色最堪持

蘇軾
洞稿

舟次蘄春避暑法勝寺顧大參子承按察子良董司

理友仲易州牧子田攜具見訪

吳國倫

梵宇千門遶僧房一鑑幽艇分蓮葉出軒抱水雲流疑
結逃禪會何當載酒遊却疑陶令醉三笑虎谿頭

龍眼磯

吳國倫

片石亂流中巍然抗佛宮
諸天龍樹表萬象蜃樓空
花雨都成雪濤驚不爲風
孤僧容膝處應與海門通

蕪春江上謁禹廟

吳國倫

山遶鴻沙曲城憑鳳嶺
孤古祠銜絕磴飛浪灑
平蕪萬里來江漢
千門過舳艫可知神禹蹟
浩蕩古來無

宿玉泉寺寄顧日巖

陳仁近

孟州人

元宴一生病幽棲百丈陵
無錢金井客有髮玉泉僧
鳥篆教皇字螢分照佛燈
湖山千里外寥落幾良朋

應州鳴集

過湖上舊館

盧如鼎

吳州人

偶然趁春晴閒攜湖上行
山樵隨意問茅舍幾番更
鳥似曾相識花如舊有情
壯懷空際倒祇自怪浮生

結屋山中

盧如鼎

身閒成野癖地遠絕囂氛
池靜生寒月山空臥白雲
栽花聊作伴近鹿喜爲羣
幸少浮名利荷衣可不焚

七言律

東山寺

朱厚焜

富順王

平湖漠漠接平沙
芳草青青沒燒涯
着雨小桃紅錦濕

受風新柳翠絲斜
牆頭過酒情偏
慙馬上啣杯與轉
賒更把東城比東郭
每逢春日欲移家

東郭集

前題

張袞

江陰人

鷺嶺逶迤俯碧沙
鶴林風色浩無涯
門荒老樹昏鴉集
歲晚寒江落雁斜
地盡三吳蒼雨濕
山傳五祖白雲賒
城中奕奕王孫地
誰問湖田百姓家

前題

戚昂

金華人

湖光晃漾臨蕭寺
十里荷花散綺霞
遠浦笙簫仙客舫
小山松竹野人家
堆盤永果清堪掬
入饌江魚味總嘉

戀闕有懷雙眼潤
五雲縹緲隔天涯

新州江中怪石

李東陽

峯兀山坡抱此州
江間怪石擁戈矛
隨波草樹愁空際
駭浪蛟龍却避流
豈有岩堯能砥柱
祇多衝突向行舟
憑誰一試君山手
月落江平萬壑秋

懷麓堂集

法勝寺

盧澥

天台人

坐我官州正午陰
豁然乘興此禪林
可憐靈谷真鶻眼
聊對天花一賞心
沙鳥樹邊煙瑟瑟
玉梅閣處月深深
莫緣芳草頻羈思
萬古青山只古音

四節祠

王

儼 寶雲州人

百年正氣激飛湍，
眼難消血淚，乾一爐煙埋骸骨冷。
八溟風灑鬢毛寒，
心存社稷應難死，
夢擾魚龍苦未安。
酬酒臨江頻觸目，
征雲猶鎖樹光團。

前題

高

鵬 南崖州人

鑿舟應不愧江湍，
罵賊同心口未乾。
幾回水聲猶帶恨，
城頭山色尙凝寒。
不緣平日識先定，
爭得臨時死亦安。
羞殺奸諛在何處，
四侯祠上月團圓。

仙人臺

郝守正

湖北人

每到山中訪二仙，
仙童仙洞尙依然。
巖隈靈藥應千種，
石罅喬松已萬年。
苔蘚厓前留幻跡，
藤蘿雲外隱諸天。
兩丸日月移朝暮，
陵谷出來幾變遷。

奉答樊山王

朱載堉

吳國倫

老病龍鍾臥北園，
思君何日奉清言。
眞風好與神仙近，
雅道誰如帝子尊。
石上彩雲流錦席，
松間白鶴引華軒。
平臺授簡多賓從，
不必狂生更在門。

饒 宛洞稿

奉寄顧子良副憲子良期過訪予三年不至但時時
勉予學道因寄此詩

吳國倫

一水盈盈河漢遙空中鸞鶴似堪招
循溪易返山陰棹
鞭石難成海上橋
學道豈應妨老大
藏真只合混漁樵
乾坤萬事捐都盡
白日看君羽翼驕

寓新州示諸生

沈鍾陵人

新州雄跨楚江頭
隔岸羣峯紫翠浮
文事因仍延信宿
春光迫逐縱遨遊
懷鄉魚雁常違約
弔古風雲亦解愁
擬就滄浪歌一曲
媿將軒冕對沙鷗

過新州冬至

毛伯溫吉水人

年年冬至未能歸
悵望孤雲天際飛
上國衣冠朝會遠

故鄉戎馬信音稀
蒼生到處關休戚
青史他年有是非
獨坐窮愁隨日長
柏臺消晝掩重扉

菩提寺

毛伯溫

三過野寺兩停驂
王事馳驅苦不堪
石磴清風驅落葉
竹林斜日靜寒潭
似曾識面鳩頻喚
如有羞容花半含
試問寺僧今幾許
何人能唱望江南

新城值雨

陳溱濟寧州人

天意含愁不放晴
鴻洲煙雨暗新城
江邊蘆葦忠臣憤
湖上松楸孝子情
龜鶴何年開壽域
鳳麟千古應文明

傷心龍眼磯頭水也爲英雄帶恨聲

獨醉稿

江山清趣亭

富 珏 會稽人

鳳凰山下水流東亭下青山四望同
春樹鳥啼屏幃裏夕陽人在畫圖中
松風清爽生孤榻花雨繽紛落半空
待得公餘無俗事南薰一曲奏絲桐

遊白巖寺

楊 清 州牧

共說廬山天下高誰知此嶺直摩霄
三十六淵水連渡一百八聲鐘細敲
山果熟時猿在樹佛燈明處唵冲霄
也知老衲通三昧舍利光騰萬丈豪

夜月池

朱 紳 州人

清池半詠浸寒蟾消長盈虧景亦兼
玉鏡影搖雲母帳金鉤光映水晶簾
漁翁舉釣情偏逸翫客傳觴興轉添
天道信知元有數升沈端的不須占

鴻洲煙雨

朱 紳

一片平沙二水通幾翻煙雨亂長空
樹籠野色千林暗山隱風光兩岸同
沙鳥飛翔濃淡裏風帆搖颺有無中
待看海上金烏出一掃層陰萬境融

煙霏樓

顧 闕 桂巖州人

濃濃淡淡起天涯
縹緲眼前原作來親橫復斜雲母屏風低
映戶青絲步帳漫籠花
細繡造化憑誰判
早晚陰晴恐認差
分付豐隆收拾起
好教日月吐光華

竹塘

陳仁近

不將長策射楓宸
閒向池邊種綠筠
筠風捲銀花營百
日篩金屑走羣鱗
蒲攢紫筍雲橫塔
籙閣青萍錦蹙茵
共約明朝參玉版
何須煮餈怪吳人
應明鳴集

春日元舉君鉉見訪西窗雨湖館

李

樸黃甫州人

齋居無伴憶停雲
忽漫相過笑語聞
花事半殘春欲暮

壺漿頻促酒初醺
樓頭徙倚蟬聲滿
檻外空濛煙霧紛
一水盈盈愁對暗
雷連深夜惜離羣
存竹稿

登浮玉磯

鄒志隆蘭陵人

石閣凌虛勢欲飛
江沙積玉動浮磯
平分堞雉當軒出
遙帶舳舻入檻依
白社未招心亦醉
青山有分願非違
使君好速風流事
赤壁移來在水沂

過齊昌登浮玉磯

官應震

陽谷黃岡

萬頃茫茫片石浮
孤亭獨障大江流
月明有影鯨鯢懼
風吼無心波浪休
吳楚兩分天堦在
衡廬一望帝鄉收

斜陽不盡登臨興，遲我重來作賦秋。

登文昌閣

吳亮嗣 明仲梅川

文昌高閣倚層巔，閣外江流小百川。
千頃澄波搖素練，一方寒玉鎖晴煙。
根盤盤極疑無地，勢接龍門別有天。
天爲斯文培命脈，棠陰南國自年年。

贈錢受之

袁素亮

招我皮冠意已疎，須君牀上廣何如。
自存天素非忘物，聊爲中原苦讀書。
世界蓮花共履屐，工夫楷樹著燕窩。
智雖不用何能腐，留待浮雲竟有餘。

癸未挈家避地鴻宿洲，旋上西塞作

顧天錫 重州人

鬢斑之鏡白羞髣，摸破青衫已上藍。
人竄萬山誰告語，燕巢春樹枉呢喃。
孤城師旅烽加劇，盛饌將軍酒正酣。
河上逍遙渾故事，先機媿我未通南。

詩文韮卷

文昌閣

石崑玉 楚陽黃梅

綺閣中流踞石岡，巍然上接斗魁芒。
臨階學字池紋遠，倚檻加冠鏡影長。
賦月波心人授簡，吟風渡口客收航。
只疑天祿然藜處，少此薰葭水一方。

七言絕句

送蕭使君奇擢守新州

王世懋太倉人

十載誰憐國士心一官吳楚任浮沈積薪莫自疑懷璧
剖竹猶堪問賜金

山中吟

顧問日嚴州人

山中名器一簑衣帶月和雲著得歸借問先生何品秩
上農夫也是耶非

送三弟稚隆入吳省兄

李樸

青山兩岸墜丹時風冷江門送別離肯借尊前同此醉
帆開咫尺是天涯存寄稿

新州志卷之二十一

知新州事嶺西封蔚初纂修

藝文志

詩

國朝古今體詩二百四十三首

五言古二十八首

詠高士吳瑛

顧景星

伯仁起齋郎簽書黃州守入爲虞部員挂冠方黑首臨
流獨長嘯種竹還漉酒歡笑迎嘉賓絕口不減石青瓊

就盜乞力田門生耦不顧尙書期鵬冠狎鄰燬世遠言
亦溷著述曾不有高躅畱史篇芳名僅身後

白茅堂集

詠高士林敏功敏修

顧景星

松坡節氣士少小負學術一舉偶見遺塞門卽弗出經
通郭子橫名比皇甫謚隱處非盜聲率性不就辟子來
實愛弟豹席共牀筆湮沒無思篇零落蒙山集立言期
不朽傳後豈難必所望賢達人名山拾遺佚

酬蕭霽

顧景星

之子志我同端居媚幽獨樂從大賢遊久謝時人目

雨山中來竹梢低入屋鳴寔寂不聞聞向東齋讀濁酒
時復斟高筒頻折牘一日凡幾回蛩音滿空谷

棲來店

有序

顧景星

石城徐公子星昔在山左招徠真集漸成市塵士入德
之呼徐公店茲守楚駑斬於四郭隙地各建舍十間名
曰棲來行旅乃得休止詩以紀之

伏莽旣以平大江亦以清舊時荆榛地更有行人行山
川故窺突寇攘仍縱橫落日怖商賈淒風悲遠征懸禮
市門閉城上哀笳鳴一擔立四顧但有鴉鳥聲官櫺久

詩

不設負戴何憚憚一物不得所憫惻仁者情緒哀寄牛
屋土龍眠古塋安知歧路泣不有狂阮生公昔駐山左
二載德教明荒涂聚市肆廬宿無流垢楚俗最蕪陋茅
竹支椽桁虎狼一斷道伐屋登空城杜陵思廣厦虛願
終何成如君事實政永宜良牧程

答康伯問字說

顧景星

斯文義軒後微義竟誰紹智哲識其情道象存理要流
傳有淫體臆說恣攻剝瑣碎雖百家無能救沈瀝鼎鑿
各異狀鼓篆亦難校沿襲誤後學徒然痛先覺六書非

細事宜洩扶道妙囊括二儀間津梁五經奧我勞夫如
何十載心力耗變通固無方苦辯非執拘學官會有時
覆譏君豈料庶幾桓譚知不惜劉歆笑兒童干祿椽腐
墜兔園鈔規矩表高曾筮幡轉相告老眼因昏花研精
矢期菴莫怪和者稀陽春本孤調

鈞鋤潭

今名流馬潭

顧景星

長河自西北曲注仍東馳發源司空山萬壑爭奔嘶兩
崖忽開展水行得歸依到此若無力十里平風漪深沈
百尺潭色勝青玻璃巨魚不受網窟穴安能知甘霖應

祈禱雲氣初如絲委蛇金龍子色變十二時土人爲余
說漢祖行軍奇出征九江王洗馬曾於斯神龍遂來合
遺種畱今茲訛傳信鄙謬此實藏蛟虺洪流轉木石澹
茫無改移深潛不害物意若全幽姿雲中望天在泚水
尤遠隨圖經莫能悉靈境典追思

山僧說靈虬茶

顧景星

四野寂無人明月照高樹僧來賣茶約且向蕭齋住長
瓶貯春雨焙盞傳陸羽身上木蘭衣猶帶山中霧靈芽
清土福盤曲來烏路千歲寶掌翁門徒始焙作鳳棲山

下水久付靈鷲汚煩師一卓錫漢漏須復故虎跑持地
與龍井伽藍護神異倘再開還能覩仙姬

上已步湖村

李炳然

久不到南湖彎環僻若此豔豔花匝樹碌碌石淬齒透
進凡幾曲屋隱茅茨裏莫是武陵人依舊桃花水石林
高復下坐客箕或倚稚耆少扳援貴賤一我爾問我來
何所大笑稱上已雞犬與爲鄰邱壑趣猶美得魚卽易
酒臨淵盍洗耳直待菡萏香還來劈蓮子

江麓堂集

秋日石璠生爲璘攜飯遊遊如是菴 李炳然

西瀨崢嶸光今日固如是明日復何如恐虛林壑美生
涯看黃葉損益隨秋水靜款幽人扉高凭北郭几嵐氣
奔不歇湖心澹若此天應躡殷雷蓮心散增肥掃開若
竹影妙發醜翻理香稻飯青菰筐蔬點蒼耳與義衍三
車清詞辯四始交臂採芙蓉何必貝多子

從家人訊知里中故居近狀

盧絃

故里臨江浙人當寇殘餘休息十年來疾苦尙未舒非
無仁明長蠹痼堅莫除水則勞舟楫陸尤困稅糶奔走
服徒役終歲少安廬官錢不可問兼歛奉狼胥形枯骨

僅存索盡囊無儲欲脫此鄉去茫茫何所如呼籲不得
聞蟠固難間疎吁嗟此子遺仰首空躊躇余久宦遠方
聞之生長嗟不顧所忌諱憤貽長官書幸邀聽轉環夙
癸一朝祛役仍出官催大額復其初從此獲寧止咸遂
樂土居遠閑忽興躍願頌循良譽懞瑟盜盡張改絃姑
與徐屈指二三年生聚盈郊滯余亦當倦遊欣然返音

廬

四照堂集按廬
韻復疑作故墟

新州盧氏殉難始末

周茂源 雲間人

伊昔新黃間寇禍最慘烈官兵爲先驅貪旨同饕餮賊

從上游來萬竈化魚鼈盧公偉丈夫嬰城誓死節賊眾
如蟻附交衝徧流血骨肉相因依一朝半屠滅公當瀕
死餘拒賊氣勇決登陴最健兒曠日皆爲裂畿關條焉
摧鏃矢亦告竭逢掖長賤貧與城共存沒長公聞道歸
遺骸褻衰經負土瘞舊阡殉難叙始末或死或竄亡歷
數多嗚咽烈婦楊與袁大義明霜雪揚爲紱也妻紱去
成永別白投燎火中珠胎並燔熱袁也歸震初堅貞儼
積鐵從容拜姑嫜溺井求蠲潔漆簡與丹旌采風宜首
烈夫何金鏡淪幽光殊未徹純孝揚合名孤忠欽贊哲
况乃黃鵠操挺然不可折庶幾楚倚相紀美無遺缺
筆愧如椽奚庸表碑碣

頌楊袁兩孺人節烈

張錫懌

蹈火既不易赴井良獨難先後何從容雙烈稱二難至
今趙州側火燼血猶丹化爲祝融峰攜母俯千盤貞魂
干氣象白虹貫井餘化爲三峽水抱子激危湍慘死未
及旌慨焉推心肝國史幸有紀能令白日寒

策山行

張士淑

危巒瀛空起壁古長箐篠里中數土姓相依共昏曉家

舍平林西雲樹可數眺豈不懷田廬四對飛旌旄鄰伴
約夜歸路黑山月小谷靜發空響騰怯驚鳴嚙到家夜
過半月落荒村宿生業各蕩廢頽垣鷺蘿薦破屋疎星
大照我天漢表時聞虎豹嗥更見蛛蠅繞雖是舊所居
不敢久停遶嘆息出門去覓徑登林杪安得天下盜賊
盡歸農令我笑數青峰臥亭沼

雲溪雜著

雨中訪顧赤方

二首選一

張仁熙

長川人

日夕大江流江聲莽回互
斬陽萬古心旅客愁無數
高士亦城居茆屋幽難遇
著書二十年草長門前路
相見

亦何深抵學生煙霧論詩數百篇
一一兼秋雨豈惜酒

杯長展轉彌清素

藕灣集

過蕪春懷顧黃公

陳大章

黃岡人

徵君瀟灑姿搖筆富文藻弱冠充王賓時論推國寶
激昂世務書匍匐兩京道志大徒次且時危久枯槁
高揖辭風塵閉戶狎魚鳥經傳毛鄭宗學比崔蔡老
一尺白茅堂樸質謝雕巧晚就蒲輪徵東縛難爲好
王式本來臺修節彌皎依然奪牛翁歸作采芝皓
六書大義微研精肆幽討上窮皇頡初下逮篆隸
篆籀辨形聲錯

卷二十九
七
綜出要妙善誘物之師博洽時所少伊昔奉微言今來
悲宿草歲月忽已遙風流竟誰紹汶溪下寒江白雲空
浩浩玉照亭詩鈔

寄欽人田十個

萬燦李方黃岡

溯彼清谿水素鱗託蘋藻風日豈不殊榮情惟夙好河
鼓已宵移織機傷顏老天漢望容舫所恨秋霜早攜手
上河梁金玉傾懷抱兩翼忽驚飛抗志凌雲表興酣搖
五岳榮名以為寶隻影誰與同止水空滌倒落葉滿階
庭寒蟬泣秋吳新芳及殘芷臭味分苑橋楚山接燕雲

行行寄長道衣帶日以遠珍重思紆縞

嘯月軒

陳鼎元漢溪州人

昏鴉棲已定幽人忘夜永仰見千尋竹搖動疎星影少
焉東山上金盤光如炯頓令塵土中燦若玻璃鏡緬懷
步兵狂思與蘇門等雖非鸞鳳音或不類龜龜割然草
木震直上此君頂空翠霽林間悠然快獨領半畝園集

半畝園卽景

陳鼎元

四時各有序草木測其端季秋與冬孟辨在微茫間赤
日照高樹霜風薄朱顏昏且髮節候淒然難久安坐我

草堂中綠橘已可攀雙柑下斗酒耳熱有餘歡哀哀芙蓉露秀色眞可餐採菊籬邊去悠然亦見山簷葭正蒼蒼伊人良獨難

曹蕩軒

梓白茅堂集將竟感賦

顧

昌

培山人

和璧不世出剖璞須其人珊瑚結海底網取非柔紉力大用必壯鑒別識乃眞明公賦至性挺特空羣倫東髮事高步老大能親仁生鍾燕吳秀氣壓京華春時維先君子旅臥越烏叩公也獨慨慕意洽如飲醇走馬出殿直攬轡來城闕長語或達暮夜懷難及晨豈惟骨肉愛

竟以膠漆論身今致通顯揚托據要津金閨總羣彥雅志獲見申古人不可沒後哲宜隱淪庀工市棗梨鏤鐫崑嶺新驅珠燦煤墨玉版開瑠璣陳思慟敬禮護惜猶苦辛矧同琪璧觀忍終榛莽潭

中丞宋公許刻不果 栗廬軒集

宮井

荆府雜咏之一

張

喃

子駿州人

禾黍悲故宮荆棘生官井不照綺羅人空拽寒泉縷秋來梧已落冬至桃還冷過此獨潸然興亡良可省

身齋集

喜麥莊至

李生槃

谷友

州人

春風倚竹窗脫帽就暄暖徘徊念故人狂喜臨清館君

言別日多我問來何緩與君向階前花看梅梢滿

兩峯集

白濁江歸陳芳蘅伯仲送至舟中

張溥源

梅川人

天水共瀟清積雪覆洲渚湖遊雙溪幽遙向大江辭
敝廬待我歸安能長羈旅野濤雁聲疎別離良太苦
長揖謝故人脈脈兩無語

陳母行 陳虞部詩之母

喻文蓼

石泉黃梅

鬱鬱千尋松上有太古雪松比人心貞雪比人心潔
一解 嗟哉陳母賢八月爲新婦姑言諸食性夫言善箕帚
二解 天風吹海枯海風吹不住吹起離鸞聲痛泣九泉

路 三解 死夫固有婦新婦固有夫長謝堂上姑甘殉

中夫 四解 阿姑前致詞淚落大小珠有娠纔五月珍重

千金軀 五解 強起語阿姑焉敢惜一死慰夫宗和心且

夕吾曠矣 六解 珠顆好男兒羅薦蘭湯沐嚴風吹寒幃

抱向靈前哭 七解 慈烏生一子哺餒漸成雛典我嫁時

衣購我架上書 八解 讀我架上書還我嫁時衣死夫亦

有婦賢母亦有兒 九解

形廷下

紫誥表爲人母式豈惟人母儀允稱士林師 十解

紅蕉山館詩鈔

新州志

卷三九

詩

高貞女行 字黃立人

陳詩

青青女貞木皎皎心不移斷爲太古琴絃以寡女絲

一解 琴亦不在御絃亦不在拍哀鳴聲鳥女心井中水

二解 井水有時枯女心無時渝再拜辭父母願言養身

姑 三解 身姑前致詞淚落連珠子有婦如此賢吾子良

不死 四解 死者肉已寒生者志益堅卓哉高貞女清風

激愚頑 五解 人稱山人存稿

出唐家山

宋德輝 玉山州人

在山聞泉響出山聞人聲人聲與泉響孰濁孰輕清此

道非天闕五丁開榛荆諸峯屹相對一路傍巖行緩步

無側足路險心自平倏經輿折處往往清風生下有溪

源水流出萬古情雖無蒸蔚氣頗得謝煩營吁嗟山中

人回首白雲橫

倣古體箴讀書亦以自勉

陳紹瑞 湖州人

斯世獨無我權憑造化操聖人不著書終古任寂寥有

書更有我長日肯坐消柳篋無多藏曹倉亦未足入夜

焚蘭膏常將髣髴續行其分所宜何須夫子勗佛書與

仙方咿唔徒艱澀所不憚形勞六經子史集不把此心

死如澆鴨背水不養此心活拘牽守故紙我愛鄭康成
馬帳目不昧我惜王荆公青苗誤周禮

我身處平地仰面見天高更上一層山仍不低分毫蕭
灑武夷頂超然勢崑崙崑崙素華巖羣巖接九霄試一
登其麓依然首可翹自下而觀上層層境若招自上而
觀下無限路迢迢可知自足人終身井中鷓歐公畏後
生劉郎怯題糕想見古人心不吝尤不驕

天地祇一理生出古今人仁義禮智信一一付性真斯
人祇一身肩挑古今事忠孝廉節烈致命以遂志胡爲
能如斯惟恃此心定松寒色轉新竹瘦節彌勁誰敢擬
聖賢求與聖賢近設身立門牆必不遭斥擯世人喜讀
書意重求名令富貴等浮雲窮達聽天命大本能無虧
焉在非傑俊願常守此心賢關當漸進

五言律

八十五首

山居

顧咸泰

思卷州人

別白爲清晝晝閒意轉清香煙紫古篆竹韻走溪聲村
斷煙光接湖遙雲氣生農歌隨岸曲雅俗各怡情

石倉詩補

答王純伯

顯次來韻

顧景星

白日空環堵窮愁未著書野田看射雁春岸指叉魚萍
跡還爲客荷衣亦號儒雖歸故鄉陌終與俗情疎

白茅
堂集

鉛鉤潭

顧景星

遮雲催萬壑起伏更嶙峋百里植梨水千山巖壑吞林
陰著翹翹潭定落星辰瀑漲循河下蛟龍亦有神

豁口

顧景星

野岸泥雞杖江船纜繫斜迎風放桃葉宜雨是梨花流
水東西堰新村入九家兵餘得淳樸漸欲見桑麻

王子雲

一煮

隱居廬山忽過訪

顧景星

只愁歸不易歸後轉饑寒知己十年別貧家一飯難白
頭仍避地遠害肯投竿孰是鄧文子能令王憲寬

屢辭
微梓

送方澹還靜明山二首

顧景星

石徑入窈窕回巒知幾重雪高松際瓦鳥下午時鐘斷
碣無人讀空廊有鹿蹤題詩向崖壁長倩白雲封
劫火不能燒空山長沈寥寺名遺舊志鐘款認前朝踏
雪迷歸路隨緣懶挂瓢獨餘雙草履畱向杖頭挑

廣教寺

顧景星

空山春雨足亂放杜鵑花瀑響猿羣喜天青鸚鵡斜客

來尋舊竹僧去焙新茶作者今何在風流憶永結

秋日登拱奎樓 防盡徐公建

李炳然

鴻文懸石閣白露滿城隅直爲藏書計非關寓目須寒

籐纏古木亂葦擁澄湖卓立華峰外疎林半欲無 江蘆堂集

蕪陽營兵丁元通逆受僞札其妻某氏預知泣諫不

聽乃絞殺其二女尋自經而死夫丁元事洩被執

乃拊膺大哭云悔不從妻氏之言 李炳然

不謂丹青烈芳徽出婦人嫁從斯養卒愁見陌頭春蕩

命緣蓋構三生義滅親早知嬰母廢那到藁街陳

萬壽寺訪天山老人 夏珪伯 不遇 李炳然

詞場久寥廓大雅得狂生鷓鴣凌風急驛驅鷺澗橫巾

車憑逸軌釣艇或知名不見黃公叟松風滿院聲

重過水月山寺 李炳然

十月林葉赤晴空愜舊遊山川天氣好楸栢露珠留野

火連斜郭寒溪戀去舟幽人不我棄落日過橋愁

粵歸展墓 盧綬

六載見歸日悽然拜母墳青非初植樹白是舊瞻雲支

感音宗弱良所地下聞將辭東郡去心與楮俱焚 四照堂集

將適東郡值雨過株樹林望先塋不得上

盧綬

每憶煙荒地時從夢裏避到家
旬日雨偏隔一山邱北
道催行急長空併涕流
愴魂從此去夜夜遶松楸

楚斬首山盧公一門節孝詩

四首存三 癸未寇薄

神晉絃死守城陷不屈死前後從公死者次子諸
生絃藏子晨初從子紳從孫震初絃妻楊氏震初
妻袁氏

楊枝起 秋曠雲間

昔賢盧子幹身隱道彌尊
抗節伸炎漢流徽到遠孫
諱經時握塵矧敵不呼臂
異代縹緲素應憐風義存

早播黃香譽終成王蠋忠
時危貧賤奮義重死生同碧
血流霜草鴻聲感玉穹
元成方繼起人憶范陽風

嗟爾四君子翩然華國才
不期霜筠染能使陣雲開
忠孝傳家業精靈越夜臺
當時仗節者騰告恐徘徊

殉難詩 四首存三

張一鶴 乃瀾雲間

楚國先賢傳千秋事可師
家畱子幹學人畏彥方知槃
澗鴻飛日孤城鳳鏃時
年年江漢水常與薦芳離
彤管垂遺詠芝蘭此共傾
無心猶恤緯有淚已崩城
朱火芳仍烈寒泉骨愈清
自緣誠感切執義及矜纓

褒典殊前代推恩自

聖朝天蒼暉草木泉戶仰雲霄華表遲歸語青春託大招尚
餘榮養憾灑淚滿征輶

初夏山中送李嵩岑赴粵西僉憲兼憶盧澹巖先生

陳之京

顯伯州人

西湖老病休出處各爲謀遠宦蒼梧去幽棲叢桂留楚
山紛漠漠湘水淡悠悠佳句頗酬和人逢柳柳州

天衢遺集

七葉寮

談允謙

朝氣尙未散鬚眉都已侵若雲流水上非雨灑松陰

漸移鳩杖猶猶阻鳳岑城中有空翠何必萬峰深

詞話草堂

集

沈雨湖

談允謙

汎入雲深處驚鳧入水涯引人湖最曲豈我興猶餘客
靜親鷗鳥舟行讓藕花幾時兵火靖遂志得還家

蘄州官署題壁

呂

暘

全五無錫

梧桐纒葉下締絡已驚涼健翻香承露紛英晚帶香魚
開菰子白鶯喚柳條黃虹見愁無雨花陰聽早鐘

蘄州三角山寺

王

顯

純伯曲周

三峯稱勝地登眺有餘情鳥語堪留偈花香可作盟俗
緣閒裏斷禪法靜中明林密山藏寺鐘聲雜雨聲

三角山龍門寺二首

僧天章

徽州人

塔焉虛隱几規月怡投牕石山羊醒揮塵野馬降巖
空天借半橋臥影如雙此意憑誰指遙峰插翠幢
臨榻不能寐山空月一樓草蟲虛沸夜梧雨壯迎秋却
坐涼如瀉相看意自酬寂寥生曠眼扶策好優游

送黃公還

施閏章

尚白宣城

強起非君志京華豈復春懶充虎觀客閒許虎門身冠

蓋看今日湖山讓此人狂歌自遁隱未老豈長貧

臨山集

悼袁先生公寥

素亮

二首

張仁熙

頗識東阿又還疑李賀同幽思華屋裏鬼語玉樓中地
志文偏古浮亭賦獨工孤墳不得意搖落嗣秋風
風俗爾先憐繁華亦自牽真才人欲殺駿骨恨難捐老
眼荒天地雄文半鬼仙廣陵無限調淒斷付哀弦

臨山集

喜盧參政

蘇

自姑蘇歸單

張仁熙

憶昔繁華地春風玳瑁觴錦帆留極浦花信到橫塘對
月聞歌倦看雲笑吏忙歸來無一事重上讀書堂

蕪州蓮花菴道上

舒峻極 梅川人

青鞚臨行路黃花徧野田數家成市井疎樹燕炊烟估
客遠來經溪橋春集船回遊歸興動未到已凄然 華園集

同集生公卜過柳塘故居

張士淑

昔時遊冶處池館徧荆榛白髮悲前事青山憶故人鳥
呼如識面樹老不知春為問荒堤柳長條幾暮晨 雲溪雜著

宿福勝菴

龔栢 百子州人

不待安身久虛空靜裏生各言心所受其微理無爭一
榻禪初定千秋月正明鐘音隨谷起桐葉落三巖 牛歌集

雨宿王節石山房

欽士佃 州人

信宿十年地重來路不歧山川高士傳風雨故人詩酒
熟秋前秫交盟鬢上絲蕭蕭窗外竹况味此君知 瀛洲集

舟泊蕪州追憶顧黃公

張環基 梅川人

問孰張吾楚伊人絕可嘆龍旗刑白馬牛耳誓朱槃聲
勁松風蕭韻流竹露寒白茅猶似昔寂歷夢魂殘

烈士廟

黃天福 錫五州人

江水朝昏逝丹心日月懸兩朝悲合璧一死感重淵梁
烈龍磯石蒼涼鳳麓煙偷生苟富貴到此覺徒然 懷鳳堂集

烈女墩

黃天福

雙娥粟大義一膏葬澄淵死骨清如水貞心苦在蓮
中誰勁節波底感遙天隱向塵埃外池墩護月圓

山冠秋懷

駱思白

緇守州人

東阜涼葉下遠岫亂雲生嫋嫋秋風夜淒淒楚客情
空庭流月色虛壁響蟲聲展轉難爲寐晨鐘不肯鳴

遊靜明山

張仕輝

近臨州人

驟入初疑誤沿源興不窮穿林入澗小攬葛道微通湖
出于樹杪鐘生萬壑中晚來山吐月遙指斷巖東

和方伯徐公

程

雨湖秋月原韻

僧普紹

雪尚

不知秋樹裏存有幾人家吹笛響山翠敲砧弄月華閒
情歸野趣清賞在煙霞行到水窮際芙蓉處處花

涵輝閣舊址

鄭裔周

部青州人

霜白蘄州路凌虛見女牆夕陽會水郭高閣自江鄉處
處芙蓉岸山山葺蕩房城闕一回首極浦是瀟湘

聞友人讀書大泉寺却寄

鄭裔周

北郭茅齋爰南湖梵宇清芟荷千頃處風雨廿年情殘
日升雞犬枯槎達海瀛徘徊清磬寂念此意怍怍

太平山寺鐘銘古名蹟

顧昌

拔地起崔嵬，崇巒萬仞開。障寒青霽合，崖護紫峯回。草色常煙雨，山光到巖階。須知負絕處，步履接三台。

栗蔭軒集

題張市祖師洞門

顧昌

一片寒山石中藏，不壞身放光頭上。譬說法手中巾，溪中有石巾紋宛盡。佛足祖師遺跡定，白六朝入慈堪。浩劫親至今，施惠雨枯旱及黎民。晴雨輒應

挂口晚歸

李永昇

十里南郊路，行行日已冥。浪花飛驟雨，江火散晨星。成

暗節初動天寒，戶早扇蕭條。場面淨鄉國，近多蟻若島村集

遊東山寺二首

李永昇

數里招提路崎嶇，不易尋山隨黃葉。亂寺共白雲深世界，煙霞外諸天鐘磬沈。何因登寶地，信宿戀桂林。

暝色入長松，禪關露氣濃。一燈空萬象，孤月印千峯。眞性閒時見，塵心覺後慵。再來尋舊路，只恐亂雲封。

拜康國公祠

秦京永畿州人

下馬入祠內，英雄足敬恭。驅元獲八刺，敵漢走羣兇。采石磯頭虎鐵橋，水下龍明廷。推武義嘉謚，久銘鐘愚圃集

夏夜渡金沙湖

郭從

一葉東湖行夕陽光有餘烏飛昏擇大鷲宿晚窺魚明

月投雲暗殘星映水練遙看燈火亂相信是村居蒼屏集

七懷詩 有序

張崎

鄧中師友一時名宿日月如流零落殆盡撰詩懷人感

在增館云爾

東舉李夫子

炳然字人虎順治辛丑會試副車官吏部可務出宰江西萬安早賦歸來杜門

著書文宗選體詩學少陵有江麓堂集傳世

大雅存吾道高懷詣古期宿精文選理老敵杜陵詩五

柳歸來日千秋著述時暮年陶後進不俗講帷披另集

盧公潛崖

統字元慶順治己丑科進士恩官蘇松糧備參議罷居虎邱講學海內知名上無不

景從四照堂文集盛行歸朝官案蕭然古書器玩佩散笑四方惟結客膝軒於陽山之麓年八十餘

視手不釋卷

風渡辭宦海著作老山阿文體分西漢詩情帶永和虎

邱曾講學鳳籠久安窩獨掩柴扉靜藏書付薜蘿

江公仇懷

齋字蘭友順治己丑科進士知福建南平縣以不嫌樵貴罷歸詩酒自豪與東舉潛

崖諸先生齊建庶鼓一時禮場

高旋南宮只風流雅絕倫才餘隨酒展興溢惹花暝秀

句讀寒月聯詞麗曉春囊空免羞澁瀟酒露天眞

王約菴先生

協字約南雋才博學由明經出幸華亭疎狂自放不能爲五斗折腰遂拂衣歸

斷城之南山以詩文自娛

鶴唳華亭後南山種豆翁揮鋤輕卓蓋迴首嘆飛鴻書卷消閒日行藏類轉蓬西湖曾有約花柳六橋中

李千吳先生

上俊字顯文少博青衫歸情古學從遊於滌崖房氏東舉伯兄時加磨礪駭駭

自得稱其居曰鶴原石室茂林修竹啓至剪韭烹葵雅有幽人襟致

巾衫端素履石室老鶴原酒結同心侶詩追嘔血魂呼兒春剪韭問字曉開門世態浮雲外先生古道存

鄭邵胃裔周

一字斷吾州各諸生屢躓場屋遂放懷吟社而臨吾先賦

玉樓十餘年悲夫

昔年詩酒社我愛鄭當時擬古儼成綺飛觴月醉卮不嫌美是來更喜題臨池制舉科名事流傳豈在斯

郭層岸從

一字去山川諸生負性調儼慷慨有大志喜讀秦漢書畫出匠心史精古篆其

生平所歷人情物態悲歌感慨無一不發於詩付梓時病篤夜三鼓招余承訣以不見刻成爲恨云

磊落襟期遠若然八尺身文章高格調器度起嶙峋威過禽言盡從有禽言十首最工摩鐫古篆神煙雲爭繞紙一嘯出

風塵

經江麓廢址

張疇

江麓堂何在空悲梁木摧
重階開野徑片瓦落蒼苔
封禪書無草長門賦有才
只今餘弟子過此獨徘徊

歲丁未大水偕丹九

道大

往泛

李生槃

薄暮來湖上飄搖坐小船
岸隨千頃沒波遲一眺懸望
遠低晴嶂光寒倒碧天和
艇歌未穩四顧已茫然

兩峯集

陳環溪

鼎元

先生二水亭題柱

李生槃

春入尋芳好名園數太郎
水知隨岸轉亭不讓河流
遙憶青蓮句如臨白鷺洲
從容還一坐消息到源頭

東山寺

黃載華

蕭然東郭外寂歷古禪關
綠隱一湖水青園四面山
鐘聲空際出客氣靜中刪
消受蓮花淨方知身世閒

梧岡集

雲巖菴

在安陽山

黃載華

淨土藏雲窟雲深山與深
朝宗門外水插渙檻前岑
松竹清遊典烟雲澹袖心
我來思祖澤笠蓋雙林

雲巖集

兩菴先施
遊兵處

昭化寺

前荆藩建棟佛皆石

黃載嶠

丹崖州人

野殿寒光動着涼一徑通石
闌兵燹後磬路夕陽中江

水荒荒白山花故故紅誰將當日事回首問春風

宿古泉菴夜雨

熊楚荆

漢南州人

深澗飛流疾荒菴夜雨長鼓聲寒帶濕燈焰冷無光咄
嗚咽書暗做傲強作狂欲眠仍不寐夢亦悵凄凉

玉山稿

秋日鉢蓮菴卽事

熊楚荆

漢南州人

一徑空林古迷天薜荔盤寒山森露骨落葉響彈冠
鑿清湖水秋風冷釣竿蕭疎無限意應不數巖灘

過永興寺

熊楚荆

漢南州人

一徑通山寺泉聲到處聞蒼松能引客老衲喜論文

僻留殘雪巖高落片雲尋幽方未已啼鳥莫紛紛

網批軒稿

葦草亭分賦

釋重珩

鳴菴

詩人能味道作意窮清幽日月棲垂草乾坤到雨眸
平簷湖水淨接岸嶺雲流對此塵氛息相將物外遊

葦草亭稿

過修靜菴

熊洪

竹園

密竹編幽剎深松鎖梵宮纖塵收拾盡一逕曲迂通
茶熟花香外經談鳥語中草亭人坐久紅雨落濛濛

竹園稿

贈別天隱禪師

范正

傳儒州人

路險穿雲上徐行挽碎蘿層巒烟景出飛閣翠霞多有

意歸蓬社無緣斷酒魔何時清磬裏相對發高歌

午夢堂稿

江景

張作梅

州人

孤舟憑斷岸落日抱廻流遠樹連山郭遙嵐擁驛樓氣
蒸天雨白浪激水風颺今古傷心事烟波天際浮

過白茅堂傾漁溪出黃公先生遺像展視之餘感賦

四律 選二

張禮源

念渠梅川

大雅彫零後園畱仲蔚蒿百城書擁榻三峽水迎毫海
宇驚詩伯蓬門哭楚騷榛苓思彼美憑弔氣猶豪

白茅堂自古三字額猶鮮畫筆鬚眉見鴻文日月懸未

登牀下拜安得枕中傳未學曠山斗空懷願執鞭

鷓鴣山

四照堂舊址

程大中

參政歸休日鷓原好著書文猶傳四照蹟已付孤墟知

已東南盡山堂日月除可憐煙樹裏別自有幽居

甲乙存稿

過白甫冲

在鳳凰山下相傳寺社遺此

程大中

鳳凰臺下路一徑入孤城白甫曾經此青山爲紀名野
田春草變高岡古苔生過客殊惆悵空村鳥亂鳴

過大泉寺

劉之棠

州人

丈室住維摩層巒路透迤山空麋盜菜林靜犬眠莎石

有千年古田云內易多道書編福地遺此獨如何

崇文堂詩集

登浮玉磯文昌閣

潘紹經

碧舟潘水

高閣插江流諸天水上浮乾坤此巨石風月古蘄州浪
撼看如馬河涯不辨牛曠懷塵世事灘外一漁舟

碧舟集

秀雲山寺

卽紫金寺在長嶺里嶺林河七戶公所存鐵碑

陳詩

甲社傳初地何年布紫金兩朝崇構古七姓結緣深月
淡清溪水風喧翠栢林世家遺舊譜好向鐵碑尋

大梓山人補

五言排律

燕臺東劉克猷

子壯

顧咸泰

巍名隆海內彩羽煥天中雷殿初傳遠龍標首建雄文
星高射斗正氣獨凌嵩內相聲聞重鴻儒德業崇邾城
蓉鏡曉康里紙箋紅久列紗籠秘先題玉宇隆乃知瀛
苑異方識木天儼漏永修篁禁懷清煦島風青藜燃太
乙皓鶴點仙宮文發蒼鏤異書成黃半同牙籤咸甲乙
壽畫各西東上下數千紀縱橫今古衷一時宏駿望百
代蔚宗工首共名山楊參君表素功

右倉詩補

送李嵩岑巡鬱林

顧景星

萬里蒼梧路繩橋百粵懸水通七浮勝山與九嶷聯擴

詩

境新編戶論兵近備邊檄書紛柱聖庭施繞離川風俗
圖經異城池壤勢偏赤巖晴自瘴巒樹綠多烟野果全
如面蚌蛇美似髮獻歌薦管聞叱馭蹕即先孔雀呼都
護靈稟識使駟長齋鈴閣靜散帙錦題鮮君長齋奉道
家多藏書
惹苴休來誇棧欄可駢年火山明劍氣冰井著嫌泉炎
景憐分袂危途慎著鞭艱難吾道固心力爾才賢白日
高歌送青春取醉眠風雲有勁翮險阻信雜囊多難仁
人秦盤根利器全策勳常用武訪道况知元元結碑猶
勒丁郎祀不遷丁郎山在梧州岑溪縣孝
子丁密故有祀訛傳丁蘭君行忠孝地
驅節儻流連

贈王大紳

顧景星

死別驚重合寒灰肯再溫淒涼窮海淚痛與舊朝思徐
庶初驚放陳宮竟不宛物情愈悼惜天意獨周存喜出
黃泉隨來過黑浪翻遙知嘉慶卑苦話別離述隱忍誰
能識傷心祇自捫他時相見後重疊投啼痕

夏日傷前宗正朱仲良甥廬先生湖上舊居

二十四

李炳然

廣譜開樊邸扁舟涉雨湖避喧營小築蕩滌滌洪鍾申

鵲經傳久南皮冠蓋慈應徐才總萃山柱色長腴生長

朱門盛傾懷白屋孤河間存禮樂東海表神握銀榜懸

珠藥藹言吐碧梧願思三父子王李七侶于先生與弁州滄溟七

子明賦寄贈有詩篇最樂貧為善懷愁渺獨飲蒼天憐水旱赤子

弄雀滿鵲鵲冲霄去鴛鴦碎地呼渡河舟掬指奪緡血

淋膜龍鼎髻存沒王孫飯有無甘泉驚火徹爨止卑烏

通和菜饑猶餅先生逃賊難饑余皇棄在蘆草堂留響

像松菊口荼蕪泥擁蛇騰窟臺傾燕語離斷橋通屬揭

浸板畫號喻珠賈茅誰補坏融积倩扶琴亡人載筆舟

繫壁藏隅麥秀蕪稜合雍門涕逝徂雉壇餘竹栢沙嘴

滿鵲鵲感舊聽隣笛傷心擊唾壺縹緗無隻字流恨向

山嶠江蕪堂集

過圓峯山避兵寇處追憶有感癸未 盧 紘

圓峯幽淨地二梵舊禪林閣接重巒峻巖藏古木深郊

原初竄跡烽火尚驚心方厭塵勞劇希從世外尋如何

逢擾攘猶苦避凌侵病婦趨徒步癡兒孳做衾壑栖虎

不畏風動骨疑森青水愁難度嬰啼禁勿暗舉家同罪

繫累月坐沉陰何晚潛歸蠶乘昏促向岑艱虞幾歷萬

喘息始存今事後重來過欲歔歔濕襟

西照堂集

喜黃公還里

徐 惺

崑山人

已作經年別誰期今再遊到門湖水白放眼野雲秋孤
鶴遙相喚冥鴻肯不留荷香生遠岸花影上汀洲醉訪
陶彭澤書時李勣侯寒烟仍泛艇明月又登樓方遂懷
山樂安能對影愁家園叢桂老風雨話無休

子星集

次答黃公先生

朱載震

嶺人

白衣還漢水最愛竹林遊放艇當深夏看山恰早秋顛
仍張長史傲寄漢陳兩江樹繁高嶺蒼葭徧遠洲肯將

司馬賦不換醉鄉侯泉石宜千卷烟霞護一樓狂吟忘
籍在長歎破離愁商洛眞難老還須訪伯休

題陳甘峯守城圖

吳省欽

保障資羣牧彈丸海一涯潢池兵忽弄巖邑木難支遺
發流迨裔孤忠動健兒丹心櫻虎口赤子豎牙旗信攝
符交下艱辛力自持饑腸搜鼠雀倦骨倚屏帷信義雖
長在存亡未敢知帛書濡血繕介士戴星馳遂使瀕危
日眞逢急救時雄帥教迭進小醜笑空爲漠漠塵煙掃
濃濃雨露滋家完城亦保名著節常垂妙筆分明寫開

窗慷慨披英姿真颯爽懋緒想敷施巡遠輸君遇龔黃
頌爾慈素平邊郡靖好藉撫綏宜

白華集

五言絕句十一首

新州志有八景其龜鶴梅花東池夜月今亡矣盧氏

補其二余增損如左凡十

顧景星

麟苑江山

白晝江山靜空城似馬屯蕭蕭梁苑竹今日幾竿存

鳳寺晨鐘

顧景星

鼓角住清曉柝樓出烟樹山僧百八聲隨風過江去

龍磯夕照

大江一石甚奇巉水瀾乃接北岸宋大觀四年立廟祀順濟龍王故名

義士死長江人來兩夕陽磯聲流不盡遺恨與江長

南湖漁艇

顧景星

且喜城郭近又無車馬喧打魚呼酒伴風雨過前村

金沙月泛

一名赤東湖

顧景星

明月亦何皎偏多雲水鄉當時兵火地到此卽清涼

石簪積雪

治東十里大江中水澗乃見亂流一里水淺爲虛

顧景星

積雪覆蒼嶺橫江走白龍幾時沉鐵鎖水底作奇峰

三角雲封

治東北一百二十里三角矗立

顧景星

北望司空原南下檀梨水中有鼎足山高人合居此

溫泉春浴

顧景星

脫帽林下露振衣山澗風不知春氣好常在此山中

城南柳喚

在雨湖亦名鏡

顧景星

湖光本自寬畧約已多設試問築堤人胸中何太窄

浮玉新磯

大江中為舟楫患萬歷十七年州守徐希明堯石增高使知所避建亭曰浮玉

埤垵連雲出濤聲繞樹長無情江上石獨立闕興亡

斬箠

金德嘉

會元梅川

高枕得桃笙炎天遊化城中宵醒蝶夢皎皎見參橫

齋詩

七言古二十首

沈生行

上望蘄州諸生崇正末上書召見授兵部參謀輔臣極送江督袁繼威幕

顧景星

先皇遊殿居齋宮宴食不聞司樂鐘黃門晨放罪已詔

阜囊夜啟登聞封是時羣布紛然至沈生棄家走燕市

上書直動萬乘尊宋代陳東毋乃是鉢衣給諫名最高

陳啓

新呼吸帝座無汝曹沈生上殿一指顧往往廷論歸

儒筆潼關東西薊門北沙蟲擁道邊城塞皇心但警紫

荆園司馬誰防白波賊銳頭參軍最後來但隨幕府臨
江開短衣出入通侯第岸幘還登歇馬臺倉皇昂首驚
傾覆烏號無弓小臣哭義旗壯士且應揚濶跡王孫盡
魚腹渡江忽報安東軍生也收涕趨轅門化龍有讖誰
曾應餓馬騰謠忽遽聞凶奸構禍何倉卒誰夢湖城送
營日漢安爵命豈非恩廷尉山頭况難必丈夫死即鴻
毛輕石頭取節非純臣帳中濺血黃將軍頭下奏事有
沈牛將軍敗後無堅壘凝笳疊鼓軍容改潛身幸託江
海翁青衫已卸麻鞋在瓦盆半菽妻兒暝樵悴尋常行

路人誰知乞食陶彭澤莫辨埋名梅子真春風買酒茅
欄下念是當年請纓者却憶先皇御極初執手相看淚

盈把

白茅堂集

王居士歌

有序

顧景星

居士四十不娶若狂易鄉人共笑罵漸陷自危堞躡身
下無所損結茅廬山清涼臺巖齋懸空下臨百仞常月
餘不食客至戰慄不敢上居士遙望大笑而已無名字
自曰我仲尼之徒因號尼徒居士僕慕其人爲之歌
尼徒居士本無家帶髮已自披袈娑鄉人共笑死邱壑

獨脫漏亂棲煙霞清涼臺上人踪少隨意晨昏坐來好
經時石罅生白雲盡日林間絕飛鳥

東湖

名金沙亦
名赤沙

李炳然

東阜

蕪陽城闕東南隅金沙赤沙園東湖玄漏丹光光的驟
或云其下饒藏珠春水方生百川漲潯崖錯認牛馬驅
眾師柳族頻撥棹鴉鵲鷓鴣雜音呼晏安憶昔全盛日
月夜盪槳雙飛鳥好奇常奪漢陂席江妃來往羣龍趨
水月白露天無滓直沐塵斛十冰壺奈此狂瀾江海擾
斜風細雨誰盧胡長鯨貪餌屢作腊龜口不見血淋瀝

南望洞庭是青草西眺匡阜之香爐今年山陞十八丈
共頭塌破古鷓鴣最愛湖平流淡淡小舸勝杖短筇扶
青女霜繁水潦降恒河沙聚一邱區忽蒸沔湖汎舟夜
即官新題千祀俱

江麓堂集

甲子冬杪與諸公同涉雨湖會祭嵩岑李中丞作

李炳然

雨湖冬涸潦水平北風橫厲多哭聲蘋蓼泥汨岸角出
秃樹杈枒葉戰鳴一碧深清見底鴨頭衣綠菜蘊紫
儵魚羣戲乘空遊素心元淡乃如是兩三人航渡口開

葦間延綠魚爲來老僧可憐餉茶茗野客驚寒就湯良
更有王孫游衍處落日古羌鼠蒼鼠板橋倒臥踏冰霜
牛羊下隴傷禾黍請君回船夜水渾衆少離多看浪痕
今日羊曇猿墮淚橫船慎勿到西門

奉和汪仇懷衛正月十三大雪偕同社諸公赴石璠
生爲璠招飲卽席賦七言古風一首

李炳然

雪滿五枝水倒舉蝟毛感縮傷馬圈豪士飲酒競華筵
日中洒掃還未許醪過牆頭枉用存雪裏款扉春雲暈

折簡招我走稚子樹葉燒爐熏芳蓀鵲巢歲據雙槐上
井口籬邊舊窰場石氏堂列二槐樹上有鸛巢下有甃井可憐七葉落辛

盤笑指銀瓶罄家釀殘杯冷炙莫驚猜槐堂豈爲老春
開觴詠不貴大官讌四座風生見辯才汪子承衰文嘔
起廟清蕪穢詮奇理蔚豹倜儻概凌雲唾壺擊缺不吾
以石子朗朗玉山行照見清襟雪月明芝英筆底書無
算武庫縱橫人莫名八十老翁久疲病谷汲山樵息心
競土膏膏概省三農梅隴衝寒識七政索居往往惜離
羣衰顏醜會倚鴛鴦况值金吾弛夜禁瀟陵可識故將

軍門外鼓闐燈火節士女揄譽誇白雪宮月蓑衣鋤帶
寒春水方生醵酒別

蕪城弔晉

盧絳

江城怪石環蛟宮鬱覘王氣凌菁葱朱邸晝開傳鼎食
樓船夜汎喧絲桐飛馳上下帆檣會翹首流連大國風
南山迴迴森列障沙渚綿亘曲遠弓地居雄服當荆末
萬里奔濤難控遏出峽會聞一線天朝宗滙此偏驚濶
東來美聚勢疑蟠突起人文多秀達虎變龍驤命世奇
登壇赤幟紛能奪運適終乘百六年焦毛薄肉頰多賢

修螭噴毒螫其後狂鯨鼓翅噬其前炎烽四起白堞墮
廬舍成墟灰蕩然荒原處處飛磷火木叫寒鴟草宿煙
俗承醇厚猶稱淑天怒胡攔懼慘戮我歸骨肉並傷殘
衰經期功一時服萬戶千門僅有存眼中那見英者風
獨坐江頭憶舊遊淒風漫助離人哭

四照堂集

麟山歌

譚允謙

客來荷笠登北峯宮殿彷彿生悲風狼籍明月空城裏
埋沒白雲山谷中指顧山河存勝概風華雖改山巖在
山逆江行橫百里湘漢交流到城汜隔岸諸峯張翠屏

鴻宿一洲草青青
鸞飛軒翥氣葱鬱
列岫皆成龍鳳形
荆圭分命册諸王
荆藩土茅臨楚江
臺殿平陵半天起
碧玉堂高剪秋水
紫晶簾軸鸚鵡咏
沈香火蒸鴛鴦睡
夜譙未已鳴朝鐘
日午君王夢正濃
一承顧盼殊恩寵
蕭艾亦與椒蘭同
竹生禁地能高潔
疎疎爲節密爲葉
截成長笛聲裂雲
織作冰絃箏如雪
幾多花鳥册妃嬪
累朝老樹封將軍
簫鼓喧闐應鐘鐺
滿城日夕流天樂
靜如琴瑟人不聞
賜如素手彈珠閣
中開七府列煙霄
出入賓從車馬高
吹竹彈碁吳越客
關雞走狗燕秦豪

一水荷花三十里
畫舫煙波動銜尾
曉夜笙歌何處來
王孫泛舟雨湖裏
食祿歲支萬與千
王侯誰復惜金錢
闕閭相延習華靡
斬陽佳麗非他比
六院背倚熊嶺頭
美人粧閣上簾鉤
行客不知狹邪處
聞香才覺過青樓
追歡多是少年者
每日出門倚馬游
人歌舞不知歸
夜半城中鑰未下
朝朝長捧千年杯
誰知樂極有哀來
秦中鐵騎蹂荆楚
江上多年震鼙鼓
帝子崇封在此間
臣奉藩兮守疆上
龜亦不在澤蛇亦不在山
不識眞龍種何年去
此問龍折角兮鳳墮翅
湯湯龍磯日東逝元

如視髮寶月卷中使披緇鐵佛寺樹叢草堂集

評鶴原子詩兼贈李士俊

江 蘅

里中佳士鶴原子冰雪爲懷絕纖洋幽居築向鳳城偏
花竹蕭疎映圖史身豐暇豫行深情成詩雅得風人旨
几篋殷殷金石聲不屑示人長白喜偶然小策披汝還
緒論微言洞名理絨將新製我持歸剪燈吟繹香盈齒
建安端合肖長篇近體還應天質擬時人此道統經爲
苦心何處存詩墨願言大雅共扶輪風格堅凝砥波旒
當前好景足唱酬麟鳳之山雨湖水

乾明書院

六卷張公牧斷十有八載士民旣建書院於城南鳳山坊矣茲復建書院於大士閣之左亦曰張公書院予因其地

題曰乾明所以別鳳山云爾

汪 蘅

乾明磯石靈芝石乾明磯左羅仙跡大江東下抱磯流
昔時磯址今沙堵磯上平原接鳳城古廟參差臨絕壁
南山排翠白年年州岸蘆花初吐白菱唱漁歌落照時
風帆沙鳥煙雲夕依稀髣髴畫圖中玉維欲寫千難百
由來牧伯幾登臨那許蝸櫓容片席只今杜父得張公
才出緒餘泄煩劇初疑化理鬱多難隨邁方城剽夏逆
征師奕奕困壺漿况復督郵腰頻厄田園典盡勵官箴

飲馬錢空空自惜在苒心勞十八秋鳳山之原歎開闢
經營不日煥宮牆肖像情過倦亦寫瀘州外史筆如椽
因撥詩歌光史册芳煙榻管散鶴原野老迂疎近笨伯
雕龍麗藻付英才兀把斑枝聊疏覈新詩裁罷睠江濱
無盡思波磯前渚

寄懷顧黃公江居

金德嘉

掃地北風搖馬尾送我春明酒半醺我馬且行爲君立
城頭殘月照離羣是時巷雨歌偏側君苦欲歸歸不得
五月逢人北寄書瀘州博士報雙魚舒郎伏劍客秦隴

君亦掉頭返舊廬
斬春草樹佳可賞草屨紅膝泥蕭爽
江水盈盈浮玉磯
西塞山下鱖魚肥
人生安能牛馬走
細爭雞口與牛後
元瑜記室事徒然
鄭虔官令更誰憐
何如爛熳花前酌
醉醉眼看雲雨湖邊

居業齊詩鈔

虎入城

康熙辛丑十月十四日

郭從

虎入城城民驚
有衆逐虎虎負鼠
龍之隅莫敢搜
專城都護州牧神明以正止
邪虎無生呀嗟乎勞大者小不能與之敵
力強者弱不能與之爭
青天白日公然橫行
虎乎虎乎今入城
城民驚以正止邪虎無生

君屏集

題郭蒼屏畫

李生槃

蕭艾老後王辛死千年突出蒼屏子一邱一壑清且奇
萬里遶勢幾尺紙霜林闌淡秋氣深迢天暮靄羣雁起
中多村落住幽人三三五五自行止舉網者誰釣者誰
結伴更在煙波裏板橋扁舟自相通山水蒼澗青濛濛
牧童牛背何處去令我想見羲皇之高風吁嗟郭君把
筆凝神久沈雄寫付後生須珍重而今米顛風流空遺
踪兩峯集

重建文昌閣

劉之棠憩亭州人

浮玉饑頭石蹲虎釣魚臺下老蛟舞象罔魂驚遁且逃
橫截江心晴噴雨新安使君真好事百年亭閣存遺矩
風霜剝蝕星物換簷前欲墮竄蒼鼠攜酒登樓謀重構
高撐無慮三尺許物有可觀皆可樂矧茲大乙文章府
上流駭浪撼龍磯隔岸鐘聲敲石鼓石鼓寺名山麓斜帶風
風冲指點遊人弔白甫夜深長嘯落星寒北斗闌干照
江渚崇實又館詩集

題陳卦峯良巽守城圖

戴珊龍興

武嶺山畔妖氛惡蟻聚蜂屯城下薄官吏胥戍獨釋君

旅館寒檠尙緝緝大府嘉之能得民捧檄重臨七里郭
狐鳴嗥起復攻城蒿松溪外恣剽掠椎牛誓衆招流亡
義民番社爭踴躍琴鶴拋來也荷戈六月烽煙爭息柝
開濠貨粟計將窮目擊瘡痍轉溝壑瀝血淋漓書萬言
夜繼問道防賊覺城存與存亡與亡籲衆矢言僉曰諾
以枳爲糧古未聞分甘亦復存醴酪守陣皆哭感神天
旂旗飛揚臨衝霍電掃星馳城復完時雨滂沱歡聲作
兩度瀕危寸瓦全歸與決計攜芒屨悲語無端又及君
聖主如天鑒誠恪感激臣歸愛日長餘生已遂循咳樂春萌

重入畫圖懸指點前塵動心魄尚憶軍行整鶴鶴須知
信義行蠻絡新詞海外歲傳芭君亦何慚侍喪鄂

讀泣斬錄作

喻文鏊

有客示我書一束云是辛巳泣斬錄作者曾是當年環
甲人二十五日歷歷身所親十萬金騎薄城下往來硬
探馳快馬指揮將士號令明萬人鼓噪聲震瓦去年築
惠民倉今年泣安民堂蠟丸一出無消息千古同痛張
睢陽城上烏尾畢通深林月黑羣鬼呼我讀此篇重徘徊
徇從來濟變非無才他時交相因陸相死煌煌兩傅勞

詩

蘇開君不見
斯州樓堞暮江曲
至今生氣凜在目
憑弔蒼茫有幾人
題詩好寄陳愚谷

紅蕉山館詩鈔

前題

葉繼婁

漢陽人

謀人軍師敗則死
史傳剛存數言耳
颯縷誰述危城危
血淚淋漓補青史
憶昔嘉定十四年
淨居山寺生烽煙
斯陽三月初聞警
諸公力障江淮境
五關一破何披猖
雲車直逼羊馬牆
朝禱三清殿
夜禮孝弟王
驕兵誤我非天亡
龍舒援兵望不至
武定援兵亦奔潰
王辛袁海遠隔松陽橋
可憐一炬城堞焦
積衣林裏綠衣人
骨肉

灰燼餘一身
忍死偶脫人
鮮蕃傷心重
對鴻雁民同官
遺骸莽煙霧
槍地招魂趙與裕
出城追罷罰已苛
奪關求援史尤謾
怯將如龜不加誅
一腔熱血灑何處

雲素稿

前題

陳詩

黃土關下鼓聲死
神光觀前燧煙起
渡河直逼羅州城
一日夜行三百里
白髮太守稱能軍
白袍通判同苦辛
金汁鍋飛萬牛火
鷲軍洞燒雲日昏
焚香告天天不顯
蠟丸望斷龍舒路
三角空屯朱虎兵
萬金坐索圍城略
可憐斯陽城
宜爲李秦死
不作徐常生
萬死一生趙司

理血淚淋漓書滿紙殘燈無焰風刮天掄卷傷心舊柔
梓君不見八字橋應援將士斬關逃又不見十字街趙
家坏土收遺骸至今麟麓龍磯上褒忠廟貌高崔巍

山人
有稿

題葉雲素

繼安

斬春訪舊圖

陳詩

青青蘭溪箭泱泱蘭溪水若有人兮修且美朝臨石阜
書暮跋東郭屨豪貴到門呼不起君家大別陰我在大
梓趾爲訪素心人那惜山川道遠避高軒旣東來做車
亦西指蓬蓬天上雲歡然聚於此愧我山澤臞不堪添
入圖畫裏古來交道亦有神不待相見知相親披圖彷彿
得君意况是斬春村裏人

王孝子歌

周凱

富陽人

霖雨十日不肯止山水陡然十丈起衝田蕩屋人化魚
中有瑯琊一孝子孝子家無升斗儲舌耕養父悲母死
母棺灰積三年塵亦效董永欲賣身賣身誰復奉厥父
夜讀寒燈寸心苦忽驚風雨排山來水聲挾之喧如雷
三間茅屋詎足庇母棺欲漂肝腸摧時也厥父客鄂渚
仰天大慟天亦哀父生尙可親串依計惟隨母歸泉臺

以身隨母棺出入翻波瀾波瀾倒影影接天天鑒孝子
將終焉默遣河伯驅江水風雨逆行三十里孝子生還
棺亦存共慶重生設桑梓吁嗟乎孝能格天理不枉得
士如斯重吾黨作歌用勸讀書人君不見蘄州孝子王
元長

古樟歌

嶺山古樟三株舊傳明末張獻逆陷蘄州城
夜見三人猿甲持戈護城疑卽三樟樹神也

王乃斌

錢塘人

孝陵樹枯明社屋烈帝諸臣如朽木傳聞流寇陷蘄陽
麒麟山頭鬼夜哭山中老樹鬱奇氣連理三株伯仲李

不誇衣錦遇錢鏐曾見論功坐馮異託根劫歷明山河
高寒不改凌霜柯羅平妖鳥忽飛到此枝怒奮如瑯戈
此際風雲助叱咤羣鴛天上將軍下葉俄蕭蕭賊膽寒
貞心凜凜達官怕吁嗟乎一木難支大厦傾空山雨露
沐時清行人尚識古樟樹宰木飄零康壽鄉

七言律 六十首

赤東湖夜漁

顧景星

子規亂啼山木疎西嶂已沒殘簷諸橈聲暗問識同伴
星影不知誰得魚全生肯狎蛟豈窟遠害且非豺虎居

白笑爲農閒袖手漁租歲歲當蓄翁

白茅堂集

尋飛昇石

顧景星

乾明磯上飛仙石苔蘚蒼黃棘刺中
莖表幾時堪下鶴荒洲依舊只鳴鴻
憑高晴見遠山雨得路香聞幽谷風
雲宿江聲重載酒廿年回首欲成翁

旌表劉貞節先姑

顧景星

名香綉佛日周旋膝下承歡二十年
韋母周官曾立誌瓊姑漢志亦成編
誰家匹嫁蒙天語我祖流傳有地仙
鸚駕瑤池歸去否孤墳四載痛荒阡

寄答高台州培

顧景星

君侯昔自臨江至曾代愚山寄俸錢
酒徒甕滿竟累月窳官囊空幾年祇
愁海縣無供億偏念山居闕豆豔
晚節漸於詩律放開緘應笑落梅邊

庚申秋楚有譁兵徐方伯攝巡撫相
幾救戢亂庶遄

已步韻寄朱大

顧景星

公卿坐間滿長安近日堪誰大築壇
樂毅有才仍未薦曹鯨無用不遭彈
餓鷹啄骨恒思掣野火憂時每能餐
月信南州徐孺子得官將相救凋殘

兒昌讀書太平寺寺舊名靖明

顧景星

汝攜書劍入名山萬仞峯頭不閉關欲策龍蛇青嶂側
試聽雞犬白雲間佛龕太乙來挑火僧坐靈猿許獻環
此地星辰如可摘白無塵想落人寰

思雨湖

顧景星

出門便覺家山好回首園林幾度看浩蕩宮亭一日過
攀援閣皂兩句難黃鸝帶雨猶調舌紫蟹經秋未入柙
縮項四鰓誰較美歸心何必只張翰

答談長益

九謙
二首并序

顧景星

蘄州城南雨湖曲折二十里峯嶺映帶園亭墓田夾岸
高下亂後全見蕭索京口談長益曰前此恨不著是待
吾黨名將以爲君劇曲可乎二詩見授依韻奉答

隔江山色南屏似晴雨眞同西子湖亂後墓田無宰木
長年漁艇伴樵夫君來瀟茗泉稱慧我自逃名谷已愚
地僻喜回車馬跡藕花蘋葉隱鸞鳧

何年指水號卽官慙愚羣公載酒看但使春波宜白曠
不須剡曲屬黃冠近城禾黍先秋熟接岸風煙入夜寬
肯約結廬相伴住預裁斑竹贈漁竿

重過李中丞故居

李炳然

五丈旂關雨水濱，藕華香罷沒蹄輪。
泣珠時藉沈洲客，許劍誰當繫樹人。
杜若草香三閭宅，孤山梅放五湖春。
分攜北榭關梁上，白馬黃泉恨不申。

江麓堂集

秋獨步水月山寺喜友郭素如適至郭近遁跡沙門

李炳然

樹聲滿壑影蕭蕭，一院涼陰閉寂寥。
藉草坐深塵事少，結跏話舊客情饒。
白雲舒卷藏烟岫，黃葉飛沈散海潮。
何亂茹葷猿鶴怨，南華悔讀問逍遙。

憶被難亡弟茂才樸侯

李炳然

西堂夢助句須成，有賦窮愁獨慰兄。
興到苦吟驚漏徹，家逢絕粒折葵烹。
沙原浴白同飛啄，鋒刃燐青別死生。
羣從予遺今長立，玉樓梁上可鐫名。

過湧蓮菴有傷亡友陳仲啓

李炳然

東林約誓揭朝曦，夜雨連牀經對翻。
陶謝詞場今頓盡，鍾王妙蹟與誰論。
山陽舊館惟殘草，天上新文早及門。
泉壤不聞滄海事，車過腹痛已聲吞。

蕪陽十景

并序

盧綖

新陽八景今有不可考如太清夜月相傳以爲城東有
池中沈古鏡夜常吐光久淹沒無存矣今另叙定以雨
湖浮玉二景補之茲質不朽勝概質之同人當共以爲
然耳

麟阜江山

盧絃

浩淼江光一望收分明圖向坐中開屏開翠障迴青靄
波湧晴沙引白洲買船千檣鷗影現村炊幾處縷烟浮
躋傳白甫無題句應怪才人也漫遊

四照堂集

鳳麓晨鐘

盧絃

江下新陽遠鳳隈蘆分四葉古林開耳根久信塵俱寂
水回猶疑響似雷大覺原從空際徹羣迷早向夢中回
遶遶晨起徬徨立方識鐘聲送悟來

太清夜月

盧絃

城東會訪太清池長老依稀述舊遺謾道塵沙溷寶鏡
已無陂沼漾滄漪天邊有月孤懸照石上兩苔畧見詩
方信山川多幻變空傳好景繫人思

龍磯夕照

盧絃

礧砢磊石踞江門浪鼓蛟宮晝夜吞高閣窓中搖素練

遠帆天際帶餘昏
晴沙芳杜香浮岸
漁浦微燈影隔村
勝地隨時堪寄眺
尤宜落照看濤翻

城北荷池

盧綬

長夏閒登城北樓
輕風時送遠香悠
新菜幾曲沿芳岸
高柳千門繫小舟
採罷歌傳歸正晚
坐深潭競去仍留
頻來靜對消清晝
豈羨羲皇世上遊

金沙夜泛

盧綬

一派湖光疊碎金
水烟相淡夜俱深
小航獨泛中流靜
圓鏡虛涵片影沉
鷗過不驚隨浪穩
鴈來早渡怯霜侵

楓林兩岸雷燈火
村落朝炊且待尋

鴻洲烟雨

盧綬

西風翻浪漲平沙
四覆陰雲濕荻花
隱隱渡頭依小艇
濛濛村外有人家
疑聞鷺起呼相亂
遙帶衝飛影若斜
萬狀江光收未盡
不妨暫作一籠遮

龜鶴梅花

盧綬

雪漫龜鶴似孤山
萬片冬來石上斑
風送暗香隨籠出
月涵清影待人還
驢頭索句寒生韻
夢裏通魂玉破顏
夙昔王孫耽勝事
探尋正自許乘閒

浮玉晴沙

盧紘

流引晴江一練澄
瑩沙波湧石陵嶒
孤亭柱藕搖空出
傑閣窓虛入漢憑
春到迤汀吹杜若
夜深依岸起魚燈
擬將七曲陪三島
呼吸瑤京且任昇

雨湖漁舫

盧紘

幾曲烟波入畫中
兼收風月夜融融
千株高柳圍村綠
十里新菰覆水紅
網罟晚天歸棹集
菱蒲深處有歌通
山來蓑笠相傳業
沽酒烹魚樂事同

烟光樓懷吳明卿

國倫

先生舊遊處
盧紘

寥落梁家江上樓
疑驪客舊登遊
烟波晚眺曾畱句
沙渚秋平幾泛舟
漫對翠屏千嶂合
徒存片玉一亭浮
同來覽勝今何去
常使經過弔暮流

送李嵩參繕部入都

陳之京

花妥鸞嬌萬錦攢
垂楊千尺拂征鞍
名香不事芬喉舌
粉署初栖試羽翰
壯麗蕭曹崇漢殿
夔龍禮樂映冬官
還淳爲將工俚指
驥首升恒正石磐

天衢遺集

答新泰盧泥巖社翁

陳之京

避地移家遠索居
長竿湖畔釣雙魚
故人分俸還沽酒

野老援毫下著書膏雨岱宗雲合後文瀾滄海日生初
琴堂清暇如相憶爲報秋風短鬢疎

浮玉磯

劉醇驥

千里
梅川

怡亭舊落水中央奔突東磯更混茫直劈江心帆路隱
遠垂虹背釣臺荒天圍鶴浪千峯隔風住神燈六月涼
楚客自蘋蕭琴裏何須聽雪上瞿塘

芝在堂集

龍磯寺

談允謙

鐘鼓波深島嶼晴呼人隔水擘舟迎蛟龍定有窟在此
風雨未來湖自鳴磯險乘流船駛渡江斜衝郭石孤撐

疑僧終世不曾寐每聽夜靜鶯鶯聲

樹護草堂集

談長益揚訂遊雨湖次答

張仁熙

州城南郭望霏微郭外澄湖帶夕暉棹入千峯花徑好
溪深五月釣魚肥佳人白羽停宮扇遊子春衫漫薜衣
近得虛放清興滿題詩多傍彩雲飛

蕭壩集

春雨懷臥雲煉師

舒峻極

入春十日多風雨山路時深一尺泥江郭每思飛鳥外
故人遙隔暮雲西草窻擁袖應臨帖野寺尋僧或杖藜
洞口桃花晴欲放肯來覓句竹間題

韋園集

舟中值顧亦方是夜復別去紀贈

熊鼎學

孝升合泚

吳船楚語隔中流
招手相看續舊遊
多難感君期我死
著書空老益人愁
香薰袖草三更月
酒滴離雲百里舟
落日金閨遲客屐
座中詞賦倚應劉

次韻酬徐芳瑤

張惟金

頁方梅川

忘年交淺意還賒
樂事相關豈有涯
掃徑欲懸徐孺榻
含毫頗寫趙昌花

芳瑤善畫牡丹

高懷落落常披刺
一水盈盈

屢之樣最是江天
春色好與君攜手
倚晴霞

黃嬭堂集

送陳湛我歸潯川

熊心璋

公明潯州人

夕陽山外野烟橫
疋馬蕭條趁晚晴
未必通衢行百里
何妨越宿話三更
搖鞭却聽鐘初動
據鞍應知月倍明
好去潯川村酒熟
東西湖畔有餘清

之麓山房集

遊羅州城次陳子嚴韻

陳鼎元

剩水殘山偶一遊
荒城指點是羅州
東周國號傳青史
南宋衣冠成古邱
過客幾人悲麥黍
居民不自解春秋
芙蓉滿目多蕭瑟
清沼猶通廢圃流

半畝園集

春霽循諸人偶步桃花村
因渡蓮市湖過碧雲精舍

歸德山齋得詩四首

選三

李永昇

開吟野望雨餘天何處春光不可憐
夾岸柳絲青似染
隔湖草色綠生烟
啣泥燕子隨風下
倦釣漁郎就日眠
雞犬數聲村落近
武陵原只在人間

春漲初澄一鑑開
小舟雙槳劃波來
趁人野蝶如相識
透徑幽花不用栽
山髻僧頭新帶雨
笋根龍角已驚雷
空堦坐久苔紋淨
看竹吟成木屐回

山脚落日晚蒼蒼
曲巷泥深歸路長
箕踞繩牀容我懶
掃除花徑爲春忙
盤中茗局重翻譜
鼎內茶煙自沸香
客散閒亭初月上
美人天末永相望

若冕村集

登鳳凰山

李永昇

孤城憑眺遠蒼蒼
山色江光接混茫
木葉半空驚鳥雀
草根餘日下牛羊
放衙吏散松庭靜
負郭人稀菜圃荒
一徑晚烟生杖底
佛鐘聲出故宮牆

泊散花洲二首

李永昇

輕舟一葉傍煙樓
春意纔教柳色齊
遠近晴沙眠水鴨
高低麥隴鬪山雞
提壺客集疎籬外
問渡人喧斷岸西
徙倚夕陽詩思好
戍樓鼓角轉淒淒

暮雲含雨作春寒
一片蒼茫入望殘
隔浦漁燈浮水面

遠村人語出江干無柰自信違時拙對酒還歌行路難
西塞山前煙浪濶生涯何計託綸竿

陪友人遊大泉山

張栢

字雲州人

亭閣懸磴白雲低木架如巢竟可栖兩壁青峯吞霧隱
千章綠樹淡烟迷山僧供笋情無限林鳥穿花語不齊
醉後放歌天欲暮馬蹄輕踏夕陽西

雨湖春漲

李生槃

盈盈春水欲沈天村落人家鏡裏懸青草岸平三月雨
綠楊隄鎖一湖煙瓦橋忽沒灘頭路問渡新寺谷口船

獨怪閒情屬鷓鴣終朝游泳不知還

兩岸集

通志館作

李生槃

江漢分讐歲月深星霜幾度鬢毛侵數行墨訂千秋蹟
萬卷書成一寸心太史自堪商筆削楚材尙復憶升沉
由來觀左風流在慚附青雲意不禁

送范仲兼還維揚

黃載嶠

蘆白江空正穩流聞帆送爾下揚州霜飛古渡寒生枕
夢散殘更月滿舟過眼雲山添絕調關情兒女破新愁
間中試問隋隄柳風雨蕭條幾度秋

雙筆齋集

九日登鳳凰山

張選桂 丹一

十里江光十里山，水鷗飄泊自飛還。
久嘗世味知喧苦，暫涉林風許寂閒。
遠壑似隨人俱靜，古松覺與石同頑。
眼空方會登臨勝，不在茱萸強解顏。

雨後泛赤東湖

熊楚荆

暮靄初收掉小船，溪流奔瀉更潺潺。
山根曲折蟠新水，雨脚朦朧障遠天。
白鷺妨人歸別浦，金波浴日落前川。
林禽也解晴光麗，巧弄歌聲似管絃。

雨湖吟社合集

遊紫雲山訪天隱禪師

范正

幾年夢遶紫雲巔，得傍支公意洒然。
笑起雙峯抽玉笋，飛來疊障擁金蓮。
心空色界疑無地，目極虛明別有天。
此日塵襟都滌盡，不須參學老僧禪。

午夢堂詩草

牛畝園納涼

蔣尚德 州牧

當暑偏勞長步行，羨君執麈笑相迎。
藕花香盡池塘碧，篔簹竹風生几簾。
清徧處不聞家計，恬耽吟應用錦囊。
盛倉皇愧我多煩熱，只有冰心對月明。

蘄州

喻文鏊

鴻宿洲前水瀾茫，龍磯突立雲氣蒼。
蒼天連吳楚，孤城閉

地坼江淮百戰荒，鴛鴦堆殘埋人徑。虬枝盤屈挂斜陽，
梁王苑苑滄桑劫。一曲漁謳上釣航。紅蕉山館詩鈔

登大泉山

黃儂字夏州人

不到名山數十年，攀來一望景依然。幽泉香謁吸朝露，
怪石峯巖起暮煙。放眼江湖分左右，凭欄鳥雀任循環。
浮生久被微名誤，願聽三車學羽仙。小巖存稿

題蘄州方柱廷

梁村

鶴樓吟眺集

裕

謙魯班

雨餘江氣走冥冥，過客登臨此暫停。助業曹劉俱有憾，
文章屈宋已無靈。濤聲拍岸連天白，山色穿雲入檻青。
莫便高吟卷裏句，愁他樓下者龍聽。

七言絕句 四十首

白雲山訪龍首子 和 三首

顧景星

繚烟高處白雲遮，二月山僧入采茶。野火樵斤都不到，
層層開上杜鵑花。

嘉定兵戈記不真，白雲山下起黃塵。叢條長養君休伐，
留與他年避世人。

古寺煙深大道旁，午時鐘板出雲堂。種松道者歸何處，

已見新橋百尺長。白茅堂集

哀鷺鷥二首

顧景星

一秋無白雲空城春草何曾面上生白骨已隨寒雨盡
遺詩猶作斷腸聲

同遭喪亂君爲兩存歿殊途淚轉滋幾度傷心無可道
一年時有哭君詩

斲竹二首

顧景星

斲竹能吹綠鳳鳴箛篳織簞勝桃笙祇因兵火摧殘盡
尋遍空山無一莖

斲伐頻傷嶰谷春教坊擲捻一時新只今蘆荻蕭蕭地

哭殺當年採竹人

鏡湖口二首

顧景星

短蘆高柳酒旗翻嶰舍魚莊水到門撤却石橋漁子渡
望中煙樹卽桃源

射鴨山頭打槩頻鮮鱗出水白如銀鑑湖一曲無多勝
只少風流賀季真

懷菊水

劉遜群

任常德

顧景星

水迴嶂合鷓鴣啼秀句關君處處題我對青山但西望
一場清夢武陵溪

桃花源

避市湖舊有石刻
桃花源裏有人家

顧景星

桃花村裏有人家
壓酒常墟賣茶
兵後絕無遊舫到
更誰開地種桃花

桂花亭

治東一里佳泉
奇石老桂叢陰

顧景星

六月寒泉好浸瓜
但除冰雪有芹芽
一從桂樹爲薪後
泉隙芹芽浴水蛇

宏慧寺

二首 一名清溪寺大同巡
檢司署前西山有石如人立

徐惺

茅菴結在萬山顛
只見雲遮不見山
寄語山雲遮護好
莫教雞犬識人間

呼爾爲人若未休
風霜劍落不知愁
不如祇作峯頭石
萬古青蒼在上頭

浮玉亭

劉養微

梅川人

孤亭穩着石如拳
兩岸波光秋可憐
回首庾公樓上月
滌滄占斷玉壺天

廉谷子集

迎山

俗名銀山

牛肝馬口水潺湲
稼圃人家竹樹灣
最喜時清無鎖使
大書此地是銀山

病業齋詩鈔

過嶺赤方徵君草亭

李承昇

主人不見亭猶在亭上依稀似舊時
杜宇數聲聽不得
落花滿地草離離

若鳥村集

自大泉寺看桂花歸憇匡廬方丈
李永昇

醉裏逃禪客又來看花帶得暗香回
須知香在無花處
傳語山僧着意猜

渴口觀漲

陳道兼

鹿行州人

渴來野水輒平河此日緣溪失釣坡
欲駕扁舟尋舊侶
重重對酒聽漁歌

浮玉亭

予外王父吳公亮嗣
題時官兵科給事中

李生榮

何年鑿石過東海萬里飛來江際浮
不道題亭吳給事
錯疑玉影滙中流

兩峯集

文明橋

姚紹邴

心傳州人

風靜橋平浪不驚一湖清水漾文明
夕陽斜挂橋頭柳
兩岸漁竿盡入城

訪臥雲山道人不遇

張樞

州人

閒行動是水雲家水競雲遲意自賒
前日云君松樹底
道書一卷把秋霞

知軒集

麟山晚眺

張錫爵

賜侯州人

江南水曲萬山橫一片斜陽照眼明最好尋春楊柳岸
雙柑斗酒聽流鶯

元妙觀夜坐

丹九道人

塵道年來強自持蒲團兀坐夜深時爐香欲盡問童子
月上花梢第幾枝

崑崙集

遊長流寺

王思孟

近聖州人

野雲深渡法王關溪水長流雪一灣笑問老僧尋勝蹟
幾株枯樹老荒山

蓮花池弔二烈女

高

鴻寶南川人

女郎甘與水爲家野碧沈沈玉未瑕湖裏一墩今宛在
香魂只合傍蓮花

讀書鎮國寺

張學塏

漢高州人

光分佛火手殘篇戶白鷺看達曉天茶竈未炊僧起早
一聲清磬破林煙

示嗣媳董氏

范倩仙

貞女

蘭闥獨坐轉淒涼一縷紅絲恨未忘今日冰心仍是昔
到頭終入女兒行

謝寒詩草

遊雨湖

四首

程大中

短橈輕漾七箱船，楓葉寒江遠接連。九十九盤山盡好，

幽樓柱自付王宣。

王宣湖
田村名

次第漁船不肯歸，輕橈故傍水禽飛。可憐一派煙光落，

曾照將軍醉打圍。

相傳明韓將軍
習水圍於此

十月寒林尚着花，塵飛不到野人家。停舟借問南溪水，
劇好分烹五祖茶。

寒煙被水口初低，尊酒相將過別溪。怪底山僧知客姓，

故人家在壽林西。

斤乙存稿
壽林寺名

斬州曉起

程大中

曉起江城獨酌時，麒麟山下雨絲絲。春風一夜苔初綠，

已有遊人折柳枝。

三十六水弔林徵君

程大中

松坡居士老還山，大隱終年不出關。三十六灣秋水碧，

飄零詩句落人間。

頌 旌節吳孺人

陳正英妻

鄭一桂

一片冰心百鍊鋼，秋風夜雨鎖幽光。艱辛立就當年志，

麟鳳山高江水長。

題陳封峯漁樵圖

施朝幹

鐵如

拔劍曾歌行路難
海天吹角望長安
從今莫話孤城事
只作漁樵一例看

題陳封峯歸隱圖示其哲嗣弁山

胡齊崙

學山州牧

斷春四載憩棠陰
尙憶宣和處士林
三十六灣秋水碧
詩情好共白崖深

雨湖口號

喻文鑿

斯州城南有雨湖
欲雨未雨烟模糊
從來不與晴湖比
杭諺晴湖不如雨湖
半日勾留便得無
紅蕉山館詩鈔

梳粧樓

斯陽雜咏二首

顧樹

萍菜州牧

左鑄忠孝右賢良
白石粼粼尙有坊
野鳥不知花落盡
畫眉聲裏勸梳粧

金粟影菴詩鈔

殊砂井

顧樹

輓轆金井晚啼鴉
燕麥春來尙作花
帝子當年抱仙骨
臙脂不採採丹砂

登鳳凰山

陳詩

鳳凰山半一茅亭
對面鷓鴣雜作畫
屏左有南湖右江水
不須更覓舊圖經

大樗山人存稿

登石牛山

陳環

我遊茲山山已秋秋風吹上遊人頭手把芙蓉一長嘯
驚起松際猿啾啾

念念山房詩草

放歌答蘄州顧黃公

施閏章 愚山

大風發地猛獸恐巴陵欲裂衡山動洞庭七澤橫天來
魚龍百怪相噴噓黃公黃公太奇肆使我目眩失位置
繁絃雜調相錯鳴語笑無端還滄泗一代風流澹蕩人
廿年烽火悲酸事君雖郢客生在吳顧曲追歡無事無
頻過幕府爲揖客時傍傾城眠酒壚流離滯迹秦公子

詞賦傷心楚大夫佩強甯拋三尺組魁梧自愛千金軀
扁舟忽繫蕭江岸兩月新詩不可算脫冠半醉作佯狂
舉杯欲擲翻河漢眼中之人紛如蟻灑落如君復有幾
調心密意君不欺吾亦分明看爾詩兩雄相值漫相許
浮名身後誰當知我昔過黃州飛騎登赤壁題詩破苔
藓長嘯響霹靂荒榛敗瓦山鬼啼玉局仙人不可覓早
知君臥北山阿悔不招尋吹鐵笛蹉跎晚相遇歲月行
將暮摧殘困簿書愁疾闕章句香韻重篇懶唱酬紫螿
黃菊少歡聚願黃公願黃公紛紛馬上皆英雄金鞍玉

勃橫珠弓吾曹腐唇誇績虎請侯磨盾嗤雕蟲君言老
去知音急此語能令雙袖濕驪虞垂首貌猶驕枳棘爭
榮蘭蕙泣空手無錢送爾歸秋燈夜雨百憂集及今相
見且盡歡君過三十我四十

臨江太守行

美高使君也
名培華州人

臨江江水見江底太守酌之甘如醴臨江野田半荆棘
太守見之淚沾臆露冕東郊騎瘦馬牛背牧兒不肯下
官齋種藥兼種蔬厨中自有武昌魚

華州元夕傷亂後無燈火

終年在家鬱不樂昨日出門客愁作觀燈擊鼓楚江頭
白骨青燐雙淚流長天漠漠山嶷嶷人生深淚爲誰多
自恨有心髮易白振衣再拜江邊石

五言律

壬戌歲除前二日登石牛山

陳詩

不因人境窄誰上石牛山路覺危中穩心從急處閒評
雲隨眼盡客氣一時刪試話無生語飄然任往還
覓盡嫌年偏登高怯體肥扶持衆力寂歷見禪機寺
入松林古山鷲鳥道微石牛留勝蹟徒倚欲忘歸

遊仙人臺

田憲材

縱步走仙臺仙雲拂面來泉簾隨地捲石壁向天開遠
水橫螺黛危峯隱綠苔今朝吟興偏此地有仙才

豁口道中

何明

十里垂楊道鶯聲破寂寥日中花影直泥濘馬蹄驕淡
草迷深塢殘扉續斷橋酒家春醖熟橋外一帘飄

齊門道中

何明

徑狹車聲緩潭澄人影空水環山左右雲巖嶺西東堤
柳馬頭綠夕陽牆角紅行沾問村店帘影竹林中

題王蘭渚省墓圖

葉為珪 桐鄉

三尺松間慕冢茸曲徑深野花薰夕照墳樹冷秋陰一
幅鶴人淚千年孝子心石門殊未改林外墓烟沈

七言律

登浮玉亭

楊世瑯 見前

磯如浮玉小亭孤倚檻人疑入畫圖蜀水西來歸九派
楚山東盡見三吳綠楊城郭春將晚翠竹江村酒任沽
興至微陰成獨醉守鐘搖盞出榛蕪

遊仙人臺

何明 雪圖

香火三生憶舊緣，
二劉踪蹟已成煙。
江湖遙望聊開眼，
碑碣前朝不計年。
人唵峯巒如虎豹，
我耽詩酒亦神仙。
茲行特與山靈約，
故把晴天換雨天。

仙人臺

黃秉良

仙人自昔有高臺，
輝指滄桑感劫灰。
九曲靈泉穿澗落，
一輪明月破山來。
寒杉幹老經霖雪，
怪石春深匿薜苔。
千載玉華銷燼盡，
蕭蕭古殿莽塵埃。

題玉山堂集

童穉倫

皎皎風華迥不羣，
論交先識鮑參軍。
新詞南浦春初草，

舊夢西湖水上雲。
金粟影中看艷摘，
玉山堂裡倩香薰。
更兼墨妙空前詰，
妬煞煞山陰白練裙。

蕪州十景十首

錄五

鳳麓晨鐘

吳之驥

展其

鯨鐘縹緲知何處，
鳳麓迴環最上層。
萬籟喧從煙外寺，
一聲鶯破定中僧。
塔鈴無語月初落，
霜杵齊鳴山欲磨。
借問下方高臥者，
幾人覺悟廟淵冰。

太清夜月

吳之驥

方塘一畝水，
瀟灑半枕青。
山半繞泉澹，
海百年塵劫換。

乾坤終古月輪圓句吟春草難辨夢鏡沒菱花欲化煙
何似春風池上石堅牢長伴漢樓船

龍磯夕照

吳之驥

谿銜墨石峙波心吞吐煙霞起夕陰斜照駛催飛鷁渡
大江怒激水龍吟黃昏古寺燈初上紅燒西山日未沈
最是英雄餘恨在暮潮淒咽不成音

龜鶴梅花

吳之驥

東風昨夜嶺頭還龜鶴爭春未肯開萬樹梅花千樹雪
三分明月二分山峯前峯後香留韻枝北枝南玉破顏

策杖騎驢多少客天然圖畫憶鄉關

浮玉晴沙

吳之驥

新磯浮玉擁孤岑小雨初晴客舫輕淺渚沙痕洶浪白
短橋山色渡江青平連遠水玻璃鏡倒印遙天翡翠屏
隔岸何人彈落雁西風一曲憶湘靈

爲少霞刺吏賦鸚鵡詩卽以贈別

吳之驥

訟庭開遍紫桐花飛鳥依依伴放衙佳語曾聞烏集聚
奇發不減鹿隨車冲霄有日豐毛羽賦物何人惜齒牙
惆悵桑榆春正暖一枝流滯在天涯

使君此去雪山輕
內翰當年負盛名
幾載風塵甘外吏
臨行涕淚爲君生
隼旗再領湖山勝
鳩杖重看父老迎
他日政聲還鶴起
鴻洲烟水有餘清

七言絕

梳粧臺

明湖濱道址
在湖州賦內

陳準
爲片

麒麟山下舊高樓
三百年餘剩一邱
蘭麝香消春寂寂
野花時惹蝶來遊

傷舊詞二十三首錄三

陳準

業師雲程叔鵬校詞詞

一室談經二十年
霓裳同詠大羅天
故園風雨今相憶

拱木蕭蕭日暮烟

菊裳弟秀才炳堃

親承詩禮在衡陽

隨侍先春閣
伯父衡陽翁授任

春夢空教到草塘
惟

憶三泉風月夜
餘全弟處
至今落葉冷秋霜

愚谷族伯工部詩

陳準

白首歸來忽夢楹
極星南陌嶽雲傾
天將塚壁留蝌蚪
無復傳經老伏生

訪顧徵君白茅堂故址二首錄一

吳之驥

鴻洞諸老半沈淪惆悵當年汝社人
斷瓦頽垣歸隱處梅花一樹爲誰春

龍崖道中

何明

路轉橋橫水滿溪溪邊古樹拂雲低
野藤纏到葉多處一過山禽自在啼

新州志卷三十

知新州事嶺西封蔚所纂修

雜志

祥異

君子道其常祥異不當有也顧天變動於上人事修於下惟所以應之者何如耳

國朝仁聖相承屢召休嘉祥固不勝紀災眚偶乘有德政以彌縫之雖失常而不爲變其前見於新者例得直

書志祥異

唐

文宗太和八年蘄州湖水溢

通志

宋

太祖建隆三年七月蘄州大雨水壞民廬舍

宋史五行志

瀛化元年庚寅八月蘄州水

宋史太宗紀

太宗至道元年丙申四月蘄州甘露降

宋史五行志

仁宗天聖三年己丑六月丁卯蘄州權貨務火

宋史五行志

徽宗政和五年乙未八月甲子蘄州獻芝草一萬一千

六百枝內一枝紫色丸

文獻通考

高宗紹興元年蘄州旱

宋史五行志

孝宗乾道三年丁亥六月蘄州水壞田稼漂人畜

宋史五行志

志

瀛熙七年蘄州大旱

舊志

光宗紹熙元年庚戌蘄州旱

通志

二年蘄州饑

通志

理宗寶慶二年丙戌三月蘄州火

宋史五行志

端平三年丙申三月蘄州大雨水漂民居

宋史五行志

順帝元統二年三月蘄州黃州旱

舊志

詳異

元

世祖至元二年斬黃旱

舊志

成宗大德五年辛丑冬斬州之斬春廣濟斬水旱

通志

延祐七年庚申斬黃二郡旱

府志

英宗至治元年辛酉正月斬州斬水饑

元史英宗紀

泰定帝泰定四年丁卯二月斬州屬縣饑

元史五行志

文宗至順元年庚午斬黃等路饑

通志

順帝至元元年乙亥十二月斬黃地震

通志

二年斬黃二州旱

通志

九年夏秋斬州大水傷稼

府志

至正十二年壬辰秋九月斬黃大旱人相食

通志

十三年癸巳三月月食太白是時徐真一倪蠻子陳友

諒等始倡亂漢沔斬春間

舊志

是年斬黃大旱疫

府志

明

太祖吳二年秋七月癸亥太白歲星合於翼

舊志

孝宗八年乙卯十一月斬州大雪甚寒樹木凍死鳥飛

墮地

舊志

祥異

武宗正德三年戊辰蘄州大旱六七月湖水盡涸可馳

驅舊志

世宗嘉靖六年丁亥蘄州大水漂流人畜

通志

十八年己亥蘄州大水低田盡沒市巷行船

通志

神宗萬曆二十八年庚子七月蘄州大風壞屋舍

通志

三十二年甲辰春蘄州大泉山東南裂百餘丈濶二丈

崇正初始漸合

府志

三十四年丙午蘄州荆王府火宮室盡燬

通志

三十六年戊申五月大水蘄州城堞可登舟城內巷道

水有深丈餘者

舊志

四十一年癸丑蘄州火燬荆府宮室

通志

四十七年己未冬蘄州大雪深五六尺

通志

熹宗天啟元年辛酉正月蘄州大雪大冰屋瓦地上冰

厚尺許

舊志

六年丙寅蘄州旱

通志

七年丁卯蘄州田鼠害稼

通志

崇禎二年己巳春三月蘄州地一日五震有聲如雷自

東北來屋瓦搖墜

通志

九年丙子春流賊犯蘄州四鄉殺戮無算秋饑冬賊又犯境自是歲多災寇民無寧宇舊志

夏蘄州晝暝大風提大樹數百株根皆向天小者無算

舊志

九年冬十年春蘄州常風飄沙飛揚如北地舊志

十年丁丑七月一日夜蘄州大風雨自西北來瓦雀飛

投南城壕死 蘄州竹過生花舊志

十二年己卯蘄州夜有五色虹下屬地數刻許天變暗

如蒙霧累日不解舊志

十三年庚辰三月丙申蘄州城隍廟古鐘自鳴明史五行志

蘄州州署所藏火炮未置藥一日自發棟瓦轟塌通志

五月蘄州武昌漢陽九江皆雨土於時黃霧四塞百步

內不見物氣溫臭焦撲人口鼻着物皆黃塵旬日始

霽舊志

六月蘄州虎入城傷人通志

冬十月蘄州晝暝路人失措雞犬驚指五刻始復通志

十四年辛巳天下大旱疫蘄黃等處飛蝗蔽天米斗銀

四錢民死過半舊志

十四年十五年夏秋蘄州多蠅飛集孔道團結行轉是年大疫殍屍載道舊志

十六年癸未正月二十五日夜蘄蒙霧黑氣四塞漏一鼓大雪明日張獻逆陷蘄舊志

五月蘄黃九江武昌漢陽每日將西即見青氣二撐日脚廣各二丈長至地七月始散舊志

夏秋間蘄州嘗有黃氣非雲非霧高數丈遠望則有即之則無舊志

十六年十七年蘄州城內多虎穴白晝出攫人時蘄陷

後荆棘滿衢巷官民惟取一二道行

崇正末蘄黃雞翼生距訛傳食之殺人舊志

崇正中末蘄州桃李梅杏之屬常秋冬華聚不為怪舊志

國朝

順治九年壬辰蘄州旱舊志

康熙二年癸卯正月二十九日天黑如夜至晚復明舊志

七月永福鄉有虎一日傷四十餘人至渴口與牛鬪為

鄉民所殺舊志

秋大水舊志

康熙二十九年庚午蘄州旱饑 通志

三十二年癸酉蘄州旱 通志

三十三年甲戌蘄州旱 通志

六十年辛丑蘄州虎入城 蒼屏集

雍正年間崇居鄉楊家寨土忽裂一口深入無際觀者引繩數十丈綴石投之無際但覺清泉隱隱越數年後復合至今裂痕尙存 舊志

雍正三年乙巳蘄州大熟 舊志

四年丙午蘄州大水江水泛溢田畝浸沒 通志

乾隆十二年丁卯又三月大風東關城樓毀石器俱移

置他所屋瓦紛飛如燕古木拔折無算 舊志

十八年癸酉蘄州水漂民居 通志

十九年甲戌蘄州大熟 舊志

二十年乙亥蘄州大風壞民居三百餘間壓死十餘人

通志

乾隆二十九年甲申蘄州衝水 標冊檔

三十二年丁亥水溢屯田

三十四年己丑大水城內可泊舟

詳異

四十七年壬寅四月望後暮夜大風屋瓦紛飛無算

五十年乙巳大旱秋冬道殣相望

五十一年丙午麥有秋

五十三年戊申大水市巷行船廬舍田疇俱被漂沒

嘉慶七年壬戌旱

十三年戊辰旱穀米騰貴

十七年辛未四月新州地震

十九年癸酉新州大水

二十五年庚辰大旱自四月不雨至明年首夏始通田

可耕插人心稍安

道光元年辛巳歲大稔

新州永福二圖民張氏田內麥秀兩岐呈獻 州主顧

准詳 府道憲以紀休徵

二年壬午六月大風拔木壞民居無數七月間夜有五

色虹見西北角

四年甲申六月間大旱荒斗米錢五百流民四起九月

間雨雪

五年乙酉麥大稔

祥異

七年丁亥五月霖雨山水大發漂沒田廬人畜無算

十一年辛卯大水城內市巷水深數尺漂沒田廬無算

十二年壬辰饑大疫

十三年癸巳大水

十五年乙未大旱蝗

十六年丙申大有年

二十一年辛丑大水饑十一月大雪平地深數尺四十

餘日未消人畜樹木多凍死

二十二年壬寅春大饑民取草根樹皮以食夏秋大疫

二十三年癸卯春二月天上有白氣一道斜指西方經

月始散

二十四年甲辰有年秋水

二十五年乙巳有年

二十七年丁未大水

二十八年戊申大水十二月布穀鳴

二十九年己酉大水雉堞通舟僅存麟鳳二山及熊化

嶺一帶青蒙大三鄉數起蛟漂流人畜無算

三十年庚戌大水民取野菜以食麥有收

咸豐元年辛亥大水青山陳氏家下紅雨

二年壬子歲稔秋多疫 以上舊志

四年甲寅十月初五日瞞池塘水鬪高數尺俄頃復平

五年乙卯夏六月水溢

六年丙辰六月初十日安平鄉塘水高勇數丈其上水

珠四溢俄倒聲如雷

七年丁巳夏蝗

八年戊午夏蝗

十一年辛酉冬大雪平地深四五尺堅冰彌月不解

同治元年壬戌正月十三日大雪三日深數尺

二年癸亥夏有蝗自宿松太湖至不傷稼

三年甲子夏旱蝗不爲災

六年丁卯旱

八年己巳八月初一昧爽風雨大作策山鎮國寺蛟起

廟宇如故惟神座下石裂一窟深不可測起時見有

金甲神仗劍逐其後一青衣人持葢隨之士人咸謂

白馬將軍顯靈云

九年庚午大水

十一年壬申五月下旬有鵲飛集州署馴擾他人西月始去州人士各賦詩紀之知州封蔣初爲題來鵲新額是歲至乙亥皆大有年

光緒二年丙子六月童子河一帶蛟水突起冲壓田地數百頃

三年丁丑臘月大雪凍結二十六日不解堆積樹枝昂壁如樹架

五年己卯崇居大同鄉疫

六年庚辰夏山水驟發自崇居青山至挂口濱河田地

悉沒房屋被淹

七年辛巳二月大雨雪冰結彌旬殺傷菜麥摧折樹木

無算

新增

補遺

崇禎十二年二月初一日蘄州署有石鏡十一門自震堂瓦崩頹署州事李色鮮將火藥傾出移出堂前空地後於三月初一日自震烟火冲天堂柱亦自起火

又蘄州各街道每夜鬼哭咆哮聞之有聲逐之有影

十五年新州樹杪火發焚其木殆盡

冬月團風鴨蛋洲有飛鳥萬餘投新州南城濠後張獻忠破武昌從鴨蛋洲渡此比之鳩鴿來巢爲羽虫之

孽

又新州有鬼白日成羣牆上及屋脊行走擲榆居人城迷陷以上俱見甯都三魏集

兵事

兵革之事無代無之斬自漢迄元明代有蹂躪我

朝承平日久民不知兵髮逆倡亂以來新境屢遭荼毒

幸

天威震盪盡掃欃槍彙而書之亦安不忘危意也志兵事

東漢

建安二年袁術僭號曹操征之術走渡淮留其將張勳

橋蕤於蕪陽以拒之

舊唐志

建安十三年曹操破荊州下江陵先主窘甚乃使諸葛

孔明求援於吳孫權遣周瑜黃蓋逆戰大破曹兵於赤壁旋師賞軍於新之江中名其地曰散花營即今散花洲也

季漢

建興元年

魏黃初四年吳黃武二年

六月吳賀齊襲斬春虜太守晉

宗以歸

通鑑

初晉宗為戲口

志作新口誤

將以眾叛如魏遣為斬春太

守圖襲安樂取其保質孫權以為耻六月盛夏出其不意詔賀齊督糜芳鮮於丹等襲斬春遂生虜宗

三

志賀齊傳

陳

大建五年五月南齊昌太守黃詠克齊昌外城

陳書宣帝紀

七月齊遣尚書左丞竊將兵二萬援齊昌遇西陽太守

汝南周吳吳留羸弱設疑兵以當之身帥精銳由間

道邀其後大破之

通鑑

隋

開皇九年正月新州總管王世積以舟師出九江破陳

將紀填於新口

通鑑

王世積闡熙新固

古國字

人世積於是移書告諭遣千

金公權始璋畧取新蔡據其城世積繼至陳齊昌太

守黃正始等詣世積降

隋書王世積傳

唐

建中四年三月曹王皋敗李希烈兵拔黃蘄州

通鑑綱目

時希烈兵柵蔡山險不可攻皋聲言攻取蘄州引舟

師泝江而上希烈將引兵循江隨戰皋乃復放舟順

流而下急攻蔡山拔之希烈兵還救之不及而敗皋

遂拔蘄州表伊慎爲蘄州刺史

通鑑

興元元年正月希烈以其將杜少誠使將步騎萬餘人

南寇蘄黃欲斷江路

通鑑

包佶轉東南財糧次蘄州賊兵萬人遏江道不得西

伊慎選士七千擊賊賊亂斯別將許少華漕無留艤

唐書伊慎傳

乾符三年十二月王仙芝攻蘄州

通鑑

蘄州刺史裴儼王鐸知衆時所擢進士王鐸在賊中

爲仙芝以書說儼儼與仙芝約斂兵不戰許爲之奏

官鐸亦說仙芝許以如約儼乃開城延仙芝及黃巢

兵事

犖三十餘人入城置酒大陳貨賄以贈之表陳其狀
諸宰相多言先帝不赦龐勛暮年卒誅之今仙芝小
非龐勛之比赦罪除官蓋長姦充玉鐸固請許之乃
以仙芝爲左神策軍押牙兼監察御史遣中使以告
卽斬州授之仙芝得之甚喜錄倭皆賀未退黃巢以
官不及已大怒曰始者共立大誓橫行天下今獨取
官赴左軍使此五千餘眾安所歸乎因殿仙芝傷其
首其眾喧譟不已仙芝畏眾怒遂不受命大掠蘄州
城中之人半驅半殺焚其廬舍僱奔鄂州勅使奔襄

州錄爲縣所拘賊分其軍三千餘人徂仙芝及尙長

君二千餘人從巢各分道而去

通鑑

四年十月黃巢寇掠蘄春招討使曾元裕擊破之斬首
四千級巢遁去

光啟三年十二月上蔡賊帥馮敬章陷蘄州唐書僖宗
紀

文德三年夏五月蘄州刺史馮敬章叛附於楊行密

唐書

昭宗

淮南將朱延壽奄至蘄州圍其城大將賈公鐸方獵

兵事

不得還伏兵林中命勇士二人衣羊皮夜入延壽所掠羊羣潛入城約夜半開門舉火爲應復衣羊皮反命公鐸如劫引兵至城南門中火舉力戰突圍而入延壽驚曰吾常恐其潰圍而出反潰圍而入如此城安可猝拔乃白揚行密求軍中與公鐸有舊者持誓書金帛往說之許以昏壽州團練副使柴再用請行臨城與語爲陳利害數日公鐸及刺史馮敬章請降以敬章爲左都押牙公鐸爲右監門衛將軍

通鑑

周

顯德二年三月唐蘄州將李福殺其知州王承雋舉州

來降

通鑑

七月唐將李平取蘄州唐主以平爲蘄州刺史

同上

五年三月時淮南惟廬舒蘄黃未下唐主奉表請獻江

北四州於是江北悉平

宋

建炎三年十一月淮賊劉忠犯蘄州韓世清逆戰破之

宋史高宗紀

初劉忠集兵於東京至是犯黃州蘄黃都巡檢使韓

世清與戰破之。陳邦瞻宋史紀事本末

蘄州蘄春縣建炎初爲盜所據紹興五年收復

宋史地理志

紹興十一年二月趣岳飛會兵蘄黃

宋史高宗紀

嘉定十四年三月金人陷蘄州知州李誠之及其家人

官屬皆死之

宋史寧宗紀

金人圍蘄州前後二十有五口守倅累官晝夜親自
櫟甲登城督勵竭盡心力緣是日午後忽得大雨火
牛被雨燒燎不著至二更風色不順彼以火礮石礮
攻打民兵無容足之地金人遂以雲梯登城殺戮知

州李誠之等至新寨調西門統制縣中小將江士旺
等努力巷戰須臾寨內火起彼兵追殺至南門其江
士旺縣中卽爲彼殺時誠之通判秦鉅等遇賊於子
城之十字街各以自隨之兵冒死鬪敵死傷畧盡誠
之度不能走奔回署內呼骨肉令速赴水自盡遂引

劍自刎

簡趙興表函載錄其時同誠之死者詳藝文
奏鉅傳

端平三年元兵攻蘄州孟瑛遣兵解其圍

宋史孟瑛傳

太宗九年冬

當理宗嘉
熙元年

口溫不花

岐譯
布哈

別攻蘄州

宋史

太宗
紀

兵事

靳守張可大委郡去

宋史孟珙傳

德祐元年正月丁丑元兵入黃州

宋史瀛國公紀

陳下靳州併招其子嚴於安東州

知靳州管景模遣人請降於黃州

元已延先令陳奕以書招之於是景模遂請降

宋史紀事

本末

壬午元兵入靳州

宋史瀛國公紀

江州提舉呂師夔知州孫奭孫遣人請降於靳州

元

太宗九年冬命萬戶張柔等攻靳州

元史太宗紀

至元二年八月都元帥阿珠畧地靳黃俘獲以萬計

元史

世祖紀

至正十一年八月羅田縣人徐壽輝與麻城鄒普勝等

以妖術聚眾興亂

元史順帝紀

徐壽輝一名貞靳州羅田人業販布往來靳黃間燒

香聚眾遂與黃州麻城人鄒普勝以妖術陰謀聚眾

舉兵作亂以紅巾爲號因壽輝貌異於眾遂推以爲

主

明史陳友諒傳

九月徐壽輝陷蘄水縣及黃州路

元史順帝紀

接蘄水元時爲蘄州屬縣

十三年七月卜顏鉄木兒

改譯有延鉄穆爾

進兵攻蘄州擒其

僞帥鄒普泰遂克其城

元史本傳

明

萬歷十六年歲大饑黃梅賊起劉少溪聚衆斬之青山

鄉老龍洞余孟新聚衆燕子巖與黃梅劉汝國衆合

州判陳策死之

白茅堂集

崇禎八年蘄黃大盜爬天王擁衆入百餘人村民擒之

明史紀事本末

十年二月經畧熊文燦總兵左良玉於蘄招安張獻逆

一丈青等賊荆藩爲之置晏邸中時良玉不主撫議

未二年賊果自殺城叛去

十四年草里眼左金王五營張獻逆東來走麻城以勾

之湖廣宋一鶴聞之渡江進兵屯蘄州擒賊謀焚舟

斷渡

明史紀事本末

是年招安草里眼賊安插蘄之青山上鄉大爲民害

後仍叛去

十六年正月左帥兵全營南下時各營兵不遵約束鹽船糧艘及沿江居民多被焚擄非左帥志也

盧志

正月毛顯文楊文富以爭駐防相率叛去從左營後南下楊文富親至城下脅取城內家眷口出不日敵賊破城之語

張獻逆陷蕪州

明史莊烈帝紀

正月二十六獻逆以二百人夜襲蕪州明日令薦紳孝廉文學各冠帶自東門入西門出盡斬之遂屠蕪州留婦女毀城稍不力卽被殺執守道許文岐獻逆

曾販杭州織文岐頗禮之文岐陰謀圖賊乃被殺

明史

紀事本末

二月二十二日城外房屋尙未焚盡者居民收集防守賊復攻破三險大肆焚掠蕪民殆無噍類矣

舊志

五月三十日賊破武昌至六月初二日沿江一帶浮尸而下水爲不流

六月方毛於徐四營兵奉左良玉令檢防蕪黃一帶駐蕪新洲不久掣調

國朝順治元年四月

大清兵誅李自成斬奉

旨置官安撫

舊志

五年三月九江寇水陸並進至靳之城南泰將韓友領兵擊敗之

六年二月靳州上鄉土賊焚掠鄉郵叅將韓友領兵擊敗之盡平餘黨鄉民獲安

乾隆十七年春江南霍山縣白雲菴奸僧正修及湖廣奸民胡濟修等黨首遊馬朝柱前在羅田縣內天堂寨假立神異煽誘動衆作逆書逆示傳單札符旂令

圖書軍器等項流言四起知靳州李泌偵知其實親赴楊河等處躡其黨羽飛報合憲陸續緝獲逆匪二百餘人起兵器火藥三百餘件楚督永公江督尹公先後奏

聞欽奉

諭旨分別輕重按律治罪其首逆馬朝柱從逆熊得勝等尙未就擒奉部覆嚴飭各省懸立賞格多方查詰期於必獲遵照節次通緝如初

舊志

咸豐二年十二月髮逆由湖南竄湖北陷武昌分寇黃

兵事

州蕪州戒嚴

三年

正月初三日賊由武昌下竄所擄男婦約數十萬人船
萬餘艘蔽江下據城三日廨舍寺觀質庫焚掠一空
九月賊由安慶上破田鎮營陷黃州知府金雲門殉節
偽聖糧陳玉成踞州之漕河遣衆賊於五鄉勒索錢
米名口打貢踞城年餘

四年春賊設偽職曰監軍

九月楊提督載福彭道玉麟率水師自武漢直抵州境
酣戰逾時燬賊船九十餘艘

十月知府許廣藻督兵驅進漕河遇賊於獅子口大破
之內是圍州起圍練

時楊提督昌泗陸軍已入州境曾侍郎國藩慮爲賊
所乘派彭楊水師與陸軍會剿平蕪州賊壘賊首陳
玉成棄城走

十一月十四日賊仍回踞州城州判魏作霖帶勇隨火
兵與賊戰於野塘嘴兵敗死之六品軍功孫占魁同
歿於陣

十二月羅道澤南塔提督齊布督湘軍至賊始遷官軍
迫至菩提廟大敗之賊竄黃梅

五年

正月初一日賊由黃梅上竄廣濟雙城驛大營潰楊制
軍需退保德安府遂陷新州據城年餘

六年

十一月二十五日楊提督載福克黃州西更率師駛下
次日抵蘄州分途兜擊賊不能支二十七日黎明遁
走遂復蘄州

時賊退紮廣濟縣號十餘萬十二月十二日悉衆上
犯將軍多隆阿領馬步軍七百餘適駐清河與賊遇
大敗之賊東遁

七年

四月初四日賊由六安霍山分股上竄踞英山署知州
彭應鯉調各團分扼要隘親督團勇赴英山羅田交
界樂利河駐紮

十一日賊隊大至官軍三路迎敵斬殺無算彭率團勇
乘勝克復英山縣城

十三日賊由英山竄蕪州張家坊十八日統帶福營同知李景福寶營都司金殿安武營守備余雲龍由興國州渡江駐紫崇居鄉青石嶺知縣彭應鯉率團勇由汪家壩小路進與官軍會

十九日賊大股分七路來犯寶武二營皆隔截李景福率守備張鵬高楊高柱把總胡開禮朱大倫衝突塵戰衆寡不敵同時陣亡營兵團勇死者各二百餘人二十日泰將葉永泰率虎營至二十一日都司徐統恩率鳳營至二十二日賊又分股萬餘由芭茅街撲父子嶺青石嶺等處官軍糧缺退保州城

五月胡撫軍飛調知府邢高繼統興國防兵三營合九江調援之三營駐紮劉公河知州彭應鯉率團勇駐分路街初四日李道孟羣派知府朱啟仁率師來會初五日出分路街寒坡石袁景衡三路進兵馬隊由劉公河夾擊之賊退踞望天峽青石嶺

初十日賊犯分路街泰將趙鴻舉都司盧又熊暨趙平二營會知州彭應鯉率團勇四路堵擊敗之

十五日賊復至官軍分兩路迎擊大敗之賊仍回望天

賊

二十日知府邢高魁會同舒都統保馬隊何泰將紹彩步軍移紮胡家涼亭蓮花巷等處

時賊盤踞張家坊望天阪與廣濟縣大股聲勢聯絡都統巴楊阿率馬步隊數百駐紮廣交界之居家岡薪水練首彭心友帶勇二百餘駐清水河練勇悉歸民房凡數月

二十五日官軍會同斬紳練勇抵青石嶺是日賊分五路來撲鏖戰五時之久賊始退州勇受傷百餘名死者數十人

時官軍與賊相持復彌月每日接戰團勇助之雖屢敗賊蔓延如故

閏五月十一日賊分入股來撲官軍分兵迎敵千總余開泰外委周如鳳死之賊之燒斃擄斃者亦千餘名二十一日官軍各營潰泰將何紹彩率所部軍堵截劉公河凡三日侯居民避盡始退全活無算

七月二十五日記名布政司李績賓自九江率軍上渡至黃岡孫家嘴大破賊追至潛河長塘角洗馬阪等

處賊望風披靡彭應鯨督勇隨官軍進攻張家坊復州城

胡撫軍派唐道訓方統帶訓營駐紮張家坊范家灣等處設卡礮以扼宿松九楚之吭

十一月十五日唐道訓方駐陳德園以固蕪州門戶是日宿松股匪三四千人由彌陀鎮直撲蕪界唐道會合馬隊團勇奮力擊之殺賊數百

十二月三十日太湖遊眾數千乘我兵度歲竄近州界唐道合各營及團勇擊退

八年

正月二十一二等日賊眾數千進踞彌陀鎮訓營奮擊團勇助之斃賊二百餘名賊退

二月初六日賊踞安仁河分股上撲旬日之內軍勇凡三戰殺賊千餘名

五月初八日太湖踞賊分三路來撲一由彌陀鎮一由桐山衝一由黃泥畝咸聚界牌石勢甚披猖官軍分路迎敵團勇爭出擊之斃賊數千官軍傷者數十人州勇亦二十餘人

十三日賊至界牌石沿路放火擄掠軍勇迎擊殺賊數百

十五日賊進逼彌陀鎮軍勇迎敵殺賊數百人官軍陣亡僅二人州勇死者二十餘人賊退真君寺

十七日賊傾巢出軍勇禦之大戰於彌陀鎮賊大敗死者無算賊壘全行踏毀次日賊遁退走石牌

十一年

三月十三日偽英王陳玉成卽四眼狗由德安下竄賊首唐霸子分衆數千踞蘄州需索甚暴五月奉偽檄

調去復以賊首劉維楨代之踞城共百四十有九日是年賊由英山竄州者兩次居民遷避不及被戕溺水者甚衆

同治二年

豫捻由蘄水竄州之漕河所過焚掠甚酷

三年

五月粵逆馮融和糾豫捻竄德安蘄州戒嚴

九月二十四日捻匪竄蘄州焚掠甚酷僧邱率大兵由蘄水道賊至州之上鄉團勇兩賊助之賊大敗竄安

徽

五年

鄭撫憲札諭各州縣堅壁清野州人立砦堡

附

團練

新州自咸豐四年知府許督兵來新諭五鄉二十八團

紳士協辦團勇按鄉各設總團一人總之四五人佐

之又按團各設分團仍各設總佐有一團一團者有

二三團合一團者每團大旗手鎗炮手各募壯勇尤

之散卒則按民之有力者家出一夫擇其略知兵者

為十夫長無事則各務本業有急則由各鄉總團通

知分團分團總佐各率部伍歸總團處酌量調用或

分守要隘或合力防堵或隨官軍以助聲威或扼賊

吭以截歸路所需各費俱按家資均派大略視山糧

之多寡為差等惟藥火則由各團總稟州詳請給發

至七年秋唐中丞義渠隨胡文忠攻復皖省駐兵於

大同鄉之范家灣以鱧魚頭地方為新北門戶於是

相度地勢建將軍第一關距太湖宿松英山黃梅界

各數十里不等又擇險隘處設八卡相與犄角其當衝者則惟距太湖之陳德園英山之打虎廠楊樹塢宿松之宋家嶺黃梅之唐家山爲最其餘牛頭冲小臨嶺棠梨嶺二卡爲接八卡一關連亘五六十里皆督鄉團守之一卡有急眾卡分勇援之五鄉二十八圖一圖有急各圖分勇助之前州彭屢隨大軍督勇克敵募兵民壯皆與有功蓋蘄州南濱江高山在北東去城數里卽廣濟界西與蘄水毗連俱係通衝有官軍上下無庸設卡故關卡皆偏北境也至按鄉團勇按糧派費藥火請給永爲定章嗣後寇亂刑平民

安耕鑿

國家以州屬蕞爾地團費捐至數十萬金特恩加廣學額與兵難者並明世襲團練一事殆可備而不用焉

外志

仙釋

三氏之學涉於虛無儒者每難言之然釋老竝立代
衍其儔抑天地間所不能廢也善乎朱子有言曰因
彼稊稗之有秋悟我黍稷之未熟故彙而書之非希
心於元妙也志仙釋

隋唐

二梵西竺僧隋唐間三僧入中國一住興國東方山一
住州之三角山二梵住圓峯山屢著靈異山半有泉

土人祈雨輒驗

白崖高谿寺僧有人願從其教師曰法元胎也引人山
剝滌五臟途人驚往覓之弗獲惟一石在若白崖形
按舊志載於唐之末今以時代考之當移置於前

費郎君者名光輝世畊大明山母劉氏簡夫元昇遇雷
雨晝晦欣欣若有感遂娠三年乃生郎君四歲就塾
學好從澗中浴師跡澗則龍也遂失所在一日歸
立簷下約父母俱往如期風雷拔屋以父母去

王全昇飛昇於天長觀中

司馬氏道信佛家宗派所稱四祖也初卓錫於州之鳳
皇山繼徙破額山卽山以其法傳宏忍稱五祖後俱
徙黃梅漸有神秀者禮五祖於黃梅遂開南北之宗
令珪涿州人母夢一星墜懷而生卓錫於三角山山多
虎珪至虎悉遁去因號伏虎禪師後逢早年祈雨應
宋仁宗高宗俱有賜號 祖師俗姓韓

張祖師卓錫龍泉岩旁有巨石先爲妖神魯原所據祖
師至欲奪之約與俱浴原起祖師覆手巾於上原獨
之再三不能起祖師卽石上坐原怒登山發三大石

擊之其二左右植一幾及頂祖師掌承之遂結爲龕
手中跡猶存遂取以名葺

陳氏志稿

五代晉

羅翼不知何處人相傳飛昇於乾明磯石上踵踵若履
跡然後人遂建閣於上名曰飛仙今廢又有劉六者
同時人居大梓山亦飛昇去

按舊志載在第一款以時代考之不合今移錄於此

宋

麻衣道者姓李名和生而紺髮美姿異常入終南山遇

異人授一牒曰南陽之間湍水之陽神開汝鄉汝則
行之可以翁神蒼茫後得樵者導其處居之十九年
義熙中早居民張爽率眾請兩麻衣苦無術是夕有
丈夫十二人來謁狀貌猙獰謂第許之翌日果大雨
與唐無藥禪師遺蛻俱存石鼓院中

戒和尚居五祖山東坡同山谷見清老清語坡前身爲
五祖戒和尚卽此 考東坡事見春渚錄

明

郝悟通者麥楚李之徒先是荆永定王迎麥楚李於太

仙釋

和山破衲入王宮王問長生訣曰修身齊家長生訣也送歸至漢上未及垸自舟中逸去後王幾以罪廢國始悟李語因敬悟通萬曆中大旱王命求雨自暴烈日中雨至坐化王以禮葬之

雪菴和尚者託堪輿往來於蘄之崇居鄉長年不爲人卜一地謂陳氏夫婦賢爲構一門一葬其先世後不知所終著有字字金葬書行世

考廣輿記雪菴姓葉名希賢太祖時進士因建文之難遂隱而爲僧後入蜀

僧源潭與里中鄧茂七善一日茂七從石窟中獲一劍以示潭偶攜之飛禽望空首落潭曰此禍本也宜捐之不聽挾之以走閩正統中爲亂於沙尤古田間有司命潭招撫潭仗一劍與之飲乘茂醉起易其劍擲江中亂遂定事聞詔建宏慧寺於蘄以居之

歸宗語不虛發雖尋常談論必透宗旨萬曆間鄉官袁世振迎任宗遠菴結十齋社

憲鑑江右人兄弟凡七人俱爲劉大將軍偏裨從征六人皆卒於軍鑑獨存遂葉家爲僧天啟間募修石鼓

寺

張后山不知何許人鬻燧上僕魁一紵常睨一妓不答
乃引手向空取新衣舉止粹潔眾大笑忽問公等可
少嚼乎復向空取美酒肥炙餉之後坐盃荆府物下
長吏后山涕泣叩頭額盡瘡曰死矣願少與我酒酒
至后山注目之叫霹靂應聲自酒中起后山并桎梏
俱失所在

不知姓名翁年可八九十好緣鱗山高處臥或掉之墜
笑自緣起如是三掉三緣起疑其瘖也一日言天地
闢耳或驚問先生言矣何謂道曰耳其目目其耳鼻
其口口其鼻之謂道後失所在

聽心爲僧三角山白雲菴不識字惟日拜觀音一日傾
淨水處生蓮花因閉關三年遂頓悟解諸經并博通
文字言晴雨輒驗後之蜀所居寺后有磐石坼裂有
聲欲墜僧坐裂處誦心經石卽合

雲外歛縣汪氏子明末以諸生披剃爲僧先居匡山八
九年人罕有知者後來州之南嶽寺示寂時預定時
日手書法語數千言又著有宗鏡等書

四宏安慶人白龍潭寺僧工書法風骨稜稜得顏魯公體荆府雅重之墨跡至今有存者

國朝

臥雲道人明宗室易姓李住元妙觀二詩不存彙惟雁字百首州人士誦之

丹九道人姓易名來成陝西人由麻姑洞來住元妙觀工詩常運腕臨帖預知化期著有崑崖集

佛幢居東山寺元初居三關葺二僧先後大倡宗旨時靳當寇難之後士大夫頗言因果多從之

界定鎮國寺僧田氏子州人臨濟門下麟瑞九世法嗣性沉靜工書法託堪輿以自晦著有語錄

崇一居氏子廣濟人明末讀書白鹿洞遇異僧披剃了悟禪宗

國初住朝西庵著有語錄傳法容海再傳悟源掌僧正教最偉福興寺僧與陳友夏參究宗旨多所了悟寂後三年放龕如生僅一小指朽焉

山月三角寺僧性沉靜通古籍除游謁外終日焚香默坐嘗曰吾山以鎮身月以居心故各州人士咸重之

鳴庵東山寺僧結葦草亭吟咏其中州有雨湖七子吟
社鳴菴與焉

慧澤三角寺僧師登寶座大眾側聆師卓拄杖一下僧
曰答卽便答又卓箇甚麼師曰百雜碎

迷指三角寺僧有夙慧其胸空洞無物著有語錄法嗣
多宗之

天竺住大泉寺又住菩提寺凡九坐道場說法十一會
後寂於澗南著有語錄

雷門震和尚江西萬載縣方氏子年十八不就婚入廬

山披剃悟宗旨後任新之大泉寺有語錄及雜著

紹嵩居三角寺著有語錄

福庵三角寺僧著有語錄

靜惟慈慶二僧俱工詩有稟 以上俱舊志

按舊志所載釋氏以山紀者若烏牙山之行朗清梵

彥賓三角山之眞鑑法遇志謙四祖山之清皎法演

端師悟通志謹仲宣曇華五祖山之山秀道初大演

表自凡十八人以寺紀者四人若龍華寺之曉恩開

元寺之了琦瞿金寺之馬祖龍潭寺之理公 皆外地人

以地紀者一若壽聖本州人此皆無可紀述姑附見於此以俟詳攷 謹按錢志所錄盧志以上諸人皆有紀述錢志未詳錄今仍之不復補入但三角山尙有志操龍華寺尙有高禪師又外有廣濟禪師其名亦遺漏并錄以附見之而馬祖則盧志所未見者未深考

羅庵和尚蘇州嘉定陳氏子母娠夢天竺僧入室而生十五卽好茹齋十八祝髮爲僧自悟宗旨順治甲午自黃梅五祖寺來居勸之存金寺著有語錄

舒祖師羅庵四世孫少不婚祝髮於州之紫金寺修煉有悟後居存金寺將示寂預定日時手書詩一首坐化數年啟龕如生

霜松石牛山胡東庵僧宣城童氏子年將四十祝髮善行工詩著有語錄

兩梵西河廣教寺僧能詩與邑侯顧伴藥州孝廉吳己山往來相唱和

巨岳城西清源殿俗呼小廟僧孝威黃氏子工於詩出家後常憶母詩多見母憶母之作者有夢幻吟陳愚谷爲

卷三十一
之序以上新稿

寺觀

南北之宗皆寓於斯其勝蹟猶有存者細流黃冠之所溯而處也故祠祀之外寺觀亦在所不畧抑古聖王以神道設教之意歟志寺觀

正覺寺在州治南唐四祖道信卓錫於此通志明洪武年僧正司明鐸重建俗稱鳳山寺亦曰世祖寺有轉輪藏閣鍾鼓樓爲殿左右翼有僧寮榜曰七葉

國初李廷楷等募修方丈道光己酉僧明修募重修咸豐三年燬於賊僧隱林果成竭蹶告募營寺一區同治

甲戌春知州封蔚勛倡捐重建新廟宮弁右側客座
禱房夏四月復修江山青趣亭

記詳藝文

東山寺卽五祖寺在兩湖岸唐五祖宏忍卓錫於此見
舊古自明洪武嘉靖

國朝順治雍正乾隆凡五次修葺道光年間監生李蔭福
重修觀音堂地藏殿并於兩湖之間建亭榭以爲游
客憩息之所

二耶廟祀秦李冰第二子蘄州衛官軍戍平溪代清浪
征諸蠻數遇灌口甚獲神佑故特祀之州境廟有四

州城二漕河二

按考東京夢華錄六月二十四日二郎生日漕河每
年六月二十六日賽神出會炫耀異常鼓樂喧闐又
爲嬰兒高臺故事遠近皆來觀劇所費不可貲計乾
隆年間知州錢檢亭禁其事今仍復如故

志畧

雲臺仙院在州治內三眼井前

鐵佛寺在北門內佛像皆鐵三鐵鎮蘄陽此其一也明
洪武元年比丘永明朔嘉靖十九年荆府重修

元妙觀祀老子舊在麒麟山宋祥符間道士李可道朔

明洪武間道士王德榮遷建於東門外天順四年荆
靖王重修正德嘉靖荆府復修宋誠王嚴爲之記詳藝文

國朝雍正李元序妻陳氏捐田爲香火費

東嶽廟有七一在州城東門外明洪武間黃均建永樂
間陳士冠重建鄉官孫天衢及老會捐置各田

國朝道光二十五年稅書葉期榮重建一在閻家冲洪武
初閻岳建一在永福鄉雲臺山壽官熊維賢維岳建
嘉慶四年熊有奎等捐修道光二十二年監生熊啟
第等重建一在大同鄉高砂里十三戶約所一在

山鄉興隆山吳鳳閣鳳樓重建道光年間僧募化重

修舊志一在永福鄉螺螄港一在安平鄉撤棗畝宏

治中高鵬建萬歷間鵬裔孫楚學捐募增修

寶月庵在東門外教場口

宗遠菴在東門外明萬歷間鄉官袁世振爲僧歸宗建

記詳藝文

奎星樓

在泮池左 國朝江甯道徐僊建知州錢蓋重修道光初年知州顏澍重新

如是庵在東門外明天啟間僧海瑞建

三官廟在東門外

寺觀

鉢蓮菴在雨湖中明天啟開鄉官楊芬建

詩詳藝文

道光二十九年水圯

石鼓寺在西門外濱江羊子墦宋咸平

舊志作寧

中建明天

順初荆府承奉院古修天啟三年鄉官李瓊岳鎮華

等重修兵燹後復就地僧寂惠募修

陳氏志稿記詳藝文

禹王閣在城西南隅乾明磯右

乾明寺即觀音閣明永樂中比丘知安遷建正統間福

慶重修嘉靖五年荆府新之年久圯頽光緒乙亥知

州封蔚祜倡捐重修左有湧月樓足供游覽

記詳藝文

龍磯寺在江心即入蜀記所紀龍眼磯江中卷耳石磯

旁山上有龍祠者是也咸豐三年燬於賊同治八年

總兵曾紹霖捐建

詩詳藝文龍王號詳鬼神

四官殿在北門外

法勝寺在蓮花池北岸明洪武僧法崇初建天順二年

荆靖王表請為祝聖道場得賜今額嘉靖十七年重

修

詩詳藝文

五顯廟在第一關

詳鬼神內

八蜡廟在第一關

舊志遺詳鬼神內

寺觀

昭化寺在城北明荆府建成化八年僧智明重修

詩詳藝文

萬壽宮在羊子潦江之涯順治十五年豫章客建生員

盧灝施基道光二十九年水圯

百神廟在小西門外乾隆十二年僧廣照重修道光二

十九年水圯

白馬將軍廟在西門城內因舊宇太狹道光二十八年

監生李蔭福捐基拓建白馬將軍姓胡名成宋進士

爲崇居胡海始祖

國初士寇爲亂將軍保獲之功甚多策山亦有廟祀

志舉

魯王廟在小西門內

高山廟在北門外

三閣庵在南門外今廢

祇園庵在泮池左今廢

慈雲庵在迎山鄉官饒京建盧縉修

大同青山俱有此庵

武當行宮在州治右荆府建今廢

三閭祠其址舊有五一在遞運所一在鴻宿洲一在幸

子潦一在挂口一在王厰今俱廢

所廟宮在四祖寺左荆府建

三聖宮在州治前向專祀武聖道光十一年因武當宮

火星廟紙園庵俱毀移三廟神像供奉於此遂改武

聖宮爲三聖宮

極樂庵在迎山

三元宮在都司署前

慧照庵在鳳凰山下

七聖廟在城守署右

霞蔚庵在南門內

宛中庵一名城隍墩在一關外

天王廟在能化嶺附近有準提卽第一社

火星廟在南門內今廢附見前三聖宮內

芭茅山廟祀總管星吉

詳鬼神內

在鳳山門

龍峯寺在州北挂口

大泉庵在州東大泉山鄉宮李本衍建

華頂庵在州東大泉山陳士階建

馬王廟今改名太平寺在都司署左道光二十八年營

兵重建

仙塔寺在渴口

威靈都廟在渴口下市

慈雲閣在渴口下

靖明寺在靖明山

今呼太平岩

唐建明宏治中重建見鐘文

白茅堂集

詩詳藝文

按靖明寺一名積善寺鐘皆銅鑄成聲音洪亮可遠聞數十里寺內重器也

廣教寺在白雲山下明洪武間僧守住修正統間僧明

鐸重建順治初天章禪師重建

白茅堂集

菩提寺在州治東三十里菩提壩明正統六年僧智英

重修

通志詩詳藝文

開通寺在州治東北六十里高山鋪左紫玉山光緒八

年僧妙仙重修

詩詳藝文

萬善禪林在州治東三十里黃土埠黃氏香火

前定庵在州治東三十里曹英戶香火

下河廟在州治東二十五里明岸生張文幟及弟貢生

文同建捐有香火田

南泉寺在州東十里

寺觀

五

麻背廟在安二關沙河

新林寺在治東四十五里

萬應庵在展旗砦

古泉庵在治東七十五里嘉靖間僧先枝重修

顯靈廟在治東七十里康熙癸巳間建廟前古柏二株

甚蒼秀

城隍廟在羅州城內

楊泗廟在漕河下市乾隆間沔陽人募建 楊泗水神

舟人所祀出處未詳

三官殿卽翠雲庵在湯口中市陳國棟捐建眾姓共置

香火田

萬壽庵在治北四十里

朝陽庵在治北四十里

楊公潭廟在治北二十里

代明宮在治北五十里

萬善庵在大旺山麓

地藏寺在治東十里黃氏香火

沙徑寺在治北十五里明景泰間僧明珍修

靈泉寺在治東八十里明景泰僧智寶修

福勝庵在治東四十里盧時俊施基并香火田

國初僧圓理圓明募建 詩詳藝文

甯泉寺在三渡橋王氏香火

廣福寺在安平鄉

雲蔭雲覆二庵在治東二十里黃氏香火

華嚴庵在治東大徑橋一名顧家庵顧氏香火

圓峯寺在圓峯山西蜀僧二梵卓錫於此旁有亭土人

王氏所建即祖師真身所藏處 志畧

長流寺在治西四十五里

漁田寺在永福西湖尾有賈島詩刻今佚管氏香火

金山寺在馬驛山久廢

龍窟寺在高家衝有龍窟井

靈虬寺在治北七十里明正統間僧福興重修

願黃公有山僧說靈茶詩自註云產寶掌道場相傳

仙媪指山

鎮國寺在策山生員張錫爵建

城山寺在城山巔

寺觀

永福寺在治西雲峯山明洪武間建

茶庵在彭思橋

懋化寺在懋化山

策山寺在西瓜尖

衍慶庵在玉屏山生員張錫爵妻楊氏建

三祈庵朔陽觀龍井庵俱在永福

福勝寺在五藥山之側有井歲旱不涸

斗姥宮在彭思橋下

青龍庵在永福二圖去廟里許卽雷月井

靈官廟上晏公廟濟渡庵俱在散花洲

宏化寺在治西北五十里宋建張氏香火

茅山張玉廟在治西北六十里唐時建

國朝道光間募修

太子廟在張雷沖頂

科亭寺在青山何萬章口相傳唐時建里因以寺得名

里中二十戶公所也寺側有首烏成人形數百年物

也陳虞部有句云古木寒泉聯夜雨寺名鐘款親前

朔州編戶錄

松山寺在治北一百一十里松山衝頂碧雲峯明永樂

間龍虎禪師卓錫於此旁有古松一株蒼古如畫

三洞龍王廟在三角山宋慶曆間祈雨有應封侯紹興

間進封王

龍門資教寺在三角山後梁僧慈應初宋仁宗賜額龍

門高宗加贈資教元至正間比丘德明有碑記明洪

武元年僧正果重修

按唐伏虎禪師卓錫於此見仙釋志因祈雨輒應宋

仁宗高宗俱有賜號

古佛寺在州北百二十里僧智誠建涂元施有祀田

福興寺在陳家壩明荆王建

達城廟在達城河祀二令相公相傳爲洞庭神

白塔寺在治北八十里

桃園庵在治北九十里李勝高勝祖建并施田課一百

擔

萬壽庵在分路街蔡家沖駱恭先妻陳氏施並捐香火

田

大慈庵陳華重建施有香火田

蘇木堂僧漢月建今夏名威濟庵陳氏香火

大琳宮在黃城河口

高店廟在版腳樓

仁壽庵胡以蔡建

東山庵胡學晟建

廣福庵在陳家壩上

龍崖寺僧止水建今廢

龍會寺在青山

遠塵庵僧自成建後傾圮道光間職員陳國治捐建

關溪寺在關溪河李氏香火有齋田

天臺寺在治北八十五里

慧連庵在治北九十里

洞下庵在治北百二十里康熙間何元賜捐建

龍泉庵在治北八十五里

智慧庵在火礮沖路氏香火

文昌宮在分路街監生駱炳生員武繩其募建爲里中

士子結文社處旁有字藏

太平庵在治北八十里

菊蘭庵在治北八十里

陳家庵在治北八十里

契如庵在治北九十里生員駱仁止建并捐田課七十

七石六斗孫杼慧募燈田課二十七石

隨靜庵俗呼駱家庵駱仁止建

錫麟庵俗呼李家庵在火燄沖口

國初李氏建有香火田道光六年駱兩階捐募重修增置

田課

廣惠寺在分路街何樂入建

靈鷲寺在郝家壩胡心鑑兄弟建

文殊庵在獅子口市明時建嘉慶丁巳市人重修今改

爲 武聖宮陳愚谷有記詳藝文

大王廟一在野雞窠一在分路街祀牛馬大王最靈顯

明聖廟 朝陽菴 白雲觀俱在東北百里黃姓香火

白衣庵在治北九十里生員駱洪建

紫雲庵在黃茅山下王氏香火

三泉庵在三角山北左有石屹立明州人陳仲梯鑄清

風高舉四大字 又有龍洞寺在三角大巔之下祀

三洞龍王詳鬼神內因傾地道光開職員陳國治
募化重修

一空庵僧一空建

黃金廟在胡敬沖祀三司總管

南陽寺在青山坳土地坪廟在董家沖頂祀梓潼

以上新稿

天長觀在劉公河上晉永熙間王全真人朔明洪武間

道士蔡會祥正德間道士盛從改建

金鷲寺在治東北百二十里通志謂嘗有金鷲出石間

其上有籠鷲石

手巾庵在張德斌沖張氏香火

旁有石洞張巾祖師真身在焉

志畧

高溪寺在高溪阪宋紹興間僧白崖建

詩詳藝文

大竺寺在治北百三十里明洪武十三年僧印信修

士子庵原名賜子庵生員胡宜典等改建今名爲士子

肄業處

羅漢廟在羅漢尖下曹姓香火宇外有古松二株蓋數

百年物附近有白雲庵談姓香火

六度庵在州北百四十里監生吳璘改建所捐賑族義

舍在內 今廢

石觀音寺在崇居

寶林寺在治北百五十里唐貞觀時建明洪武二年僧
無塵重建

明善寺在治北百三十五里明吳管財管珍建

風嶺寺在治北百四十里太平山吳友朋建

蓮花庵在治東北百里下有市集

樂如庵在青 石嶺後陳時疏建捐有香火田

白雲觀在北極尖下陳仲建施有齋田

雲蓋寺在橫岡山上有祖翁殿斬廣二處共祀

隱靜庵在治東北百四十里明萬曆中王氏建

雲峯庵在治東北百五十里

國初張氏建

白石庵在治東北百五十里明宣德中陳氏建附近有

瑞龍庵

總管廟在聶家壩

河東悟真庵黃泥堂俱陳氏建

雲林宮在胡家涼亭祀張七相公卽麻城所稱蓋天帝

主是也

太尉廟在治東北百六十里王裕沖

田太尉相傳卽唐雷萬春也以雷爲田正與程史所

載成都優伶謬稱田萬春至於祖楊奮祭遺曰有兩

頭也得以諷主司者相似然彼以爲戲言而此以爲

實事何也辨論甯田事見程史第十卷編戶錄

康仙寶殿在康宗堡一作師今改爲康國公祠編戶錄

康茂才從明太祖有大功封爲斬國公今居康家沖

者皆其苗裔也志畧

槎真寺在康宗堡上沖士人呼槎爲遮呼真爲禁以鐘

驗之知爲音近之訛而實則名雜正也一名秀峯寺

編戶錄

宏慧寺舊名清溪在大同巡檢司署側宋僧紹慶初建

明初僧道真修宏治間奉勅改建詳仙祥志內際傳傳寺內有明中丞

石崑玉碑

元善寺在治北百八十里燕子崖下明末邑人胡士鼎

避賊於此及賊至縱火焚之鼎夢有人掣置深潭中

乃抱木而浮遂卽其地建寺

紫金寺在治北百八十五里四祖寺僧如鑾修

紫金寺長峪里七戶納所有鐵碑經戶錄

成真寺一名瞿金唐貞觀間章金馬祖師建後改爲存

金在治北百六十里嘉慶間僧博也重修

按舊志瞿金存金作二寺一如青山寺內龍門資教

三角資教分爲二寺同一重載

溪山觀在治北百四十里宋元豐間道士桂道錄荆明

洪武間道士江秋修

山有樸樹五株今合爲一蓋前代物也

天真觀在州北百九十里元至正間道士詹道元荆明

洪武間道士王嗣斌重建

觀左有太源山東嶽廟高砂里十三戶公所也

編戶錄

迴龍寺在葛場山田祿戶建施有香火田

普照庵在葉家山

盤石寺在治東北百八十里唐貞觀間僧合一建

三峯庵在治北二百里僧智誠建

朝西庵在大同僧宗一開禪於此雲隱寺亦在此

烈士庵在大同司祀田金浦

仙人臺仙人劉玉劉六修真處山塢有寺正德間州人
郝守正讀書於此

天池庵在治北百四十里前明宋氏建附近雲天庵亦
宋氏建

桃源庵在治北百四十里
西崖寺在治北百三十里

萬壽庵有二一爲韓甲元建一爲張必相建

鎮定庵鹿苑庵南屏廟衍慶庵明時建孫氏香火
觀音庵明時建文氏香火

龍興寺康熙間建

鐵佛庵吳氏建土人得鐵佛二尊明萬曆時建故名
城隍廟在大同司署程碩卿建

普陀庵在仙人臺下

紫荊寺在治北百四十五里舒祖師修煉處

白蓮寺在將軍山下

以上舊志

大王廟在大同鄉長安卡外丁家畝

神姓蔡名萬春唐宋俱有勅封相傳明季流賊攻長
城寨神以神兵暗堵賊見裝束類廟中神像則一足

次日見護寨者有跛相遂毀其廟至今修整金身所
別之足續則必斷咸豐戊午年官軍守長安卡每出
兵隱見旗矛自廟出輒獲全勝離廟三四里有石馬
槽二爲大王所遺土人謂不可動動則雷雨交至亦
奇蹟也

同緣菴在魏家河後僧能元募建湯魏二姓捐齋田石
壁鐫有阿彌陀佛四字

太平宮在大同司署前面山宋管爵建捐田稞二十四
擔

桃源菴在白水坂上衝宋評士建捐田稞百二十擔

雲天菴近桃源菴宋氏建

迴龍菴在田祿灣羅祖祠左田祿戶建捐有宇藏前田
稞二十五擔五斗

懷林菴在田祿灣田萬金建捐田稞三十擔

普濟寺田相楸募建

普陀菴在仙人臺下仙人衝

永慶菴在仙人臺下仙人衝

丁公祠在檀林河祀鹽運使銜丁銳義咸豐九年勦賊

至江南三河殉節後提督軍門梁鴻勝捐建置有田租十九擔孫振全亦助貲以爲修祠之費

崇國寺在州治北百五十里范氏建

香鑪石廟范氏建

西竺菴在青山上鄉張家坪吳廷昌建捐有山場田課世順菴在獅子口下街內祀關聖像於氏夫婦年老無嗣捐有田課亦設木主祀之

碧雲菴在青山上鄉檀剛吳登元兄弟同建置有山場田課

萬福菴在治東北百二十里明萬厯年間蔡永耀建今爲八股香火

武聖宮在治東北百二十里芭茅街中光緒六年從九張彩章募建爲本處眾姓公所

永安寺在治東北百一十里永安畧內同治九年眾姓公建

溪山寺宋道士桂道錄創明萬厯己亥張清才兩分承買重建

接引菴在州北百一十里

紫雲宮在治北東一百里蓮花菴下街中同治年間太學生龔漢亭募建龔本理本建捐基

龍泉菴太學生吳善鏞建捐齋田七斗五升

廣緣寺在治東北一百里同治九年太學生龔夢兄弟七人於寺中設育嬰堂捐置洪祖二等處田課二百一十餘石計價足錢一千四百餘串以爲收養費用前知州黃 獎以情殷保赤匾額

添壽菴鄒姓香火

萬福菴郝金蘭創建郝姓香火

何家菴何姓香火

悉新閣 聚星館 俱在崇居鄉黃信甫先塋水口鱗堆山下後墜石有眠牛形宛然如刻左距河數弓前臨小港港入河有石梁名浴佛橋黃樂道樸軒品菴祖克下同建

永興寺在大同鄉楊家山黃樸軒龔支下香火

郝家洞吳邦文香火

柏鑪菴在治東崇居鄉離城九十里有明萬曆間石鼎重千觔光可鑑人張受戶柏梁祖香火

寶月菴在治東北一百里龔姓香火

復興寺原名皇經菴在治東北一百里陳龔二姓香火

東嶽廟在黃婆坳安平鄉二圍三圍公建

天竺寺在龍頂寨內朱榮香火

新林寺在州東四十五里同治癸酉例貢陳春貴捐資

重修永爲香火

關帝廟在竹瓦店安二公所

永豐菴卽翠雲衝

太尉菴在永福寺西

西竺菴卽三教堂

太子廟在龍頂寨西麓

岐山廟在仰山廟北

圓通寺在高陽山

永福寺在下陳隆

長壽菴在棠梨坳

仰山廟在上陳興

迴復寺在蘇家圩

清化寺在蘇家圩

迴聖廟在竹瓦店西

田墩廟在竹瓦店西

孫家菴在竹瓦店西

蔡家菴在竹瓦店

月塘寺在老鶴嘴

天元寺在老鶴嘴

三元宮在老鶴嘴

東福村在下河廟北

西福寺在下河廟北

諸祖廟在下河廟北

眞如菴在治東三十里

若與菴在治東三十里

雨台山在治東三十里

元眞觀在治北九十里許景常祖建並捐田課三十五

石成豐初燬於賊光緒六年監生許壽發重修

龍王菴在安平鄉四圍九甲離城七十里

靈長菴在東關外二里張家油坊

龍隱寺在永福西湖嘴明中憲大夫周祈捐建有碑

雲龍菴在大旺山北麓治東五十里

禹王閣在米家山麓治北五十里江姓香火

金龍寺在米家山治北五十里曹姓香火

青林寺在米家山治北五十里

顯靈廟在州治東七十里

兩松菴在州治北六十里

武聖宮在崇居鄉望天畷

重慶菴張其仁香火捐課三十擔

慶雲菴許子美香火捐課三十二擔

普渡寺張道祖香火捐課二十六擔

興福菴俗名慶虎坪明貢其志建後燬於兵 國初

貢慶祖文下復重修之

貢家菴貢立菴施建

同緣寺在魏家河西山中

安樂壇在張家塆河西明天啟年間建湯范蔡文江徐

六姓香火

錦善菴在汪家福鋪汪建唐祖捐建

天姥宮在蓮家山下汪胡二姓同建

棲賢寺在荷樓山汪大棟祖捐建

朝天宮在烏場山左汪志華祖捐建

武聖宮在汪家壩汪大棟祖捐建

寒林禪寺在六渡沖上文家山汪大棟大洛二祖捐建

勝峯庵在馬鞍山汪則漢祖捐建

白崖寺在治北百四十五里唐時僧白崖飛昇處今爲

梅氏香火

明善禪林在治北百四十五里前明吳氏建同治八年

僧佛引開禪處山有虎患佛引與其徒禱殺之居民

獲安

萬善寺在治北百三十里前明周易建

大王廟在策山紫下內祀白馬將軍張氏香火

芙蓉寺在州北七十五里劉伏三建

大慈閣在州北七十三里李玉重建

福興菴在州北七十八里李應其等建

天然菴在州北七十里張聯建

如如菴在州北六十里李成軒建

雲霧菴在牙摩岩山

雙泉菴在州北七十里李高允建

龍井菴在靈虬山熊金壁捐建

金山寺在馬驊山徐演捐建

大王廟在馬驊山獅子頭徐演捐建

廣慈菴在王家山熊健妻林氏捐

龍華菴在火鑑鋪東

普濟菴在靈虬山菴後有極樂宮

八蜡廟俗名大王廟在東關外五里席盤石

法薰菴在州西六十里蘆花井孫繼麟捐建置有巨池

普會寺在州東北百二十里

芙蓉廟在州東北百里胡姓香火

靖明寺在州東四十里大旺砦西門內童氏香火

石鼓寺在州北四十里走馬嶺

登西廟在州東北三十五里甘氏香火

西祖寺在州北三十里

代明宮在州北四十五里

太平菴在西角湖

迴清寺在州東三十五里

蔚州志

卷之三

寺觀

三

東瑞菴在州北九十里

竹隱寺在州北九十里張文勝戶公建

南嶽寺在州北九十里

螺螄廟在石鼓沖口胡姓香火

田家菴在州北百三十里原名香山源泉菴田疇戶有

玉祖香火

延壽菴在州東北鼓角山宋末王月東祖建

同春寺在鼓角砦

片雲菴在州東北百二十里何其重祖建

靈鷲菴一名碧雲菴在大同鄉將軍山太學生陳紹瀛

捐置田課二十三石

鬼神

古聖王以神道設教論語中庸每每言之則是鬼神者造化之功用也楚俗尙鬼而蕪尤甚盧志謂爲蕪一方專祀錢志因之今亦仍其目志鬼神

城隍自清泰以來歷代皆有封號

志畧

明初封京都城隍爲承天鑿國司民統神昇福大帝各府爲鑿察司民威靈公各州爲鑿察司民靈祐侯各縣爲鑿察司民靈祐伯

明集禮

謹按齊明夢餘錄洪武二年始正稱號各府州縣城

陸之神據此則州當稱靈祐侯舊志稱威靈公不免沿誤斯俗先每歲六月六日謂城隍誕辰祭賽必備今改爲八月中旬

文昌宮有六星第一日上將第二曰次將第三曰貴相第四曰司命第五曰司中第六曰司祿

陷河神者嵩縣有張翁夫婦老而無子翁日往溪谷採薪以自給一日於岩竇間刃傷其指血旁注滴石穴中以木葉窒之而歸他日復至其所抽木葉視之乃化爲一小蛇翁取於掌中戲玩移時此物似有所

戀因截竹貯而懷之至家則啖以雞肉如是甚馴擾經時漸長一年後夜盜雞犬而食二年後盜羊豕鄰家頗怪失其所畜翁媪不言後縣令失一蜀馬尋其跡入翁之居迫而訪之已吞在蛇腹矣令驚異因責翁毒物翁伏罪欲殺之一夕雷電大震一縣并陷爲巨湫渺瀰無際惟張翁夫婦獨存其後人蛇俱失因改爲陷河縣曰蛇爲惡子爾後姚萇游蜀至梓潼嶺上憩路旁有布衣來謂萇曰君宜早還秦秦人將無主康濟者在君乎請其氏曰吾張惡子也他日勿

相忘養遺後果稱帝於長安因命使至對求之弗獲
遂立廟於所見之處今張相公廟是也唐僖宗幸蜀
其神自廟出十餘里側伏迎道左白霧之中髣髴見
其形像解佩劍賜之祝令效順期賊平駕迴廣贈珍

玩人莫敢窺

王氏見聞錄

梓潼帝君者記云神姓張名亞子居梓潼七曲山仕
晉戰沒人爲立廟唐元宗僖宗宋咸平中屢封至英
顯王道家謂帝命梓潼掌文昌府事及人間祿籍故
元世加爲帝君而天下學校多有祠祀之者明景泰

中因京師舊廟闕而新之歲以二月三日生辰遣官

致祭夫梓潼顯靈於蜀廟食其地爲文昌六星與之

無涉宜勅罷免其在天下學校者俱令折毀

明史

蜀山七曲神所宅之國元命實始吳會是以江湖以
南神跡多著近世貴進士科士子以得失爲病自此
始有司桂籍之說化書所謂九十四化變遷推移涉
於不可測知

文文山集

魁星今人所奉魁星不知始自何年以奎爲文章之府
故立廟祀之乃不能像奎而改奎爲魁又不能像魁

而取之字形爲魁舉足而起其斗不知奎爲北方元
武七宿之一魁爲北斗第一星所主不同而二字之
音亦異今以文而祀乃不於奎而於魁宜乎今之應
試而獲中者皆不識字之人歟

日知錄

二郎神有方士言蜀道永康軍城外崇德祠乃祠李太
守父子也太守名冰素時人嘗守其地有龍爲孽太
守捕之且繫崖中斷分江水一派入永康鎮孽龍於
離堆之下有功於蜀人至今德之祠祭甚盛江鄉人
亦祠之號曰灌口二郎

獨醒雜志

蜀中灌口二郎廟是李冰因開離堆立廟今來現許
多靈怪乃是他第二兒子出來初間封爲王後來徽
宗好道遂改封爲真君張魏公用兵禱於其廟夜夢
神語曰我向來封爲王有血食之奉故威福得行今
號爲真君雖尊人以素食祭我無血食之奉故無威
福之靈今須封我爲王嘗有威靈魏公遂乞復其封

朱子

語類

元至順元年加封秦蜀郡李冰爲聖德廣裕英惠王其
子二郎爲英烈昭惠靈顯仁祐王

元史文宗紀

國朝雍正五年封蜀郡太守李冰為敷澤興濟通祐王其

子二郎為承續廣惠顯英王廟祀灌縣 大清會典

謹按舊志云舊稱導江縣高濟王次子秦李冰而今

之所祀者又以為赤城王考柳宗元龍城錄趙昱隋

煬帝時為蜀郡嘉州太守犍為潭中有老蛟為害昱

入水斬之害遂息州人德之沒後祀為神明唐太宗

時封為大將軍廟食灌口上皇幸蜀加封赤城王據

此則二郎與赤城王為兩人故辨正之廟祀詳城廡

寺觀內

五顯五顯者水火木金土之精周於四郊祠五帝漢祠

五時李唐五神降稱為五聖始荆廟立像又稱為五

顯然廟號止名五通宋大觀中賜廟額曰靈順宣和

間封侯濟熙初封公嘉泰二年封王至理宗又改封

一曰顯聰昭應孚仁廣濟王二曰顯明昭烈孚義廣

祐王三曰顯正昭順孚智廣惠王四曰顯直昭佑孚

信廣澤王五曰顯德昭利孚禮廣成王自宋以後廟

宇徧天下或稱為五聖或稱為五顯或稱為五通廟

貌服色別有青黃赤白黑之分隨五方之色也 周禮

五荆靈
順廟碑

八蜡禮經郊特牲伊耆氏始爲八蜡蠶也者索也歲十二月索萬物而合饗之也曰索饗者因先嗇而及司嗇因農而及郵表畷以致坊與水庸之爲田利猶虎之能除害者皆報焉則有關於嗇事者求索殆盡矣

禮記
祈疑

周將軍闕聖祠中皆塑周將軍其名則不見於史傳考元魯貞漢壽亭侯廟碑已有乘赤兔兮從周倉語其來已久其靈亦最著

溧陽清夏錄

總管芑茅山總管星吉元人也今國語解譯作桑嘉敏爲江西行省平章政事詔令守江州時江州已陷星吉克江州暫兵守之而自據鄱陽口日久乏糧士卒咸困賊發矢射星吉昏仆凡七日遂絕

元史星吉傳

黑神唐南霽雲以保障江淮死祀爲水神舊志以爲三

閻大夫子非也

按陳虞部附說云競渡之事起於弔屈原此一說也黑神則唐之南霽雲以保障江淮死祀爲水神此一說也總管之官元世亦有之以爲星吉亦無不可

但星吉之死在李補殉節之後舊志云李補葬之鳳凰山非也且附總管於黑神之下其爲牽合附會不足爲據可知

志卷

舊志又載蕭公晏公黑神皆謂之江神按明統志蕭公名伯軒江西新淦人死爲神宋咸清間邑人立廟祀之晏公清江人廟在臨江府東北三十里亦邑人所祀皆江西禦災捍患之神與靳地無涉

全上

順濟龍王宋熙寧中王師南征有龍伏江中有司以聞詔封王大觀中封靈順英昭安濟王靳廟祀在龍磯

詳城廟寺觀內

三洞龍王在三角山相傳有龍潛洞中宋慶曆間祈雨有應詔封上洞靈祐侯東洞靈應侯一洞無攷紹興中祈雨又應俱進封王

按三角山水口有東龍巖西龍巖二洞意在此

高山郡王靖明大王莫詳緣起廟祀在城北

詳城廟寺觀內

三公土主者一提刑按察使何公一安撫使吳公一安撫使張公皆有惠澤於斯廟祀在城內

白馬神廟祀在州城大街中石碑現存相傳有大賈乘

白馬過斬爲人劫殺遂爲神故斬有白馬渡云

張王唐張睢陽像旁塑許遠雷萬春以從祀揚州志謂爲張士誠父非也斬俗於五月中旬迎其神導衛甚盛鄉村各爲社或相值爭道以毆謂之撞張王又作紙船揚旂旛於其上送之江謂之送瘟豈沿公死爲厲鬼一語而誤歟

張七相公名瑞四川壁山人幼學道由川入楚毀沿江淫祠至麻城遂下獄時麻城有火災釋而捍之跨烏騅執朱梃指火滅歸至西門外五臘山人馬俱化土人建祠祀焉宋封紫威侯明封助國順天王

國朝加封靈感二字爲川楚禦災捍患之神廟祀在崇居

通志

三司總管不知何處人所禱輒應廟祀在青山

二令相公相傳爲洞庭神亦楊四張七之類廟祀在青山

儻神古稱高陽氏第三子沒而爲儻斬所祀非此其神有四中一黃衣冠如帝者曰唐明皇三少年花衣帽從曰太尉按搜神記天寶時田氏兄弟三人尙游俠

醉臥天津橋明皇微行見之戲命墨粉塗其面相視大笑遂死見夢於帝曰臣兄弟蒙賜粉墨魂不知所歸乞臣何職帝曰命汝爲儺神每春陽巡行花柳可乎因令郡邑塑三人像賜號太尉自是帝屢夢挾二人游新事儺七十有二家每孟春昇神遍歷其家至則男女羅拜鉦鼓喧闐旌旆雜沓神降送以歌歌聲烏烏畢則內神於廟廟祀向在邸家曠今廢以上舊志

田太尉亦儺神之類緣起詳崇居寺觀內

新稿

燕聞

狂夫之言聖人擇焉其傳聞於父老者不必盡非也茲於舊志軼事外畧復綴拾一二以與其地學故相發明虞初九百雖多無取焉志燕聞

郎中李播與蘄州日有李生者稱舉子來謁會播有疾病子弟見之覽所投詩卷感播之詩也既退早於播驚曰此皆應舉時所行卷也唯易其名矣明日遣其子邀李坐從容詰之曰奉大人咨問此卷莫非秀才自製乎李生聞語色變曰是某平生苦心所著非謬

也子又曰此是大人文戰時卷也兼賤翰未更請秀才勿妄言遽曰某向來誠爲誰耳二十年前實於京輦書肆中以百錢贖得者不知是賢尊郎中佳製下情不勝恐悚子復聞於播笑曰是無能之輩耳亦何怪乎饑窮若是實可哀也遂沽以生餼令子延食於書齋數日後辭他適遺之繡繒是日播方引見李生拜謝前事畢又云某執郎中盛卷游於江淮間已二十載矣今欲希見惠可乎所貴光揚旅寓曰此乃某昔歲未成時所懷之者今日老爲郡牧無用處便亦獻可矣亦無愧色旋置袖中播又曰秀才今幾何之生曰將往江陵謁表丈盧尙書耳播曰賢表丈任何官曰現爲荆南節度使播曰名何也對曰名法宣播拍手大笑曰秀才又錯也荆門盧尙書是某親表丈生慚悸失次乃復進曰誠若郎中之言則並荆南表丈一騎曲取於是再拜而出播嘆曰世上有如此人哉蘄州遂話爲笑柄

太平廣記

慎氏毗陵陵亭之女也三史嚴灌夫因游彼締繡好載歸蘄春經十餘秋無允嗣灌夫乃捨其過而出之令

歸二浙慎氏慨然登舟親戚臨流相送乃爲詩以語
灌夫覽詩畢悽感遂爲夫婦如初其詩曰當將心事
已相關兩散雲飛一鶴閒便是孤帆從此去不堪重

過望夫山

雲溪友議

江淮有何亞秦彎弓三百觔常解鬪牛脫其一角又過
蘄州遇一人長六尺髯甚口呼亞秦負我過橋亞秦
知其非人因爲背覺腦冷如冰卽投至交牛柱乃擊
之化爲杉人瀝血升餘

曹陽雜俎

諸庶蘄州獨木人自言不茹葷者數世能使貧者富富
者貧里民稍稍效之其徒十數男女孫雜互易匹耦
謂之忍辱生子不知其父行之數年積數百畧夜行
晝息取資於盜競相推唱云祐術能昇虛空入水火
妄意民瘋潛使致之而民弗覺也先陳起僑斬春惡
其妖昇元中起第進士授黃梅令到官之日里首畢
賀祐獨不至數日起命籍祐爲里長不服祐媿言曰
吾取令頭殺豎子爾起聞大怒會周隣爲巡撫使師
次黃梅起籍其兵以執祐等並其婦人幼稚皆縛沃
以豕血祐迄不能神因索其家得輿服器用皆培至

貴郡將斬祐等曰婦人何能爲幼稚宜無預意且貫之起曰此皆瀆亂人倫去無遺類遂並斬之起古是知名遷監察御史卒

馬氏南唐書

陳曙蜀人舉進士唐末避地淮南多遷於蘄州山中鄉人有會集或祭神曙不待召而至醉飽乃辭去由是人多設虛坐陳酒馔以俟之同日或至數家舍中惟一榻素書數卷與蛇虎雜居不設牕戶雨雪滿室亦自若人有乘其出往窺之者曙必自外來凡數十年鬚鬢不少異允宗命中書舍人高越召之不肯起後

徙居鄂渚及洪之西山不知所終

陸氏南唐書

蘄州有鬼鳥宋王禹偁自黃徙蘄聞此鳥詢其名或答曰此名蘄州鬼禹偁大惡之未幾果卒蘇子瞻作禽言詩曰憶君向蘄州更唱蘄州鬼我不識使君寤知使君死人生作鬼會不免使君已老知何晚今按蘄原無此鳥或謂卽泉鳥俗名扛喪聞其聲卽惡爲不祥然此鳥處處有之春夏間卵哺時多夜鳴何指爲

蘄州志

一統志

傅七郎者蘄春人其第二子傅九年二十九好狎游常

爲娼家營辦生業遂與散樂巷小姐綢繆約竊爲逃
林母防其女嚴緊志不能遂消然十六年九月因夜
宿用帳帶兩條接連共縊於室內明日母告官驗實
收葬紹熙三年春吉州蘇客逢兩人於泰州酒肆爲
主家富媪供役蘇嘗識傳問其去鄉之因笑而不答
蘇買酒飲散明日往尋之主人言傳九郎夫婦在此
相伴兩載昨晚一客來似說其宿過羞愧不食封夜
同窺去今不可復詢所在也 夷堅志

宋理宗景定二年安撫使王益避亂率民保鴻宮洲築

城於今泊鱗山之陽福池得墓碣云本是辛年地暫
借五百年感謝王刺史移我過西川按王益爲知州
稱安撫誤舊傳爲郭景純所置自晉迄宋末不止五
百年又傳荆藩建邸時所發皆誤 一統志

蘄春縣大同鄉人黃元功富室也佃僕張甲受田七十
里外查梨山下紹熙初無疾而死體未全冷妻已治
棺三日不忍斂但泣守其側忽起坐言曰我承得文
引差遣黃解元可速具食命置草鞋一隻妻不敢問
卽辦之張不下席而飲自空鞋失所在復瞑目明日

又瘡一切如前及瘡變屢皆破云方始迫得今次與汝初別從此長往不復遇黃解元者卽元功也

夷堅志

禮部林郎中言兵部許侍郎昔爲翰林學士忽夢著綠心甚惡之未幾奪職以起居令人知新州然未見著綠之應官制旣行改朝散郎本階正合衣綠方悟前夢之可信也

文員新錄

新州境有三洞一曰龍洞在三角山下神龍居之霖雨皆應而光景變化未嘗表露二曰龜洞在廣教山下龜生其中品類不一而綠毛者尤多三曰蛇洞在新

口鎮側

卽今龍峯山

蓋白花所聚今不復有矣土人捕採

乃出羅田山谷中施小路溫舒自信陽解印造朝舟抵新口詣近處龍峯寺游觀距蛇洞不遠詢於寺僧皆言徒有其名耳因信步到方丈後躡石級百層得一堂方壘足坐憩旁人驚曰一巨蛇蟠屈於下相與持槌擊逐施下樹蛇逕入山見者無不汗駭此蛇之毒甚於蠚或爲所傷卽急剗其肉少緩則徧體盡生白紋方花如其形不踰時卽死到闕除新奉守蓋且將爲地主故山川之靈陰相之特令此物出異以示

眾吁其危哉言之令人毛豎

洪邁哀堅志

白承節樂平人淳熙初監斬口鎮市客金生抱款未歸每出入鎮宅甚熟一日量籌畢束縛物貨頓几上聞譚市井商事問答頗久出酒炙飲食之所坐靜僻白竊取其邵陽隔織兩匹藏篋中胡妹婿自外至適見之謂與爲戲耳客酒罷徑肩所齎行次日點閱不見亦但疑宅人故相惱不深介意至暮乃以爲詣乞爲詢究白怒曰我固卑正是本鎮官如何擅誣作賊客翻遙謝拔淚去後子天逝其母石氏痛之極空篋中

以爲斂兩匹在焉胡妹婿來弔見之極嘆惜

通志

浙州民費翕家素顯翕生二子長曰小二次曰小三長者事親極孝適日辛苦經營纖微收拾悉以供父母季殊不然方七歲見父如仇未嘗見面詎語至慶元元年十有九歲矣其年三月盜錢用數十千賭博又詐市買刀官言悖逆或報其父父遂避於接子山寺中相去五里有趙氏菴老僧宗顯忽遣侍史邀相見適子踵至使闌入別室然後謂翁曰是皆宿世因緣當爲汝解之翁拜謝宗顯旋呼季使來座下卽灑然

作禮願充弟子之列顯命翁還家頃售所得錢四百千顯爲辨餘直置祠部牒至九月度季爲爵立名法淨才踰月顯坐化去

通志

康茂才以元進士授南康太守歸命明太祖康郎山之戰厥爲首庸太祖既定天下論功錫爵爰封斬國公子鐸錫爵斬春侯靖建文之難時鐸守後宰門勦兵拒命死遂失封世宗起藩邸入繼大統念康公爲楚人功大殄祀甚憫悼勅湖撫下郡邑求康氏子孫時康姓居青山鄉聞命驚錯以爲靖難禍復作恐陷族

誅有司求急康氏議一椎魯之人稱爲嫡派赴京陛見上不樂止襲留京錦衣千戶又別支有流寓燕者號明元光宗爲太子時明元以黃冠奉祀太清宮香火太子素習勤苦常諮訪民間事明元乘間陳先世失封狀太子允復其封尋一月崩遂未議及斬庠生康再奇字鳴來斬國嫡裔其始封券及宋謙所撰制誥萬曆間州守徐徵驗其券復其丁徭二十戶以示優恤

四照堂集

刑部尙書馮天馥張夫人無子鍾愛其女十歲時尙烏

朝錦袍揖見縉紳大老於邸第大學士嚴嵩見之欲
爲嫺姬奉酒上壽公佯醉嚴大慙噉給事中侯某劾
尙書致仕顧氏家傳

隆慶辛未夏秋大水斬黃濱江之地鼯鼠徧野皆鯽魚
所化蘆稼諸根齧食殆盡正字通

萬曆己未間土人於江中之散化洲得小鐘一日擊之
無聲以獻之兵憲王公迥溪亦不能識時太宗伯李
公本甯過斬王公質之李公曰此三國時周公瑾破
曹兵軍中會食之鐘也共十有二以重物擊之無聲

以蘆葦擊之其聲始發驗之果然蘆志

御史王珙字大美號荆石新州人官蘇松直指初苦無
子以祈嗣請於先師三昧老人老人適開創黃梅四
祖寺因令創醫祖殿於正位必保得子公篤信頓發
肯心乃獨力創建備極壯麗甲於楚中殿成公旋得
子又闢賊將破斬忽一老僧趺坐公門七日公出見
問何所募僧曰不募別事止化居士一門剃髮出家
公曰吾忝在宦家如何一門能剃削乎老僧曰稍遲
大禍立至矣言訖忽不見公凜然大悟曰此必四祖

現身說法也乃聚青黑衣服幘帽盡製爲僧帽將百頂一家老幼皆剃髮忽報城陷遁入城北隅四祖寺全家獲免

說命

沈士望州諸生崇禎末上書召見授兵部參議輔臣厭之移送江督袁繼成幕

白茅堂集

州人王居士年四十不娶若狂易鄉人共笑罵漸陷自危堞踊下身無所損結茅廬山清涼臺巖巖空下睡百勿常月餘不食客至戰慄不敢上居士遙望大笑而已無名字自言曰我仲尼之徒因號尼徒居士

白茅堂集

故荆定王樂工周諒其先元樞密使名信初洪武初編入教坊孫某正統初賜荆憲王至定王時諒以技冠教坊嗣王尤愛之國亡爲道士

白茅堂集

諒爲人勇

力善幻以警馬株連藥刑部獄崇禎乙巳應募爲兵敗歸鄉里麻城土寇白么兒據虎頭關諒擊散王還召還

白茅堂詩注

斬俗近文雅善歌者多習吳中雅調雖布衣之士咸能以絕技擅名如黃綺雲之善謎馮道衡之善奕雖曰

小技王公大人亦樂與游至今猶述爲里中美譚也
新山水秀麗人文故多應之遠不可考近代王公折節
樂與士大夫游往往結爲詩社宗藩中以翰事擅名
者如竹侶之草蟲定王之菊竹鑑虛之松梅季御伯
誠之水墨花卉維宗之松書則如震岳仲良龍涓諸
昆季皆得飄然蕭灑之意精神之工書者若王之初
號天目王之鼎字定仲李新字庚伯王可象字孝儀
王縉號意菴而諸生中有袁素亮字公廖鍾士良字
伯駿陳之京字觀北王瑄字大玉周至德字文仲張
效鍾字期伯陳宰字屠長盧紳字元薦周宏德字叔
毅袁道長字天侔其楷書行草皆擅絕一時藝林翹
楚

清心堂新州人爲荆藩良醫所精太素脉是時諸生中
名噪人耳者唯予與蕭東曙浦一夕延予至其家曰
勿飲酒夜半吾當爲子候脉既候而嘆曰吾意子少
年科第將有所託今科第雖不可得而心脉起一舉
將來必以文章名世吉祥壽考固不待言矣惟蕭脉
七斷八截恐非令終之客及城被蕭死獨慘然後知

浦術之精 耳提錄

明季州人文頗盛應試常數千人額亦無定非宗學約五六十名試場於南湖西岸爲棚或以繩區之諸童入岸後各持香楮至其處云辭季家背又諸童入岸歸次日晨早各穿巾服詣藩邸朝王王御殿諸痛如數捧茶至階下飲之各分賜紙筆謝恩而出 舊志

蕭霽字東曙長予一歲每與予卽席賦詩皆頃刻就贈予有云欲擬逸才何所似裁雲鑊乃作詩篇嘗賦巾幘行見嘲畧云顧生意氣何揚揚鼻頭吐火眼出光

自言有詩二百章踵門長跪求雌黃豈知小巫神氣澀幾欲出手還沮藏鍾會隔牆擲四木不敢對面投嵇康子戲賦龍嶠行答之有云豈知仙經荆可假手執靈文故瀟灑願爲橋上授書人不識爐頭畫灰者東曙跣足至大叫伶何口我做不得矣未張獻逆屠斬予家以貞節感賊免害東曙被賊詈賊賊嚙之痛哉後予說而張公亮先生先生曰蕭詩輕露君辭重渾吉凶所以異也東曙有集十卷編類書名道器括藪一千六百卷並尖又嘗謂予曰一穴不兩蛟我嘗

殺汝予笑曰君當爲員傲我爲李泌何至相殺耶

黃公

詩話

崇禎十年冬寇犯黃州總兵張一龍駐蘄州馭下急僧夫刺一龍不中軍譟十四年大饑先是地震釜底皆有篆文有鄉民四殿兒一夜變爲番僧狀又楓樹生花如蓮江上雷震一物魚身牛首青山鄉周某家水審汲滿立涸漩渦作聲城東李姓家地下有聲如牛至是大旱疫民死十之六七十五年秋瓦雀數萬自投湖冬鐘鼓自鳴十六年正月城陷賊令男婦折城

人石俱下城與屍齊乃止

顧氏家傳

樊山王次子常景封鎮國將軍崇禎十二年獻逆破襄陽劫藩府將軍孛家人一夕遁長史追不及失所往十六年獻逆陷蘄屠之慘荆王屍郡王皆被害劫諸妃夫人將軍免順治三年歸蘄與英山男子王六姐起兵斗方砦死之

全上

按斗方砦在蘄水縣

嗣樊山王朱某亂離後漂泊蘄東百里外隱於醫更姓樊字曰孝山荆府名妓某工畫蘭楚楚有致酒間曼

聲度曲能說開元天寶故事孝山寵之遂娶焉已而
孝山病廢歸斬結草廬以居今無沒矣詩云白頭宮
女嫁王孫陋巷顏垣煙雨昏梳茗爐香曾此地荒
一曲客銷魂 吳業齋集

蕪州楊嫗某氏少寡鞠一孤年三十不能娶嫗懼斯夫
祀百計營聘所少俸數金嫗私許富家爲賃春預乞
其百得娶婦時嫗已往役婦入門索其姑不見不肯
成禮夫語之故婦泣曰妾囊中金足相當立趣贖姑
夫夜馳往猝未持金已而來索婦曰金適已付汝矣

夫大詭蓋貧家壁皆編葺鄰人竊聞其語輒詐爲夫
取金去也婦羞見給又無餘金痛姑不得贖遂縊死
質明雷擊盜金者死戶外金故在手而孝婦復甦 施

山

蕪南城外三里許關帝祠神像甚有生氣城中人事之
甚謹癸未賊後祠爲土人所壞神遂露處韓叅戎爲
建祠於荆邱沉香樓之廢址擬移神卜之不許強移
之神初像面淺赤豐頰有拙工爲之改削其人立死
神前威靈顯著如此乃順治己丑夏事也

康熙七年安平鄉蔡某家鴨卵有十七篆文欸起其西
村又一方卵或煮雞卵破之中復得一卵六月十七
日甲申地震雨穀釜底皆篆文不可識亦有作花卉
狀白茅堂集

州西永福鄉寒婆嶺寒婆墓在焉嶺以是得名不詳爲
何代人墓前有道往來行人每採薪一束置於墓側
積多則焚之以示却寒之意歷來相傳至今未改有
詩云嶺頭荒草沒孤墳每遇寒天怕夕曛此後且教
休怯冷道旁薪火足供君西園雜記

道光癸未三月北關外清江門

俗行大漢口

外洲灘水內出

火志畧

按黃公說字晉穆帝升平四年涼州澤中火起此水
然也然者陰之極也凡大水中皆有火小水則無今
小水中出火殆雨雪綿連過久陰極陽生然問之膏
年人從未之見西園詩注

咸豐二年州崇居鄉張氏家雄雞生卵有六枚又有黑

豕忽變爲白豕又有豕三尾

新稿

按紀曉嵐姑妄聽之載新齊諧所記雄雞卵一事非

怪異也陽氣圍結積久而成其形長不能固以之治
目疾甚效每枚可值十餘金人多以蛇卵混取之日
中照之內有紅光則真又有可以人力爲之者將雄
雞置之籠中使羣雌旋繞不能相接則陽氣圍結遂
成卵然與豕變事皆罕見也故錄以附摭聞